

**LE BERGER
FIDELLE,
PASTORALLE. DE
L'ITALIEN DU
SEIGNEUR...**

Battista Guarini





Bibliotheca L E *Argentis*

BERGER

utrinque FIDELLE, *Germanis*

flandric PASTORALLE. & *Anno*

De l'Italien du Seigneur BAPTISTE
GVARINI Cheualier.

DERNIERE EDITION.

A. Min. Recolletour



AROVEN,

Chez PIERRE L'OYSELET,
tenant sa boutique au haut
des degrez du Palais.

1613.



A TRES-VERTVEUSE
ET EXCELLENTE DAME,
MADAME CLAUDE DE
Chiury Dame de la
Patriere.

MADAME, D'autant que ce Berger que j'ameine en France est estrangier de nation, non originaire de ce pays : il craignoit qu'en ce temps tout plein de desffiances & de menées il ne peust auoir libre accez par les villes où il desiroit passer, s'il n'auoit respondant, personne de marque qui certifiast de son obeissance & fidelité. A cette occasion il s'adresse à vous, pour vous supplier, Madame, de le receuoir de bon œil, comme en toute humble reuerence il se vient presenter à vous, à ce que vostre nom luy serue de passeport & sauf-conduit par tous les endroits de ce Royaume où son destin & sa fortune le porteront. L'heureux accueil qu'il a receu au lieu de sa nais-

J'ance luy fait esperer que quelque part qu'il
aille, portant sur son front vne fidelité memora-
ble, il sera tousiours le bien venu. Mais à vous
plustost qu'à nul autre il a desiré s'offrir, tant
pour l'assurance qu'il se promet sous l'autorité
de vostre nom, qui estes alliee d'une infinité de
Marquis, Contes, Barons, & autres grands Sei-
gneurs de France, que pour le bon visage qu'il
receut de vous le premier iour que vous le vistes:
afin aussi qu'il vous soit vn gage eternal de la
part de celuy qui vous le dedie, du seruice qu'il
vous desire rendre, & à tous ceux qui vous ap-
partiennēt, estāt comme vne infinité d'autres, en-
gagé par les liens inuincibles de vostre debonnai-
reté & courtoisie à demeurer toute sa vie,
Madame,

Vostre tres-humble &
obeissant seruiteur.



AUX LECTEURS.

Ombien que par la disposition de cette Pastorale, lon puisse assez comprendre le suiet d'icelle, sans qu'il soit besoin d'argument : toutesfois l'ayant trouué en la copie Italienne ie l'ay voulu inserer. Pour le regard du Prologue ie l'ay passé, pource que cet ouurage ayant esté fait François, non pour le representer sur vn theatre, ains pour estre leu seulement, & cette partie ne soit adioustee aux Scenes que pour se concilier l'attention & bien-veillance des spectateurs selon le temps, les lieux, & les personnes. l'ay pensé qu'il n'estoit besoin de le rapporter ici. Au surplus i'ay esté contraint à l'Echo de m'esloigner quelque peu du propos de l'auteur, pour faire tomber des responce equivoques : toutesfois lon y trouuera peu de changement.



ARGUMENT DV BERGER FIDELLE.

L*Es Arcades sacrifioient tous les ans
à leur Deesse Diane vne ieune fille au
pays pour faire cesser les maux qui
les travailloyent: ayans esté conseillez de ce faire
par l'oracle: lequel non long temps apres recer-
ché du terme que auroit leur affliction, leur fut
respondu en cette sorte:*

Plustost ne finira ce malheur homici-
de,
Que deux races des Dieux, iointes
n'ayent esté,
Et que l'antique erreur de la femme per-
fide
D'un fidelle berger paye la loyauté.

*Cela fut occasion que Montan prestre de cette
Deesse, qui rapportoit l'origine de sa maison à
Hercules, procura (comme aussi aduint-il) que*

Silvio son fils unique fust solennellement accordé en mariage à Amarillis Nymphe de grand lieu, fille aussi de Tytire, qui descendoit de Pan. Or combien que les peres auançassent ce mariage de tout leur pouuoir, si est-ce qu'il ne se pouuoit accomplir comme lon desiroit, pource que le iouueneau qui ne prenoit plaisir qu'à la chasse, viuoit fort esloigné de pensers amoureux. D'autre costé il y auoit vn certain berger nommé Myrtil, fils (comme lon estimoit) de Carino, berger yssu d'Arcadie, mais qui dès long temps auparauant faisoit sa residence en Elide, lequel estoit esperduëment amoureux de sa fiancee Amarillis. Elle l'aimoit aussi de son costé: toutesfois elle ne luy osoit descouurir à cause de la loy qui punissoit de mort la desloyauté de la femme. Ce qu'offrant à Cori qu'une belle commodité de nuire à cette sile qu'elle hayoit pour l'amour de Myrtil, duquel elle s'estoit follement enamorachée, esperant que par la mort de sa corrinalle elle surmonteroit aisément la foy constante de ce berger: elle fait en sorte avec dissimulations & ruses, que les miserables amans sans se douter de rien, & pour vne occasion toute autre que celle qui leur fut depuis imputee, s'acheminèrent dedans vne caverne, où accusez d'un Satyre & surpris tous deux, Amarillis ne pouuant iustificier son inno-

cence est condamnée à la mort , laquelle bien que Myrtil ne doute point qu'elle n'ait trop meruee, & qu'il sçache assèz que par la loy qui chastie seulement la femme il s'en peut aller absous: neantmoins il se resoult de mourir pour elle, comme il estoit loisible de faire par la mesme loy. Luy donc estant conduit à la mort par Montan , auquel pource qu'il estoit Prestre , ceste charge appartenoit: suruenant sur ces entrefaites Carino, qui venoit pour auoir de ses nouvelles, & l'ayant apperceu en estat non moins triste à ses yeux, qu'impourueu , comme celuy qui ne l'aimoit pas moins que s'il eust esté son propre fils naturel: cependant qu'il s'efforce pour le deliurer de la mort de prouuer par raison qu'il estoit estranger, & pour cette cause incapable d'estre victime pour un autre. Il vient sans y penser à descouvrir que son Myrtil estoit fils du Prestre Montan: lequel s'attrisant comme vray pere de deuoir estre executeur de la loy sur son propre sang , il vient à estre esclarcy par Tyrenio Prophete auengle, de l'interpretation de l'oracle, & que non seulement c'estoit choses repugnantes au vouloir des Dieux que ceste victime se sacrifiait , mais aussi que la fin des miseres d'Arcadie estoit venue, laquelle leur auoit esté predite par l'oracle, par le moyen duquel pendant qu'ils vont accordant tout le

succiez de ce qui s'estoit passé : ils concluent que Amarillis ne peut ni ne doit estre espouse d'autre que de Myrtil. Et pource que peu auparauant Siluio pensant tirer contre vne beste sauuage auoit bleffé Dorinde embrasée extrêmement de son amour, & par cet accident changé sa cruauté ordinaire en amour : Apres que la playe de la Nymphe qui auoit esté tenue mortelle fut reduite à terme de guarison, & qu'Amarillis eut espousé Myrtil, luy aussi, qui estoit deuenu amoureux, espouse Dorinde. Pour lesquels si heureux succiez hors de toute esperance, restant en fin recognuë Coris que toute remise d'auoir obtenu pardon des amans espousez, bien que saoule du monde, se dispose de changer de vie.



S O N N E T.

Sors fidelle Berger, de tes grottes ombreuses
Que Phæbus à grand peine esclarcit de ses rais,
Et de ta loyauté les plus rares portraits.

Fay voir, riche d'honneur, par les Gaules fameuses.

Tes souspirs amoureux, tes sentences nombreuses,

Tes plaintives chansons, tes languissans attraits,

Et ce fidelle amour rendent plus que jamais

De tes perfections les Nymphes amoureuses.

Frere uterin d'Aminte en Itale conſeu,

Tu seras comme luy de la France reſeu,

France qui les honneurs aux merites esgale.

Et peut estre ces vers qui ne sonnent qu'Amour,

Nos cœurs amolissans par une Paix fatale

Banniront à jamais Bellonne de la Cour.



AVTRE SONNET.

Quand le fameux sonneur de la lyre Latine,
Vit un autre aage encor en civiles fureurs
Rensanglanter l'Itale & de meurtre & d'horreurs
Rome le chef du monde avancer sa ruine.

Sus (dit-il) compagnons, troupe sainte & divine,
Cherchons autre pays, autre siecle, autres mœurs,
Cherchons ces heureux champs ou les fruits tousiours
D'un eternal Printemps sont la saison benigne. (meurs)

Ainsi triste voyant nos malheurs raieunir,
Tousiours nouveaux desseins nos maux entretenir,
Tousiours nouveau fâil de nouvelle discorde.

Je voulois vous traire en ces bois plus heureux,
Mais i'enten, ce me semble, un doux air amoureux
Qui nous parle de Paix, d'amour & de concorde.



LES PERSONNAGES.

SILVIO *fils de Montan.*

LINCO *vieillard serviteur de Montan.*

MYRTIL *amoureux d'Amarillis.*

ERGASTO *compagnon de Myrtil.*

CORISQUE *Nymphé amoureuse de Myrtil.*

MONTAN *pere de Sylvio, Prestre.*

TITYRE *pere d'Amarillis.*

DAMETTE *vieillard serviteur de Montan.*

SATYRE *vieillard, ci devant amoureux de Corisque.*

DORINDE *Nymphé amoureuse de Sylvio.*

LVPIN *Berger, serviteur de Dorinde.*

AMARILLIS *fille de Tityre.*

NICANDRE *premier ministre des Prestres.*

CORIDON *amoureux de Corisque.*

CARINO *vieillard, pere putatif de Myrtil.*

VRANIO *vieillard, compagnon de Carino.*

LE MESSAGER.

TIRENIO *Prophete aveugle.*

LE CHOEVR *des Bergers.*

LE CHOEVR *des Chasseurs.*

LE CHOEVR *des Nymphes.*

LE CHOEVR *des Prestres.*

LA SCENE EST EN ARCADIE.



ACTE PREMIER.

SCENE I.



SILVIO, jeune Berger. LINCO, vieillard.

ALLEZ, vous autres qui auez
enceint l'espouventable be-
ste, donner l'accoustumé si-
gnal de la chasse prochai-
ne : allez resueillant du cor les

2. Acte X L E B E R G E R. Sc. 1^{re}

adieu
yeux, & de la voix le courage: s'il y eut,
oncques en Arcadie Berger de Diane qui
se soit pleu à ses esbats, & que le souci
des boccages ait poinçonné d'une ar-
deur genereuse qu'il le montre aujour-
d'huy, & me suiue là, où en petit lieu,
mais champ bien ample à nostre valeur,
est réfermé ce sanglier terrible, ce mon-
stre de nature, cette horreur des forests,
ce grad & effroyable hoste de l'Eryman-
thé, si cognu par les playes communes,
desolation des laboureurs. Allez donc
vous autres & ne deuancez pas seule-
preconne
prouuete
ranco
ment l'aube endormie, mais auancez là
encore du son enrouié de vos cors. Nous
Linco, allons adorer les Dieux: & puis
auec plus seure escorte nous pour sui-
urons nostre entreprise.

*Qui bien commence, à moitié de l'ouurage,
Et de là haut nous vient cet auantage.*

Lin. Je louë bien Siluio ta deuotion
vers les Dieux, mais d'aller faire ennuy à
ceux qui sont leurs ministres, ie ne le
puis loüer. Les gardes du temple dorment
tous encore, qui n'ôt le iour plus clair ni
plustost que le sommet de la montagne.

Actu 3^m F I D E L L E. *Le 3^m*
Sil. Toi qui peut estre dors encores, tu
penses que chacun soit endormy.

Lin. O Siluio, Siluio, pourquoy penses
tu, di-moy, que la nature t'ait doié en la
plus belle saison de ton aage, d'une fleur
de beauté si rare, pour la fouler ainsi aux
pieds? si i'auois ceste tienne si belle, & si
vermeille ioué, que ie dirois bien adieu
forests, & poursuivant vne autre chasse,
& passant ma vie en esbats & plaisirs, ie
ferois mon esté à l'ombre, & mon hy-
uer deuant le feu.

Sil. Tu ne m'as iamais ci deuant donné
tels aduertissemés, comment es-tu main-
tenant si contraire à toy mesme?

Lin. Autre saison, autre façon de vivre.

Ie me gouuernerois ainsi si i'estois Sil-
uio.

Sil. Si ferois-ie bien moy si i'estois
Linco: mais pource que ie suis Syluio,
ie me veux gouuerner en Siluio, non en
Linco.

Lin. Ieune follastre, que te sert (ie te
prie) d'aller cherchant par tant de hazards
& dangers vne beste sauage, si tu en as
vne qui t'est si proche, si domestique, &
si assée.

Sil. Parles-tu à bon éscient, ou si tu te
mocques?

Lin. C'est toy, qui te mocques, non pas
moy.

Sil. Et elle est si proche?

Lin. Comme toy de toy mesme.

Sil. En quel bois repaire-t'elle?

Lin. Tu es le bois, Siluio, la beste sau-
uage ta cruauté.

Sil. Je voyois bien que tu ^{vanesson} voulois rire.

Lin. Vne si belle & gracieuse Nymphé,
mais que dis-je vne Nymphé, ains vne
Deesse plus belle & fraische qu'une ro-
se au matin, plus delicate & plus blan-
che qu'un Cygne, pour laquelle il n'y a
si braue berger entre nous qui ne sou-
spire, iacoit qu'en vain, qui à toy seul re-
seruee des hommes & du ciel, est desti-
nee pour toy : Et cependant toy qui en
peux iouir sans tant de peine (garçon
trop plus heuteux que sage) tu la fuis,
Siluio? tu n'en tiens conte? & ie ne diray
pas que tu ayes le cœur d'une fere sau-
uage, voire plustost de fer.

Sil. Si n'auoir point d'amour est cruau-
té, cruauté est vertu. Je ne me repens
pour mon regard qu'elle ait place en mon

cœur, au contraire ie m'en estime, puis que par son moyen i'ay vaincu amour, beste trop plus sauvage qu'elle.

Lin. Et comment l'aurois-tu vaincu si tu ne l'as point esprouvé?

Sil. Je l'ay vaincu ne l'esprouuant point.

Lin. Si vne seule fois tu l'aurois esprouvé, Siluio, si tu sçauois quel plaisir & bon-heur c'est d'estre aimé, & de posséder en aimant vn cœur respondant en amour: ie suis certain que tu dirois, douce vie amoureuse, pourquoy si tard es-tu venue en mon cœur?

*Laisse, laisse les bocages
Laisse les bestes sauvages,
Petit follastre, & t'en vien
Dedans l'amoureux lien.*

Sil. Di ce que tu voudras, Linco, si te puis-je asseurer que ie quitterois mille *dam* Nymphes pour vne seule beste que mon Melâpe auroit chassée. Prenent ces plaisirs ceux qui les sçaurônt mieux gouter que moy, de moy ie ne les ressens point.

Lin. Comment les ressentirois-tu, si tu ne ressens point amour, seule occasion

6 *A. L. E. B. E. R. G. E. R.*
que tout le monde sent? Mais ie t'assure;
enfant qu'à loilir tu le sentiras quand il
n'en sera plus temps: vne fois Amour
vient monstrier quel pouuoir il a sur nos
cœurs, croy moy (enfant) car ie l'espere-
ue.

pena mas
Mal n'est plus grand que la *demangeaison*
Que donne amour en nostre *age grisen*, *uee*
Quand moins profite au mal qui nous offense.
Le traitement de celuy qui nous pense.
Si ieune d'ans de l'amour tu es poinct;
De ses douceurs tes blessures il oinct:
Et si ton mal aucune fois t'affole,
Tu as au moins l'espoir qui te console.
Si en vn temps Amour blesse le cœur,
Bien tost apres le remede en est seur.
Mais si tu viens à l'age refroidie,
Où le deffaut tient la force engourdie,
Ta playe alors est plus dure cent fois
Qui en la saison du plus vert de tes mois,
De tous costez le malheur te menace,
Si tu demande & tu n'obtiens la grace
Que tu requiers, certes il te va mal,
Il n'est tourment à ton tourment esgal.
C'est bien encor vn plus aspre martyre,
Si tu obtiens le bien que tu desires,

Ne cherche point en la fleur de tes ans,
Tant de deffauts que nous porte le temps,
Car si tu viens en ton aage cheuë
De ses assauts sentir quelque venue
Double est le mal, n'auoir eu le vouloir
Quand tu pouuois, & voulant, ne pouuoir.

Laisse, laisse les boccages
Laisse les bestes sauvages,
Petit follastre, & t'en vien
Dedans l'ameureux lien.

Syl. Comment ? il n'est donc point de
vie sinon celle qui entretient vne incu-
rable folie d'amour ?

Lin. Di moy si en cette belle & riante
faison qui renouuelle & remplit de
fleurs tout le monde, tu voyois au lieu
des cāpagnes fleuries, de ces beaux prez
& forests ombrageules, le pin, le sapin, ^{l'abe}
& le hestre, despoüillez de leur cheue- ^{le}
leure, les prez sans herbe, & les colines
sans fleurs : Ne dirois-tu pas Siluio, le
monde s'en va mourant, la nature patist :
maintenant le mesme esbahissement, & ^{man}
l'horreur mesme que tu aurois d'une ^{uile}
nouueauté si estrange, aye là de toy
mesme.

Le Ciel aux ans rend conforme la vie,
 De mesmes mœurs en mesme aage suivie:
 Car tout ainsi qu'en nostre aage grison ~~canuta~~
 D'amour sied mal qui est hors de saison
 Ainsi jeunesse à l'amour ennemie
 Combat le Ciel, & nature deffie.

Voy autour de toy Siluio, tout ce que
 le monde a de beau & plaisant est ouura-
 ge d'amour, le ciel aime, la terre aime, la
 mer aime, & cette si belle estoille que tu
 vois là haut paroistre deuant l'Aurore
 aime de son costé & ressent les feux de
 son fils. Elle qui rend amoureux les au-
 tres, reluit elle mesme amoureuse, &
 c'est peut estre à present l'heure de ses
 amours desrobees, & qu'elle laisse le sein
 de son cher amant: voy comme elle
 brille, & comme elle rit. Parmi les bois
 les bestes monstreuës aiment, parmy
 les eaux les Dauphins & les Ourques,
 & cet oiseau qui chante si doucement,
 & folleste vollette du sapin sur le
 tremble, du tremble sur le myrrhe, s'il
 auoit vn esprit humain, il diroit, ie brus-
 le d'amour. Mais il en brulle au cœur,

& le dit si bien en son langage, que son doux desir l'entend bien. Mais à propos, n'oys-tu pas, Siluio, que son doux desir luy respond, ie brusle d'amour aussi bien que toy : Les bœufs muglent en leurs estables , & ces muglemens ne sont qu'amoureuses semonces. Le Lyon rugist és forests , & ce rugissement n'est de courroux , ains c'est d'amour qu'il soupire. Ainsi en fin toutes choses aiment, & tu seras tout seul , Siluio, au Ciel, en la terre, & en la mer vne ame sans amour.

*Laisse, laisse les bocçages
Laisse les bestes sauvages,
Petit follastre, & t'en vien
Dedans l'amoureux lien.*

Sil. T'a lon commis ma premiere ieu-
nelle, afin que tu la nourrisse d'amours
& de penfers effeminez? as-tu oublié qui
tu es & qui ie suis?

Linco.

Ie suis veritablement homme, & me
pense tenir de l'homme : & avec toy
qui és homme aussi, ou au moins qui

10 *Alor* LE BERGER,
le deuoïs estre, ie parle d'humanité:
Mais si peut estre tu desdaignes vn tel
nom, garde qu'en te despoüillant d'hu-
manité tu ne deuienne sauuage, non pas
vn Dieu.

Sil. Celuy dont procede mon ligna-
ge n'eust esté oncques si renommé,
si grand ni si puissant dompteur de
monstres, si auparauant il n'eust dompté
l'Amour.

Lin. Voy pauvre aueugle, comme tu res-
ues: où serois-tu, di moy, si ton grand
Hercule n'eust esté amoureux, s'il a vain-
cu és batailles, s'il a dompté vne infini-
té de monstres, l'amour en a esté la seule
cause. Ne sçais-tu pas que pour com-
plaire à Onfale il ne voulut pas seulemēt
changer aux vestemens de femme le dos
pelu de son lyon horrible: Mais bien au

Sil. lieu de sa maistresse nouëuse manier la que-
noüille & le fuseau? voila cōment se re-
posant de ses fatigues & trauaux passez,
il faisoit sa retraite, comme en vn port
d'amour, au sein de sa belle maistresse.

*Souspirs d'amour sont respires d'allegeance,
Aux grands desseins esguillons de vaillance,*

Car tout ainsi qu'une masse de fer
 Est de Joy rude & ne peut s'estoffer,
 Mais de metal doucement temperee,
 Polit l'ouvrage & le rend de duree,
 Ainsi vn cœur farouche & indompté
 Souuent se rompt de fureur emporté:
 Mais si l'Amour doucement le tempere,
 Il devient braue & dispos à bien faire.

Si tu desire donc d'estre imitateur
 d'Hercules l'invincible, & digne petit
 fils d'un tel ayeul, puis que tu ne veux
 point laisser les forests, au moins en suy
 les forests, & ne laisse amour de tout
 point, mesme vn amour si legitime, &
 si digne de toy, comme est celui d'Ama-
 rillis: si tu ne suis Dorinde, ie t'en excuse
 aucunement, ains plustost ie t'en loue,
 pource qu'à toy qui es desirieux d'hon-
 neur, il te seroit mal seant d'estre espris
 d'une amour desrobée, & ce faisant faire
 tort à ton espouse legitime.

Sil. Que dis-tu, Linco? elle n'est pas
 mon espouse encore.

Lin. Comment? n'as-tu pas reçu d'elle
 la foy si solemnellement? garde, superbe
 enfant, que tu ne courrouces les Dieux.

*Sil. La liberté humaine est vn don de là sus,
Qui la force ne force, où force a le dessus.*

*Lin. Au contraire si tu escoutes le ciel,
& entens bien ce qu'il te dit, tu cognoistras qu'il t'appelle à cela. Le Ciel dis- ie qui à tes nopces te promet tant de faueurs à l'aduenir.*

Sil. C'est bien à propos. Les Dieux n'ont autre chose à penser aussi. Ce soucy-là les trauaille fort : Linco, ie veux bien que tu sçaches, que ni cet amour ci ni cet amour là ne me plaist : Ie suis né au monde chasseur, non amoureux, toy qui as suiuy l'amour, va retourne t'en reposer.

Lin. Cruel garçon, tu viens du Ciel, ie croy pour mon regard que tu n'es ni diuin ni humain, que si tu n'auois que l'humanité, ie iurerois que tu aurois plustost esté conçu du venin de Thisiphone, ou d'Alecton, que du plaisir de Venus.

A C T E

ACTE PREMIER.

SCENE II.

Myrtil. Ergaste.

CRuelle Amarillis qui avec ton beau
nom d'aimer monstres encor ton
amertume. Amarillis di- ie plus belle & *signe*
blanche que le lys, mais plus qu'un aspic *para*
sourde, cruelle & farouche puis que mes
paroles t'offencent, ie mourray en me
taisant : Mais pour moy crieront les
campagnes, pour moy les montagnes se
plaindront, & ces bocages à qui si sou-
vent i'ay fait respondre ton beau nom:
Les fontaines pleurans, & les vents
souspirans pour moy, rediront mes com-
plaintes. La pitié mesme & la douleur
parleront en mon visage, & quand bien
ma bouche seroit close, en fin mon amour
parlera, & mon martyre annoncera ma
mort.

*Erg. Amour iamaïs ne fut qu'aspre tour-
ment.*

B

Plus il est clos, plus il est vehement,
 Prenant vigueur trop plus auantageuse
 Du frein qui bride vne langue amoureuse
 En sa prison il est plus rigoureux
 Qu'en liberté dans les champs amoureux.

Tu ne deuois ià long temps me celer
 la cause de ton amour, si tu ne m'en pou-
 uois celer la flamme. Quantesfois ay-ie
 dit, Myrtil brulle, mais il se contume
 sous vn feu couuert, & se taist.

Myr. Je me suis offensé (courtois Er-
 gasto) pour ne l'offencer elle mesme, &
 encor serois ie muet : mais la necessité
 m'a fait hardy. I'oy vn certain bruit qui
 court par tout ici, qui passant par mes
 oreilles me traspierce le cœur: bruit di-ie
 des nopces prochaines d'Amarillis, qui
 n'en dit mot, se taist de tout. Je n'ose
 m'en enquerir plus auant, tant pour ne
 donner soupcō de moy, que pour n'oüir
 aussi chose qui m'enuye tāt, ie sçay bien
 Ergasto, & l'amour ne m'aveugle tant,
 que ie ne recognoisse assez qu'à vn hō-
 me de si peu de moyen & de si basse con-
 dition que moy, il n'est loisible d'esper-
 rer iamais qu'une Nymphe si belle &
 de si bonne grace, de sang, d'esprit & de

soupcō

Carte *Fl^{re}* F I D E L L E. 2. 13
maintien, si diuine soit iamais mon épouse. Helas ! certes ie recognois assez l'influence de mon estoille, ie suis seulement né aux flammes : & mon destin m'a fait seulement digne de bruler , non de iouir. Mais puis que c'estoit ma destinée que ie deuois aimer la mort, & non la vie : au moins voudrois- ie mourir en sorte que ma mort estant agreable à celle qui en est cause , elle ne desdaignast au moins de me monstrier ses yeux à mon dernier soupir, & de me dire seulement, meurs. Je desirerois qu'auparauant que de venir à rēdre vn autre bien-heureux de ses nopces , qu'elle m'oüit vne seule fois. Or si tu m'aimes courtois Ergasto, si tu es esmeu à pitié de moy , employe toy en cet affaire, secours moy en cela.

Erg. Iuste desir pour vn amant, & peu de faueur à qui se va mourant : mais neantmoins de difficile entreprise, elle seroit bien perduë la pauvrete , si son pere sçauoit qu'elle eut iamais presté l'oreille à des prieres secretes : ou qu'elle vint estre accusée deuant le prestre son beau pere : peut estre seroit-ce biē la cause pour qui elle te fuit ainsi, il peut estre

B ij

A L E B E R G E R
 aussi qu'elle t'aime, bien qu'elle n'en face
 semblant.

*A aimer plus que l'homme est la femme fra-
 gile
 Mais à cacher son feu elle est bien plus habile.*

Car bien qu'ainsi fust qu'elle te por-
 tast affection , que pourroit-elle faire
 que de te fuir?

*Qui ne peut secourir vainement il esconte,
 Et tel fait pitoyable en voyant que sans doute
 Sa presence est nuisible, il faut lascher soudain
 Ce qu'on ne peut tenir & garder en sa main.*

Myr. O si cela estoit ainsi , si ie me le
 pouvois faire croire, mes peines me se-
 roient agreables , & mes ennuis bien
 fortunez. Mais courtois Ergasto (ainsi
 le ciel te soit en aide) ne me cache point
 ie te prie, qui est ce berger d'entre nous
 tant heureux & tant favorisé du Ciel?

Erg. Ne cognois tu point Syluio le fils
 vnique de Montan le Prestre de Diane,
 ce tant renommé berger , ce berger si
 riche & si beau garçon? C'est celuy-là.

Myr. Heureux enfant qui trouues ta

A. F I D E L L E. 17 ^{matu}
fortune meure en vn aage si tendre, ie ne
te l'enuie point, ie t'assure, ie plains la
mienne seulement.

Erg. Et veritablement tu ne luy dois
point enuier aussi, pource qu'il est plus
digne de pitié que d'enuie.

Myr. De pitié? & pourquoy?

Erg. Pource qu'il ne l'aime point.

Myr. Il ne l'aime point, & il est viuât?
& il a vn cœur? & il a des yeux? Mais
certes quand ie considere quelles amours
luy pouuoient rester, & quelles flâmes
pour vn autre, les ayant toutes lancees
sur moy? pourquoy ie te prie donner vn
iôyan si riche à qui ne le cognoist? à qui
n'en fait cas?

Erg. Pource que le Ciel nous promet
(se faisant ces nopces) le salut d'Arcadie.
Tu ne sçais pas que tous les ans on paye
à la grand Deesse le tribut miserable du
sang innocent d'une Nymphé?

Myr. Ie ne l'ay iamais entendu, &
m'est chose nouuelle: car i'habite ici de
nouveau, mais côme il a pleu à l'amour
& à mon destin, i'ay presque esté tous-
iours nourry és forests: Mais quelle of-
fence, ie vous prie à peu meriter vn tri-

B. iij

but si cruel, & comment peut vn cœur celeste concevoir vn si grand courroux?

Arg. Je te conteray toute l'histoire de nos miseres, depuis vn bout iusqu'à l'autre: qui ne pourroient pas seulement tirer des larmes des cœurs humains, mais bien encore de ces chênes plus durs. Au temps que le saint sacerdoce & l'administration du Temple n'estoit debatue aux ieunes hommes, vn excellent berger qu'on appelloit Aminte prestre de ce temps là fut espris des beautez de Lucrine Nymphe gentille & belle à merueille, mais desloyale extrêmement & volage. Elle eut long temps agreable (au moins elle en faisoit semblant avec dissimulation & feintise) l'affection sincere de ce ieune homme, & le repeut tousiours d'esperances vaines pendant qu'il n'eut point de corriual: mais plustost ne l'eut contemplé (voy l'instabilité des fêmes) vn certain berger mal habile & rustique, qu'elle ne peut plus garder son amitié premiere, ni les premiers souspirs, & s'abandonna du tout à son nouuel amour, parauant que iamais Aminte en fust entré en ialousie. Pauvre

Amince, qui tost apres fust reietté d'elle, de sorte que la cruelle ne le voulut plus deslors ny voir ny ouyr. Si le miserable Aminte pleuroit, s'il se desconfortoit, ie te le laisse à iuger, qui le sçais par toy mesme, pour l'auoir esprouué.

Myr. Helas, c'est bien là la douleur qui surpasse toute autre.

Erg. Mais quand il vit qu'apres le cœur il auoit perdu encor ses souspirs & ses plaintes, se tournant vers Diane, il luy fit sa priere ainsi: Si iamais (dit-il) ma Deesse, d'un cœur entier & d'une main innocente i'ay allumé ta sainte flame, venge la mienne trahie sous la foy d'une belle, mais trop desloyale Nymphé. Diane ouyr la priere & les plaintes de ce loyal amâr, & de son plus deuot Prestre, de sorte que de pitié respirant le courroux, l'indignation en fut plus grande. Tellement que prenant son arc puissant elle tira dans le sein de la miserable Arcadie des traits de mort ineuitable, tels qu'on n'en vit onc de si rudes. Toutes sortes de gens, toutes sortes d'aage & de sexe perissoient miserablement sans pitié ni secours. Le remede estoit inutile,

le fust trop tardif : l'art ne seruoit de rien : le medecin souuent à moitié de sa cure mouroit premier que son malade : yne seule esperâce du secours des Dieux resta parmy tant de maux, & eust-on recours à l'oracle prochain duquel lon eust responce assez claire, mais en toute extremité horrible, & funeste : sçauoir est que Diane estoit courroucée outre mesure, & qu'on la pourroit appaiser si Lucrine, Nymphé perfide, ou quelque autre pour elle de nostre nation estoit sacrifice à la grand Deesse par la main d'Amince. Cette Nymphé apres qu'elle eut bien pleuré en vain, & en vain attendu secours de son nouuel amant, avec grād pompe solemnelle elle fut conduite à l'Autel sacré, pour estre la desplorable victime, là où enclinee à ses pieds qui la poursuiurent tant autresfois, aux pieds di-ie de l'amant abusé, ployant à la fin les genoux, elle attendoit d'Amince le cruel coup de la mort : Lequel sans s'estonner empoigne le cousteau sacré, & sembloit bien que de sa face enflammee, il ne respirast que vengeance & courroux; puis tourné vers elle, luy dit avec

vn fouspir meſſager de ſa mort. Regarde
 Lucrine en l'eſtat où tu es, quel amāt tu
 as pourſuini, & quel tu as laiſſé. Regar-
 de le de ce coup, & cela dit, ſe frappa ſoy^{meſme}
 meſme, & plongea le couſteau dedans
 ſon propre ſein : & ſacrifice & preſtre
 tout enſemble tōbaentre ſes bras. A vn
 ſi cruel & ſi nouveau ſpectacle reſta tou-
 te eſperduë la miſerable fille, & plus
 morte que viue demeueroit encor incer-
 taine ſi elle eſtoit trāſpercee du couſteau
 ou de la douleur. Mais ſi toſt qu'elle
 pēta auoir la voix, & ſes eſprits luy
 eſtans reuenus, elle dit en larmoyant, ô
 loyal, ô conſtant Aminte ! ô trop tard
 reconnu amant, qui en mourāt me don-
 nes la vie & la mort : ſi i'ay fait faute en
 te laiſſant, voila que ie l'amende, vnif-
 ſant mon ame eternellement avec toy :
 & cela dit, prenant le couſteau tiré de
 l'eſtomac aimé trop tard, tout riede en-
 cor & vermeil de ſang ſe tranſperça le
 cœur, & entre les bras d'Aminte qui n'e-
 ſtoit encor expiré, & qui peut eſtre vid
 bien le coup, ſe laiſſa tomber doucemēt.
 Voila la fin qu'eurent ces amans, à telle
 miſere le trop d'amour & la deſſoyauté.

B v



les precipita.

Myr. Misérable Berger, mais bien-heureux pourtant! qui eut vn champ si large & glorieux pour demonstrier sa foy, & ressuscciter par sa mort, la pieté au cœur d'autrui. Mais qu'aduint-il depuis à ce peuple qui se mouroit? trouua-il fin à son mal? Diane fust-elle appaisée?

interp. Erg. L'ire s'atiedit bien, mais elle ne s'esteignit pas: parce qu'un an apres, environ le temps mesme, son ire s'engregea & deuint plus fiere & animée que deuant, dont de nouveau selon qu'il fut aduisé, l'on retourna à l'Oracle, & rapporta l'onyne plus cruelle encore, & desplorable responce que n'auoit esté la premiere: qu'on sacrifiait alors, & puis apres d'un an, vne fille ou femme à la Deesse irritée, qui eussent de quinze à vingt ans, & qu'ainsi le sang d'une esteignist la mort appareillée à plusieurs. Elle imposa encor à leur infortuné sexe vne loy fort seueré, & à considerer sa nature, qui ne se peut garder, vne loy esccrite de sang: que toute femme ou fille qui en quelque façon que ce soit ait contaminé ou rompu la promesse d'amour, si quelqu'un ne

Le F I D E L L E. 22 23
s'offre à la mort pour elle, qu'elle soit
sans remission mise à mort. Or à cette
nostre si espouventable & griefue cala-
mité le bon pere espere trouuer fin par
l'alliance desirée, pource que depuis
quelque temps en çà l'Oracle ayant esté
encore enquis, quel terme le Ciel auoit
prescrit à nos miseres, il le nous declare
en ces mots:

*Plustost ne finira ce malheur homicide;
Que deux races du ciel iointes n'ayent esté;
Et que l'antique erreur de la femme perfide;
D'un fidelle Berger paye la loyauté.*

Or par toute l'Arcadie de toutes les ra-
ces celestes, il n'en reste auourd'huy que
deux, Siluio & Amarillis, elle tirant sa
lignée de Pan, & l'autre d'Hercules. Et
encores nostre malheur a esté si grand
qu'il ne s'estoit point trouué iusqu'à
present, que de ces deux familles, l'un
fust mâle & l'autre femelle: C'est pour-
quoy Mōran à beaucoup d'occasio d'en
esperer bien. Car quand mesmes tout
ce que la responce fatale à promis n'ar-
riueroit, c'en est neantmoins le fonde-
mēt. Quāt au surplus, le destin le retient

enseveli dans le cercueil de ses vœux,
& doit sortir en euidence le iour que ces
noces s'accompliront.

Myr. O miserable & infortuné Myr-
til, tant d'ennemis, tant d'armes, tant de
guerres contre vn pauvre cœur se mou-
rant! Amour n'estoit donc suffisant si le
destin encore ne s'armoit à mes peines?

asse *Erg.* Myrtil, le cruel amour le repaist
bien de douleurs & de larmes, mais il ne
s'en saouille point. Allons, ie te promets
bien de ma part de m'employer pour
faire en sorte que pour le moins la belle
Nymphé t'escoute au iourd'huy, resioüis
toy cependant, car les souspirs ardans
ne sont pas comme il t'est aduis vn ra-
fraischissement de douleurs, ce sont plu-
stost des vents impetueux qui soufflent
le feu, & renforcent les bourrasques
d'amour, qui apportent aux miserables
amans des nuées de douleurs & pluyes
de larmes.

ACTE PREMIER.

SCENE III.

Corisque.

Qui vit jamais, qui entendit on-
ques vne plus estrange, vne plus
folle, vne plus importune passion d'a-
mour? amour & haine en vn mesme su-
iet sont tellement temperez, que l'vn
par l'autre, & ne sçait commēt, s'entre-
tient, se deffait, naist & meurt tout en-
semble. Si ie contemple les beautez de
Myrtil, si ie le considere des pieds ius-
qu'à la teste, son maintien & son port,
ses mœurs, ses aetiōs, ses regards, ses dis-
cours, Amour m'assaut d'vn feu estran-
ge, ie brusle route, & me semble que tou-
te autre passion d'amour est ^{superate} surmontee
de cette-ci seulement. Mais quād ie vies
à penser apres à l'amour obstiné qu'il
porte à vn autre que moy: & qu'à son oc-
casion il ne fait cōte de moy, & me me s-
prise, ouy ie le diray libremēt, mō excel-

no

stimola

lente beauté de tant d'autres recherché,
 & les graces desirées qui sont en moy; ie
 le hay tellement, ie l'abhorre si fort, & le
 fuy tant, qu'il me semble qu'il n'est pas
 possible que mon cœur puisse estre es-
 chauffé d'amour pour luy. Aucunefois
 ie parle ainsi à part moy, ô s'il m'estoit
 possible de iouir de mon beau Myrtil, si
 qu'il fust tout à moy & autre n'en eust
 la iouissance, que tu serois plus que nul-
 le autre bien-heureuse Corisque, alors
 s'esleue en moy vne affection enuers luy
 si douce, si humaine & si gracieuse que ie
 me resous de le poursuiure & de luy dé-
 couvrir mon amour, voire mesme de le
 prier. Quoy plus? le desir m'espoince
 tellement que ie l'adorerois lors volon-
 tiers. Mais d'autre part reuenant à moy
 mesme, ie viens à dire: Quoy? vn desda-
 gneux, vn fascheux, vn mespriseur, vn
 qui se fait seruiteur d'une autre, vn qui
 m'ose bié regarder & ne m'adore point,
 vn qui se deffend si bien de ma beauté
 qu'il ne meurt point pour moy: & luy
 que ie deuerois voir comme vne infinité
 d'autres suppliant & en larmes proster-
 né à mes pieds, auray-ie bien le cœur si

lâche, qu'en larmes, & suppliante, ie me prosterne aux siens? Non, non, il n'en sera pas ainsi. En pensant à cela telle colere s'allume en moy, & cōtre luy & contre moy mesme, qui ay tourné mes pensées, à le suivre & mes yeux à le contempler, que i'en abhorre le nom de Myrtil & mon amour mesme plus que la mort, & luy ie le voudrois voir le plus malheureux & miserable Berger qui viue: & s'il se pouuoit faire alors, ie le tuerois de mes mains propres, tant le courroux & le desir, la haine & l'amour me font la guerre. Et moy qui ay tousiours esté iusqu'ici la flamme & la peine de mille cœurs, le tourment de mille & milles ames, ie brusle & languis maintenant, & ressens en mon mal la peine & les langueurs d'antruy. Moy qui l'espace de tant d'annees, nourrie en compagnie civile, recerchée d'une infinité de beaux & gentils seruiteurs suis demeuree invincible, trôpant leurs desirs & leurs esperances, maintenant ie me trouue prise & vaincuë de l'amour d'un pauvre berger? O sur toutes autres miserable Coris que! que seroit-ce de toy, si tu te trouuois

marb desnuée de seruiteurs ? Que ferois-tu pour adoucir ton amoureuse rage ? appren aujour d'huy à mes despens toute Dame à faire bonne prouision d'amans, si ie n'auois autre esbat, ni autre amour que celuy de Mirril, ne serois-ie pas bien pourueu de seruiteur ?

*Cel'e, ma foy, n'est pas fine à demy.
Qui se réduit à n'auoir qu'un amy.*

Corisque iamaïs ne sera si sotte, quelle fidelité ? quelle constance ? ce sont fables imaginaires, & impressions de vieux ialous pour abuser les plus simples. La foy au cœur d'une femme (si foy se trouue en aucune d'èr'elles : car ie n'en sçay rien) n'est vertu ni bonté, ains vne faucheuse necessité d'amour, vne loy miserable de beauté surannee, qui se contente d'un seul pour ne pouuoir estre cherrie de plusieurs.

*Celle vrayment qui trop mal aduisee,
De maint amant se voyant courtisée,
D'un se contente, elle n'a rien en soy
Qui de son sexe au monde face foy,
Ou pour le moins si sa face denote
Qu'elle soit femme, elle est femme bien sotte.
Que sert vne beauté qui n'est point :*

Le F I D E L L E. *3* 29
venë? ou si elle est veuë, qui n'est point
courtisée? si courtisée, courtisée d'un
seul? plus elle en a & plus ils sont gal-
lans, plus elle s'en doit tenir heureuse,
ayant par ce moyen vn gage au monde
plus certain & plus seur.

*Car c'est l'honneur des Dames qui sont bel-
les*

*D'avoir plusieurs qui soient amoureux d'el-
les.*

Ainsi en font aux villes les Dames qui
font les plus accortes : Et les plus belles
& les plus apparentes sont celles qui le
font le mieux, refuser vn amant est pe-
ché entre elles, ou bien plustost tortise.
Ce qu'un ne peut faire plusieurs le font :
les vns sont pour servir, les autres pour
donner, les autres à vn autre usage : &
adviert souvent qu'en n'y pensant point
l'un chasse la jalousie que l'autre aura
donnée, ou la recueille en tel qui ne l'a-
voit point auparavant. Ainsi les Dames
se gouvernent aux villes, où suivant
l'humeur & l'exemple d'une grâde Da-
me i'ay appris en ieunesse l'art de faire
l'amour. Elle me disoit : Corisque m'a-
mie, il faut faire des seruiteurs, comme :

on fait des robbes , en auoir plusieurs, n'en porter qu'une & en changer souuent: la trop longue conuersation engendre l'ennuy: l'ennuy le mespris: le mespris la haine. En fin femme ne scauroit pis faire que d'attendre qu'on la desdagne. Fay que ton seruiteur parte ennuyé de toy, non toy de luy. I'en ay tousiours fait ainsi: i'aime d'é auoir prouision: ie les entretiens tous. I'en tiés vn par la main, l'autre par les yeux: mais le meilleur & le plus commode ie le tiens au sein: toutefois entant que ie puis, nul d'iceux ne loge en mon cœur. Mais ie ne sçay comme à ce coup y est entré Myrtil qui me tourmente merueilleusement, tellement que ie souspire par force, & qui pis est, ie souspire pour moy, & n'abuse personne: & mesmes desrobant le repos à mes mēbres, & le sommeil à mes yeux ie ne fay qu'attendre l'Aurore, heureux temps des amans qui n'ont point de repos. Ie vāy par ces forests ombrageuses, cherchant les pas de mon cher ennemy. Que feras-tu donc Corisque? le prieras-tu non: ma haine ne le permet pas, quand ie le voudrois faire. Le fuiras-tu? non:

Lodia

Amour ne le veut pas , bien que ie le
deusse faire. Que feray-ie donc? l'essaye-^{tenter}
ray premier par blandices & par hum-
bles prieres , ie luy descouriray l'a-
mour, non pas l'amante, & si cela n'est
suffisant i'y adiousteray la tromperie.^{adon}
Mais où cela ne seruiroit encor, le cour-
roux aigrissant mon ame fera vne ven-^{de}
geance memorable. Myrtil, puis que tu
ne veux point l'amour, tu sentiras la hai-
ne, ie feray repétir ton Amarillis d'estre
ma corriuale, & tât aimée de toy. En fin
vous scaurez l'un & l'autre combien
peut au cœur d'une amante la haine &
le courroux.

ACTE PREMIER.

SCENE IIII.

Tityre. Montan.

Certes Montan, ie sçay assez que ie
parle à homme plus entendu que
moy.

Les oracles des Dieux sonnent bien autre chose

*Que le monde ne pense, & leur sentence close
Est comme le couteau qui pris dedans la main,
Par où nous le prenons pour nostre usage hu-
main*

*Est commode & utile, où pris par l'alumelle tagliol
Souvent à qui le prend donne pluye mortelle.*

Qu'Amarillis ma fille (comme tu dis) soit selon le destin esleuee du Ciel pour le salut de toute l'Arcadie, qui le doit plus desirer que moy: à qui doit-il estre plus agreable qu'à moy, estant son pere comme je suis? mais quand ie viens à penser aussi ce que l'oracle nous a predit, ie trouue que les apparences se rapportent mal à nos esperances. S'ils doivent estre coniointes par amour, comment se pourra-il faire quand l'un des deux recule? comment le mespris & la haine peuvent-ils estre la trame d'un lien amoureux? Malaisément peut-on resister à ce que le Ciel ordonne, si l'on y resiste aussi, c'est vn vray signe que le Ciel ne l'ordonne pas. Car si le Ciel vouloit qu'Amarillis fust espouse de ton fils Siluio, il l'auroit dispose à aimer, non à la chasse des bestes sauvages.

Mont. Ne vois-tu pas comme ce n'est qu'un enfant? il n'a pas encore dix-huit ans accomplis, il sentira assez avec le temps que c'est d'amour.

Tit. Il le sentira de la chasse, mais non des Nymphes.

Mont. Aussi est-ce une chose qui convient mieux à un jeune homme.

Tit. Et l'amour non, qui est chose naturelle.

Mont. Avant l'âge ce seroit plutôt un défaut de nature.

Tit. En la saison plus verte c'est lors qu'il fleurist le plus.

Mont. Il peut fleurir par aventure, mais c'est sans fruit.

Tit. *Amour avec la fleur
A toujours le fruit meur.*

Au surplus, Montan, ie ne suis pas venu ici pour te reprendre ni contester avec toy, ie ne le puis ni ne le doy faire: mais ie suis pere (tu le sçais) d'une fille unique que j'aime, & s'il m'est seant de le dire, qui merite beaucoup, & qui est, non seulement desirée, mais recherchée de plusieurs.

Mont. Tityre, quand bien le destin ne

disposeroit au Ciel ce mariage, la foy le requiert en la terre, & la violer, ce seroit violer la deité d'une grande Deesse à qui elle a esté promise : & tu sçais encore combien elle est à present indignee contre nous. Mais selon que ie coniecture & que l'esprit d'un Prestre esleué dâs le Ciel peut comprendre des conseils eternels, ce nœud a esté fait par la main du destin, & ces presages auront leurs effets quand ils seront venus à leur temps. Ie te veux bien dire plus, que ceste nuit i'ay veu chose en songe qui renouvelle en mon ame l'ancienne esperance.

Tit. En fin songes sont songes : mais qu'as-tu veu encore?

Mont. Ie pense que tu as memoire, mais qui est si stupide d'entre nous qui ne l'air, de cette desplorabile nuit, que le fleuve

supp
el
serin Ladon se desborda si estrangement, que
là où les oiseaux souloient faire leur
nid, les poissons y nagerét, & d'un mes-
me effort l'ode rauissante entraîna tout:
hommes, bestes, troupeaux & maisons,
bouleversant tout pesse-messe : ô triste
souvenir ! i'y perdy mon cœur, s'il le faut
dire, ains ce que i'aimois plus que mon

se l'indignapace

cœur, vn petit enfant en maillor pour *faire*
 lors mon fils vnique, que vif & mort
 aussi l'ay tousiours aimé vniquement.
 L'onde l'emporta parauant qu'aucun
 d'entre nous qui estions lors enseuelis
 de peur, de somme & de tenebres peus-
 sions auoir moyen de luy dōner secours;
 & ay tousiours pensé que le berceau & *cult.*
 l'enfant, aussi comme il estoit, eust esté
 engloutien vn mesme gouffre. *u. origine.*

Tit. Que sçauroit-on penser autre
 chose ? il me semble bien aussi d'auoir
 entendu, & de toy (peut-estre) cette tiēne *liagu*
desconuenue, poignante certes, & ame-
 re au possible: partant il se peut bien di-
 re que de deux enfans que tu as eus, l'vn
 tu l'as engendré pour les bois, l'autre
 pour les eaux.

Mont. Possible que par iceluy qui est
 encore viuant, le Ciel pitoyable repare-
 ra la perte de l'autre.

On doit tousiours auoir bonne esperance.

Or escoute moy. Sur le temps iuste-
 ment que l'aube d'vn certain rayon ob-
 scurci semble confondre le iour & les
 tenebres ayant veillé la plus grand part
 de la nuit pensant profondement à ces

— noceës : en fin la longue lassitude fit
 couler en mes yeux vn doux sommeil : &
 avec iceluy vne vision si certaine que ie
 pourrois quasi dire que ie veillois en
 dormant. Il me sembloit que i'estois as-
 sis sur la rive du fleuve Alphee à l'ombre
 d'un plane, & que là i'essayois avec la
 ligne de prendre du poisson, & qu'à l'in-
 stant ie vy sortir du fleuve vn grãd vieil-
 lard qui estoit tout nud, d'une façon fort
 pesante, les cheueux & la barbe luy de-
 gouttans, il me presenta de ses mains vn
 petit enfant qui estoit tout nud & en
 larmes, disant : Voila ton fils, garde que tu
 ne le tues, & cela dit, il se plongea dans
 l'eau. Aussi tost apres voila le Ciel se
 troubler de tous costez de nnages espais,
 me menaçant d'une horrible tempeste,
 telle que de frayeur ie ferray l'enfant en
 mon sein, criant : Helas ! donc vne mes-
 me heure me rend mon enfant & me
 l'oste ! & au mesme instant il me sembla
 que le beau temps reuint, & que les fou-
 dres fussent reduits en cendres, qu'arcs
 & fleches rompuës tombassent à mil-
 liers dans le fleuve, & que peu apres le
tronc du plane vint à trembler : dont il
 s'esmeut

s'esmeut vn petit air en façon d'vne
voix qui me vint dire doucement, Mon-
tan, ton Arcadie se verra belle encore. Et
ainsi ie ne sçay comment m'est demeu-
ree imprimée au cœur, aux yeux, & en
l'esprit vne certaine représentation ag-
greable de ce songe & l'ay tousiours de-
uant moy : mesmes i'ay l'idée de ce bon
vieillard si peint au vif, qu'il me sem-
ble le voir encore. C'est pourquoy ie
m'en allois droit au temple, lors que tu
m'as rencontré pour faire par le moyen
d'vn saint sacrifice, que l'augure de ma
vision me reüssisse heureusement.

*Tit. Les songes de la nuit sont de nos espe-
rances*

*Plustost que du futur des vaines appa-
rences,*

*Des discours qui le iour nous ont entre-
tenus,*

*Pourtrais fallacieux par la nuit corrom-
pus.*

*Mont. Tousiours avec le sens nostre esprit ne
sommeille,*

*Ains tant moins se fouruoie, & tant plus se
resueille,*

travaux

C

*Que le sens se repose & n'a point ennuy
Tant d'images diuers qui luy troublent les
yeux.*

Tit. En somme, ce que le Ciel a disposé de nos enfans, c'est chose qui nous est trop incertaine, bien est vray que ton fils recule tousiours & contre la loy de nature ne ressent vne seule estincelle d'amour: & quant à ma fille elle n'a rien que l'obligation de la foy qu'elle luy a donnée, non le loyer d'icelle. Je ne te sçaurois pas dire si elle sent amour ou non: bien te diray-je qu'elle le fait sentir à plusieurs, & qu'il seroit bien difficile qu'elle le fist sentir à d'autres, & ne s'en ressentist soy mesme. Je la voy changée de visage, & plus que de coustume, estant son ordinaire d'estre tousiours gailarde & riante, aussi auoit fait venir enuie de mariage à vne fille, & ne l'accomplir point, seroit faire tort au mariage. Comme en vn beau iardin vne gentille rose, qui parauant enclose sous vne cotte tendre se reposoit la nuit incogneüe dessus le tige du rosier: au premier rayon qui vient à poindre de l'O-

rient-elle se resueille, & au Soleil qui la courtise & l'œillade, elle descouvre son sein vermeil, où l'abeille voletant succe l'humour de la rose, si à l'instant on ne la cueille, & qu'elle vienne à sentir l'ardeur du Soleil, elle paroist au soir si deffaite & changee, qu'à peine la pourroit-on recognoistre. Ainsi vne ieune fille pendant que le soin de sa mere la garde & la tient renfermee, elle tient la porte de son cœur fermee à l'amoureux desir. Mais si le regard lascif d'un passionné amant vient à ietter ses rais sur elle, & elle oyt ses souspirs, soudain elle luy ouvre son cœur, & reçoit l'amour dans son sein, & bien que la honte le recele, ou que la crainte le tiennē couuert, la miserable en se taisant se consume elle mesme d'extrême desir qui la mine, & vient à perdre sa beauté, si ce feu dure trop long temps: de sorte que perdant sa saison elle perd aussi sa bonne fortune.

Mont. Pren bon courage Tityre, & ne laisse point aller ainsi sur des craintes humaines.

*Le Ciel inspire bien celuy qui bien espere,
Et n'arrive onc là haut vne lasche priere,*

*Que s'il faut implorer & rechercher tousiours,
En nos aduersitez des grands Dieux le se-
cours,*

*Combien plus assuré celuy là les appelle
Qui descend de leur race & se vante d'icelle?*

Nos enfans sont de celeste race. Le
Ciel qui fait que toute chose croisse,
exera esteindroit-il bien sa semence? Allons
Tityre, allons nous en ensemble au tem-
prople, & là nous sacrifierons, toy vn bouc
à Pan ton ancestre, & moy vn taureau à
mon Hercules,
*Celuy qui rend fecond le troupeau, pourra
bien*

Rendre fecond celuy qui luy offre son bien.

Da Va Damette me choisir vn taureau des
plus gras & doüillers du troupeau, &
me l'ameine par le sentier du mont, c'est
le plus court chemin, fay que ie l'aye au
temple où ie l'attens.

Tir. Et toy aussi, Damette, amene-moy
vn bouc de mon troupeau.


Dam. Ie ne faudray de faire l'vn &
l'autre. Plaise aux bons Dieux, Montan,
que ce songe te soit aussi heureux com-

Le. F I D E L L E. 41
me tu le desires, ie sçay bien, pour mon
regard, combien la souuenance de ton
fils perdu te peut estre vn heureux au-
gure.

ACTE PREMIER.

SCENE V.

Le Satyre.

 Comme l'ardeur aux fleurs, comme aux
plantes l'huyet,

Et la gresse aux espics, & aux graines le ver,

schu Et la glus ^{ceux} aux oyseaux, & aux biches les toilles, red
Tel est l'Amour à l'homme, & ses vertus sont
telles:

Quiconque soit celuy qui l'ait appellé feu,
Son peruers naturel ne cognoissoit pas peu.

Voyez le feu, y a-il rien plus beau? mais
si vous y touchez, il n'est rien plus cruel:
le monde n'a monstre plus horrible.
Comme vne beste farouche il deuore,
comme vn glaive il transperce, comme
ferro, trophæa C iij

le vent il vole, & où il met son pied imperieux il faut que toute force cede, & tout pouuoir luy face place: Il est ainsi d'amour, car si tu le contemples en deux beaux yeux en vne tresse blonde, ô côme il alleche! ô comme il plaist! ô comme il semble qu'il ne respire que ioye, & ne promet que repos! Mais si tut'accostes trop de luy, si tu le recherches de trop pres en sorte qu'il commence à glisser & acquérir pouuoir sur toy, l'Hyrcañe n'a Tygre, la Lybie n'a lyon si cruel, ni serpent si venimeux qui le surmonte ou esgale en cruauté: plus que l'enfer, plus que la mort il est cruel, c'est l'ennemi de pitié, le ministre de colere: & bref amour n'a rien moins. qu'amour. Mais pourquoy parlay-ie de luy? pourquoy le blasmay-ie? Quoy? est-il cause de ce que le monde peche? ie ne diray pas en aimant, mais à perdre le temps en vain? O femme desloyauté! c'est à toy que se doit rapporter toute l'infamie & les trauaux d'amour; de toy seule dériue, & nō de luy tout ce qu'amour a de cruel & meschant. Car luy qui de sa nature est doux & traitable, incōtinēt il perd sa naturelle bon-

ré: tu luy fermes entierement les passages
 de penetrer au sein, & de gagner le cœur.
 Seulement en apparence tu le carresses
 & le niches. Ton soin, ta pompe, & ton ^{fini}
 plaisir gist seulement en l'escorte d'un
 visage fardé, ce n'est ta coustume de ^{grader}
 rir avec loyauté, la loyauté de celuy qui
 t'aime, & combattre avec l'amant à qui
 mieux aimera, à qui en serrera mieux un
 cœur en deux seins, & deux vouldoirs ^{indivisible}
 vne ame. Mais dorer seulement vne per-
 ruque folle, & d'une partie d'icelle
 reprise en mille nœuds s'en ombrager ^{imprud}
 frôt, & de l'autre tissue en rets ^{enroule}
 entortillee & enlascie par brâches, de l'autre pré-
 dre le cœur de mille amans mal adurtez.
 Que c'est chose deshonneite & hôteuse
 de te voir avec un pinceau te peindre les
 jouës, & couvrir les defauts de la nature
 & du temps, & de voir cōme la couleur
^{vidé} ^{neige} ^{verrouille} plombée tu fais paroistre vermeille,
 comme tu aplanis tes rides, tu blanchis
 le noir, & avec vne defectuosité tu en
 otes vne autre: ains plustost tu l'accrois.
 Souvent tu croises un fil, & prenant
 l'un des bouts avec les dents, & souste-
 nant l'autre de la main gauche, tu fais
^{l'œuvre} l'œuvre enroulée en foule C iiiij

vrante d'un nœud coulant avec la main droite
iro vn certain tour, qui l'ouure & qui le ser-
vice re comme des forces, & l'adaptant sur
anuginoso l'inégal de ton visage qui coronne, tu
en attaches le poil follet & temeraire
qui y croist malgré qu'on en ait, & ce
avec telle douleur que la penitence suit
de bien pres le péché. Mais tout cela
n'est rien, encores que les façons & les
mœurs se rapportent du tout aux œu-
res : quelle chose as-tu qui ne soit tou-
te feinte? si tu ouures la bouche, tu mens :
si tu soupire, tes soupirs sont menson-
gers, si tu jettes ta venë, tes regards sont
semblance desguisez : en somme toutes tes actions,
tout ton maintien, tout ce qui se voit en
toy, & mesme ce qui ne se voit pas, soit
que tu parles, soit que tu penses, soit que
l'air tu vois, soit que tu regardes, soit que tu
plaignes, soit que tu ries, soit que tu
châtes, tout est mensonge & tromperie.
nganar Mais encores tout cela est peu, abuser le
plus celuy qui plus se fie, & moins aimer
olier celuy qui en est le plus digne, haïr la foy
plus que la mort : voila les moyens qui
rendent amour cruel & peruers. Ainsi
de toutes ses fautes, la faute en est à toy,

ou bien plustost à celuy qui te croit. La
faute en est donc à moy qui t'ay creu
mauvaise & perfide Corisque, venue
(ce croy-ie) des maudites contrees d'Ar-
gos, où la paillardise fait sa derniere es-
preuue, à mon dam & à mon malheur.
Mais tu te contrefais si bien, tu es si fine
& rusée à dissimuler tes façons & pen-
sées, que tu vas aujour d'huy entre les plus
pudiques haussant la teste d'un nom
d'honneur qui ne t'appartient pas.
Combien de tourmens ay-ie soustenus!
combien ay-ie souffert d'indignitez
pour cette cruelle ! ie m'en repens de
tout mon cœur, ains i'en ay honte : ap-
pren de ma peine & de mon dommage,
peu aduisé amant.

*Si tu me crois ne sois point idolatre
De la beauté d'une Dame folastre.
Femme adoree est Deesse vrayment,
Mais c'est d'enfer à parler proprement,
Qui de sa part presumant toute chose
De sa beauté, superbement propose
De t'asseruir & Deesse enuers toy,
Te desdaigner comme mortel: Et quoy
De sa vaillance encore elle se vante.*

Qu'elle est pareille à celle que tu chantes,
 Quand, pauvre sot, pour l'amadoüer mieux
 Tu la despeins la plus belle des Cieux.

A quoy tant de seruices, tant de prieres: tant de plaintes: tant de souspirs: telles armes soient pour les femmes & les petits enfans. Il faut que nos ames soient fortes & magnanimes mesmes à aimer. J'ay esté vn temps que ie croyoy qu'en souspirant, pleurant & lamentant la flamme d'amour se pouuoit resueiller au cœur d'une Dame. Mais i'apperçoy bien que ie me suis trop abusé: car si elle a le cœur de cailloux, tu essayes bien en vain avec des larmes molles, & des souspirs légers dont tu la mignardes, la faire brusler, ou ietter estincelles, si le fusil ne bat fermement. Laisse, laisse tes larmes & tes souspirs, si tu veux faire acquest de ta Dame, si tu brusles d'un feu inextinguible, recele ton affection au plus secret de ton cœur autant que tu pourras: & puis selo l'occasion fay ce qu'Amour & nature t'éseigne, pource que la modestie en apparence est seulement vne vertu de femme, tellement que traiter de modestie

avec elle c'est vn abus: & elle mesme qui en vse si bien enuers les autres, abhorre qu'on la pratique vers elle. Elle veut que l'amant l'admire en elle, non pas qu'il la mette en v'sage avec cette reigle naturelle & droite si m'en crois, tu aimeras tousiours: Car quant à moy, Corisque ne me verra plus, Corisque ne m'esprouuera plus doux amant, ains au contraire fier ennemy, & se sentira désormais assaillie non d'armes femimines, mais d'homme viril & entier. I'ay déjà attrapé deux fois cette meschante, & par deux fois elle m'est ie ne sçay comment eschappée des mains: mais si elle arriue pour la troisiéme fois au passage, i'ay ^{uoy} délibéré de l'enfermer si bien qu'elle ne s'enfuira plus de moy. A propos elle a de coustume de venir souuent en ces ^{seu} bocages: moy ie vay comme vn limier ^{valte} flairant par tout: O quelle vengeance i'ay ^{fiut} volonté d'en faire si ie l'attrape! comme ie la meneray! ie luy feray voir que tel qui a esté auégle ouure bien les yeux quelquefois, & qu'une femme malicieuse & sans foy ne se peut pas vanter long temps de ses perfidies & meschancetez.

LE COEVR.

3^a **O** Loy puissante & haute, escrete ou plustost
 Au sein de Iupiter, (nee
 Qui d'un certain effort rend nostre ame inclinee
 Vers ce bien que goustier
 Toute chose desire: Et les ames rebelles
 A son empire doux
 Tire par les efforts des pointes naturelles,
 Aux accouplemens mous
 Sur ce corps qui se change, & ceste humaine
 Qui chet au monument (escorce,
 Ce pouuoir eternel, ceste puissante force,
 Ne s'estend seulement,
 La secrette vertu, & la cause des causes
 Qui tout veut & conduit
 Sent ce mesme decret infus en toutes choses
 Que le monde produit.
 Si le monde est encoint, si tant de choses belles
 Merueilleux il conçoit,
 Si un certain esprit dans ses moindres par celle,
 Vegetant s'apperçoit:
 Esprit qui reschauffant l'uniuerselle masse
 De sa masse valeur
 Donne aux bestes la vie, & à l'humaine race
 De son essence l'heur,

Si la terre de fleurs sa robe plantureuse

Gayement enrichit,

Ou si son front chenu de neige froidureuse

En hyuer se blanchit,

Vient de ta viue source : & tout ce que les

Et les spheres des cieux (Astres

Versent dessus nos chefs de biens ou de des-

De doux ou d'enuieux. (Jires,

L'heure de nostre mort ou de nostre naissance,

Et de nos volonteiz,

Les diuers mouuemens à sa viue influence

Doiuent estre accontez.

Si nous auons des biens si nous en auons faüte:

Il semble que ce soit

Fortune, comme on dit, qui les donne ou les ostie

Mais l'erreur nous deçoit.

Que si ton vouloir est, selon la prophetie,

Qu'apres tant de trauaux

La terre Arcadienne en malheurs enuieillie

Respire de ses maux:

Si ce qu'as annoncé du fatal mariage

Par l'oracle fameux,

Doit s'accomplir vn iour, qui le tint d'auan-

Qui s'oppose entre-deux? (rage:

Voila tout au contraire vn ieune enfant volage:

Ennemy de pitié,

Qui du Ciel descendant contre le Ciel fait rage

10 LE BERGER

D'estre sans amitié.

Voici d'autre costé vn cœur en vain fidelle

Qui l'offence en aimant,

Mais d'autant plus constant que moins de ce re-

De secours il attend:

(belle

Certes telle beauté bien que richement nee

A ne sçay quoy aussi

De sinistre & fatal, luy estant destinee,

Et n'en ayant soucy.

Quoy? l'arrest eternal aura donc aduersaire.

A soy-mesme combat?

Et les destins entre eux ioustans pour se deffaire

Auront doncques debat?

Peut estre les humains en reuolte nouvelle.

Non encore conquis,

Veuient forcer ençor la cité supernelle,

Comme ils ont fait iadis.

D'Amans & non Amans se compose ce siege.

Comme d'autres Geans.

L'amour & le desdain, deux auengles, ce croy-ie

Se verront triomphans.

Mais, ô toy grand Moteur, qui par ta sapience

T'assieds sur le destin?

Regarde quel malheur sur nos restes s'estance

Pitoyable & benin!

Fay qu'avec le destin de paternelle grace

Le desdain & l'amour

F I D E L L E.

Facent la paix ensemble, & la flâme & la place
Se temperent vn iour.

Celuy qui doit iouir ne fuye point la lice
Aux delices rebours.

Celuy qui doit fuir, fuye aussi comme vice
Les volages Amours.

Que l'auengle vouloir de cette ame impiteuse,
Qui vit sans amitié,

N'arreste point le cours de la promesse heurense,
Du Ciel men à pitié.

Mais qui sçait si ce mal qui semble ineuitable
Pourra point ce iourd'huy.

En lieffe changer le malheur lamentable
Qui nous presse d'ennuy?


Que l'humaine pensée à la terre attachée
S'esteue peu en haut!

Que peu vers le Soleil sa prunelle est dressée,
Las! que peu luy en chant!



ACTE SECOND.

SCENE PREMIERE.

*Ergasto.**Myrtil.*

calca *al potu* 55
 Combien i'ay fait de pas! ie
 t'ay long temps cherché à la
 riuere, au costau, à la prai-
 rie, à la fontaine, à la luite, à
 la course; en fin ie rencontre ici & en-
 tens graces à Dieu.

Myr. Quelles nouvelles as-tu, Ergasto, qui meritent si grand haste? Portes-tu ma vie ou ma mort?

Erg. Je ne voudrois porter ceste-cy bien que ie l'eusse, mais quant à l'autre i'espere bien te la donner, bien que ie ne l'aye pas, ne te laisse point ainsi surmonter à la douleur : sois victorieux de toy mesme si tu le veux estre d'autrui : vy & respire quelquefois. Or pour te dire la raison de ma venuë en haste. Escoute, Cognois-tu, mais qui ne la cognoist? la sœur d'Ormino, vne Nymphé de taille plus grande que petite, d'un visage riât, de cheueux blonds, & vn peu haute en couleur?

Myr. Comment a-elle nom?

Erg. Corisque.

Myr. Je la cognois fort bien & ay deuisé quelquefois avec elle.

Erg. Or sçache que depuis quelque temps en çà (voy l'aduenture) ie ne sçay comment, ny en vertu dequoy elle s'est faite compagne de la belle Amarillis. C'est pourquoy ie luy ay descouvert secrettement tes amours, & ce que tu peux desirer d'elle : surquoy aussi tost elle m'a

promis sur sa foy de s'employer en ton affaire.

Myr. O mille & mille fois, s'il est ainsi, sur tous les amans du monde bien fortuné Myrtil: Mais ne t'a-elle rien dit du moyen qu'elle y veut tenir?

Erg. Rien encore. Mais sçais-tu pourquoy? Elle dit qu'elle ne peut pas bien encore deliberer du moyen qu'elle ne soit plus à plain informée & assurée de ton amour, afin qu'elle puisse plus à propos prendre le temps & plus seurement espier la volonté de la Nymphé, pour se sçavoir conduire ou par tromperie, ou par finesse : & reconnoistre ce qui sera bon d'essayer, & ce qui sera bon de laisser. C'est pour cela seulement que ie te venois chercher si viste : & ne serai mal à propos que tu me faces entendre, depuis le commencement iusques à la fin, toute l'histoire de tes amours.

Myr. Je le feray tres-volontiers, sçache pourtant, *Ergasto*, que combien que cette souvenance (trop amere certes à qui aime sans esperance) ne soit autre chose que porter vn flambeau au vent, par le moyen duquel plus il s'allume,

plus il se fond aux flammes, ou comme
vn trait enfoncé bien auant, plus que tu
penses arracher, plus tu accrois la dou-
leur & la playe : bien te diray ie vn
point, qu'elle te fera voir clairement
combien est vaine & trompeuse l'atten-
te des amans, & que bien qu'amour ait la
racine douce, le fruit en est pourtant
bien amer. En la saison nouvelle que le
iour commence à s'auancer sur la nuit
(voici l'an reuolu) cette gentille peleri-
ne, ce nouveau Soleil de beauté vint ho-
norer de sa presence, comme d'un beau
printemps, mon biē-heureux pays d'E-
lide & de Pise, rendu plus beau par son
sejour, y ayant esté conduite par sa mere
en ces iours solemnels que se font les
tournois, & les fameux sacrifices que lon
celebre à Iupiter, pour en faire à ses
beaux yeux vn heureux spectacle : mais
ces beaux yeux furent le spectacle d'a-
mour, voire le plus beau qui fut onc:
d'où moy qui iusqu'alors n'auoy senti
l'amoureuse flame. Helas ! ie n'euy pas plu-
stost ietté les yeux sur ce beau visage, que
i'en fus embrasé soudain, & sans m'estre
mis en deffence à la premiere œillade
qu'elle ietta sur mes yeux, ie senty courir

en mon sein vne certaine beauté magique qui me vint dire : çà Myrtil, donne moy ton cœur.

Erg. O quelle puissance à l'Amour sur nos cœurs? certes celuy ne le peut sçavoir qui ne l'a esprouvé.

Myr. Voy encor ce que l'amour industrieux sçait faire en nos cœurs plus tendres & simples. Je fey vne mienne sœur participante de mon amoureux penser, laquelle fut compagne de ma cruelle Nymphé, ce peu de iours qu'elle fut en Elide & à Pise. D'elle seule selon l'aduis que m'en donne l'amour, ie pren conseil & aide à ma nécessité: voici ce qu'elle fait. Elle m'habille proprement de ses

bonne
conua
iarva
lanu
liporean
accoustrements, m'agence des cheveux à la teste, les tresse, y met des fleurs, me pend l'arc & le carquois en escharpe, m'enseigne & la grace de mon visage, qui ne coronnoit point encore: & lors qu'il en fut temps, en cet estat elle me conduisit où la Nymphé vouloit s'esbattre. Là nous trouuâmes vne belle bande de filles de Megare, toutes coniointes à ma Deesse d'alliance & d'amitié. Elle paroissoit entre elles comme la rose en

tre les violettes: & apres qu'elles eurent
demeuré quelque espace de temps en cet
estat sans faire chose plus serieuse ou de
plaisir: il se leua entr'elles vne fille de
celles de Megare qui vint à parler ainsi.
D'oc en vn temps de ieu & de tournois
tant signalez, demurerés nous sans rien
faire? n'auons nous pas des armes pour
feindre des combats aussi bien que les
hommes? mes compaignes, si vous trou-
uez bon mon aduis, faisons par ieu en-
tre nous espreue de nos armes: nous le
ferons apres à bon contre les hommes,
quand il en sera temps: entrebaifons
nous & combatés de baisers: celle qui y
fera la plus adroite, & les sçaura donner
plus doux, qu'elle ait pour sa victoire
ceste belle guirlande. A ce propos toutes
se prindrent à rire, & s'y accorderent
soudain, se deffians l'vne l'autre: voire
mesme plusieurs, auant que le signal fust
donné, commençoient desia la meslee.
Ce que voyant celle de Megare, elle dis-
posa le combat, leur disant: C'est bien
raison, mes Dames, que celle qui a la plus
belle bouche soit iuge de ce debat. Lors
toutes d'un accord esleurent la belle

Amarillis: elle baissant doucement les yeux, vne rougeur modeste luy monta au visage, qui monstra bien qu'elle n'estoit pas moins belle par dedans, qu'elle paroïssoit par dehors: ou soit que son beau visage portant enuie à sa bouche vermeille se fust voulu reparer de sa belle robbe de pourpre, comme s'il eust voulu dire, Et moy aussi, ie suis beau.

Erg. O que bien à propos tu te changes lors en Nymphe (bien fortuné amant) pronostique de tes biens aduenir.

Myr. Desia s'estoit assise la belle Iuge pour l'exercice de son amoureuse charge, quand selon l'ordre de Megare chacune alloit de rang selon que le sort luy escheoit pour faire espreuue de sa bouche, & de ses baisers contre ce diuin parangon de douceur, cette belle bouche heureuse, cette belle bouche gentille, qui se peut dire à bon droit vne conque d'Inde odorâte, pleine de perles d'Orient des mieux choisies, & la partie qui encloist & fait voir ce riche tresor, du pourpre exquis, confit & meslé dans du miel. A la mienne volonté, mon cher Ergasto, que ie te puisse représenter la douceur

ineffable que ie senti en la baisant, iuge de cela , car celle mesme bouche qui l'esprouua ne le scauroit dire : assemble toute la douceur qui s'escoule des ro-^{canne}
seaux de Cypre , assemble en tout le miel d'Hybla : tout cela n'est rien en comparaison de la douceur que ie res-
senti lors.

Erg. O larcin fortuné ! ô doux bai-
sers.

Myr. Doux veritablement , mais non pas agreables : la meilleure partie leur manquant de leur plaisir parfait. Car amour les luy donnoit, mais il ne les luy faisoit pas rendre.

Erg. Mais di moy comme tu te sentis lors que le sort de baiser t'escheut ? *canne*

Myr. Dessus ses léures, Ergasto, se vint rendre mon ame, & ma vie enclose en si petit espace n'estoit plus qu'un baiser : tellement que tous mes membres demurerent tremblans & debiles. Mais quand i'approchay de ce regard fou-^{folgora}
droyant, ie demeuray tout esperdu de la maiesté de ce beau visage, comme celuy qui scauroit en sa conscience la trompe-
rie & le larcin : mais rassuré aucunemēt

d'un ne sçay quel doux souffris ie m'avançay plus outre. Amour, Ergasto, se tenoit caché entre ses leures, cômme vne abeille entre deux roses fraïsches : Et pendant qu'elle demeura à baiser de sa belle bouche la mienne qui estoit close, & ne se mouuoit point, ie ne sentis alors que la douceur du miel. Mais quand elle se presenta elle mesme, & me donna l'une & l'autre rose (soit que ce fust son honnesteté, ou ma fortune, ie sçay bien que ce ne fust pas amour) quand ces leures vindrent sonner & nos baisers se rencontrèrent, ô cher & précieux tresor, ie t'ay perdu & ne meurs point ! C'est alors que ie ressentay l'esguillon de l'amoureux. Le abeille me transpercer le cœur : qui peut estre me fut rendu lors pour le pouuoir blesser apres. Moy qui me senti frapper à mort, peu s'en fallut, que desespéré, ie ne mordisse ces leures homicides, & y laissasse mes marques : mais las ! le doux Zephir de sa bouche me retint, qui comme vn esprit diuin ressuscitant ma modestie, amortit toute ma fureur.

Erg. O modestie vraiment moleste & trop importune aux amans !

Myr.

Myr. Chacune de la compagnie ayant mis fin à ses propos, avec vne grande attention attendoit. la sentence : quand la gentille Amarillis iugeant mes baisers plus que les autres sauoureux, de sa main propre me couronne le chef de cette guirlande gentille, tout expres reseruee pour estre le loyer du vainqueur : mais *premi* las! iamais plaine campagne ne brusta de la sorte sous l'ardeur de la Canicule, quand plus de rage elle mord & abbaye, comme mon pauvre cœur brusloit de douleur & d'affection plus que iamais, vaincu au beau milieu de sa victoire. l'eu neâtmoins tant de courage, que prenant de mon chef la guirlande ie la luy presentay, disant: C'est à vous, belle, c'est à vous qu'appartiét ce present, puis que c'est vous seule qui de la douceur de vostre bouche auez adouci mes baisers, elle la receuant humainemēt s'en couronna ses cheveux, & d'une autre qu'elle auoit sur sa teste, elle en ceignit la mienne, & est celle mesme que ie porte, & que ie porteray iusqu'au tombeau, seche comme tu la vois, en recordation de ce iour heureux; mais bien plustost en signe de

D

mon esperance morte & pallee.

Erg. Certes, Myrtil, nouveau Tantale, tu es plus digne de compassion que d'en-
vie.

En amour tel va se ioyant & hazzardo.

Qu'il esprouue à bon escient. la douero

Tes plaisirs t'ont cousté bien cher, & de ton larcin tu as receu le bien & le mal tout ensemble, mais ne s'est-elle iamais apperceuë de ceste tromperie?

Myr. Cela ne te sçauroy-ie dire, Erga-
sto, mais bien que durant tout le temps qu'Elide eut cet hœur de le voir, elle me fut tousiours courtoise de ses doux re-
gards plains d'amour: mais mon cruel
destin me l'emporta si tost, qu'à peine ie
m'en apperceu: & c'est pourquoy aban-
donnant ce que ie souloy auoir de plus
cher, attiré de la vertu de ce beau visage,
ie suis venu en ce pays ici, où, comme tu
sçais, mon pere garde encor son ancien
manoir, où hélas! i'ay trouué que le beau
iour serain de mes amours, qui com-
méça d'une si belle aurore, s'estoit tour-
né à vn eternel couchant. A ma premie-
re rencontre, voila vn soudain esclat de
desdain esclairer sur ma face, puis en bais-

fant les yeux elle tourne ses pieds ail- *jira*
 leurs. Ie dy lors en moy-mesme, ô mise-
 rable ! ce sont bien là les signes de ta
 mort. Cependant mon pere ennuyé au
 possible de mon depart si soudain & non
 preveu, fut outré de telle douleur qu'il
 en tomba malade au liét, & approcha
 bien pres du tombeau. A ceste occasion
 estant cōtraint de retourner à la maison
 de mon pere, hélas ! mon retour fut bien
 la santé au pere, mais la maladie au fils,
 voire si griesue, que me consommant
 d'une fièvre amoureuse ie tōbay en lan-
 gueur : & depuis la sortie que le Soleil
 fait du Taureau iusqu'à ce qu'il entre au
 Capricorne, ie demeureray tousiours en
 cet estat, & y seroy encore à present, si
 mon pere pitoyable n'eust recerché le
 conseil de l'oracle, lequel luy respondit :
 que le seul air d'Arcadie pouuoit guerir
 mon mal : ainsi Ergasto, ie retournay
 pour reuoir celle qui guerit bien mon
 corps, ô voix d'oracle trompeuse ! mais
 pour rendre mon ame eternellement
 malade.

Erg. Certes, Myrtil, tu me dis vne
 chose estrange ! & ne scauroit-on dire

que tu ne sois digne de beaucoup de pitié: mais,

L'Espoir seul de salut, c'en est le desespoir.

S'il est temps que j'aie faite entendre à Corisque tout ce que tu m'as dit. Va t'en à la fontaine, & m'attens là: ie te reuerray au plustost.

Myr. Vas-y heureusement, le Ciel te rende la recompense de ta pieté, telle que tu merites: car ie ne te la puis donner, mon courtois Ergasto.

ACTE SECOND.

SCENE II.

Dorinde. Lupin. Syluio.

Soin fidelle, & bien-heureux plaisir de mon bel & impitoyable Siluio! à la mienne. volonté que ie fusse autant aimé de ton cruel maître, comme tu es, Melampe. Luy, de ceste belle main blanche dont il eltraint mon cœur, en te flattant, te nourrit doucement, & iour & nuict il demeure avec toy: cependant que

moy qu'il aime tant, en vain je soupire,
en vain ie le supplie, & le reclame; & ce
qui plus me poise encore, il te donne ses
doux baisers si chers & agreables. Si i'en
auoy vn seul aumoins, que ie seroy heu-
reuse! Mais pour ne pouuoir d'auantage:
ie te baise toy mesme, ô bien-heureux
Melampe. Mais si d'auanture quelque
bonne estoille d'amour t'auoit guidé
vers moy pour me seruir de guide: al-
lons où l'amour me pousse, & toy le na-^{inchi}
turel seul. Mais n'oy-ie pas vne trompe:
en ces bois sonner pres d'ici?

Sil. Tee, Melampe, tee, tee.

Dor. Si le desir ne me trompe, cette
voix est celle de mon beau Siluio, qui
appelle son chien dans ces bois.

Sil. Tee, Melampe, tee.

Dor. Sans doute c'est sa voix. O heu-
reuse Dorinde, le Ciel t'enuoye le bien
que tu vas cherchant! mais il vaut mieux
que ie tire son chien à quartier, peut
estre que par ce moyen ie pourray ac-
querir son amour. *Lupin.*

Lup. Me voici.

Dor. Va t'en avecque ce chien: & te
cache dans ce buisson, entens-tu?

D. iij.

Lup. Je vous entens bien.

Dor. Et ne sors point de là que ie ne t'appelle.

Lup. Non feray-ie.

Dor. Va viste.

Lup. Et vous faites viste, que si la faim faisoit ce chien, il ne me deuorast en vn morceau.

asoco Dor. O que tu es vn pauvre homme! fus va viste.

lger Sil. Ha miserable que ie suis! où doy-
ie plus tourner le pied pour te suiure,
mon cher & fidelle Melampe? Las! i'ay
nolle par monts & par campagnes cherché en
vain: ie suis si las & recreu que ie n'en
puis plus. Maudite soit la beste que tu as
suiuie. Mais voici vne Nimphe qui m'en
pourra donner des nouuelles. O la mau-
offir uaise rencontre! Ceste-ci est celle qui ne
fait tousiours que m'importuner: il la
faut endurer pourtant: belle Nymphe, di
moy vn peu, as-tu point veu mon fidel-
le Melampe, que i'ay lasché tantost apres
vne daimé?

Dor. Moy belle, Siluio, moy belle?
pourquoy me nommes-tu ainsi cruel, si
ie ne suis pas belle à tes yeux?

Sil. Belle ou laide comme tu voudras, di moy, as-tu point veu mon chien? resp^{on}don moy à cela si tu veux, ou Adieu.

Dor. Tu es bien rude Siluio, à qui t'a-
dore. Qui penseroit qu'en vn si beau
visage logeast iamais telle cruauté & tu
poursuis par le bois, & par les monta-^{fera}
gnes vne proye fuyarde, & apres les tra-^{fuy}
^{ces} d'vn voultroy tu te tourmentes, tu te uel-
consommes, & moy qui t'aime tât tu me-
fuis, tu me mesprises: ne poursuy point
vne daim^e fuyarde, poursuy vne douce
& agreable daim^e, qui sans estre chassée
est ià toute prise & toute liée.

Sil. Nymph^e, ie suis venu ici pour cer-
cher Melampe, non pour perdre le
temps: Adieu.

Dor. Et dea, cruel Siluio, ne me fuy
point ainsi: ie te diray nouuelles de ton
Melampe.

Sil. Tu me besses, Dorinde.

Dor. Mon Siluio, par cet amour qui
me rend ton esclau^e, ie sçay bien où il
est, ne l'as-tu pas lasché n'agueres apres
vne daim^e?

Sil. Je l'ay lasché, mais i'en ay perdu
incontinent la trace.

Dor. Or l'un & l'autre est en ma puissance.

Sil. En ta puissance?

ole Dor. En ma puissance, te fasche-il ? ingrat, d'estre tenu à qui t'adore.

Sil. Ma chere Dorinde, ça donne-les moy.

unta Dor. Ha! volage enfant, où en suis-je logée, qu'il faut qu'une beste sauvage & un chien soient cause que tu me cherisses? Mais certes, mon cœur, tu ne les auras pas sans recompense.

Sil. C'est bien raison, tu l'auras certes, je la veux tromper.

Dor. Que me donneras-tu?

Sil. Deux belles pommes jaunes comme fin or, que ma mere me donna l'autre iour.

Dor. Des pommes ne me manquent point, je t'en pourroy donner peut estre que tu trouveroies plus saoureuſes, & qui sont encores plus belles si tu n'auois mes presens à desdain.

Sil. Que voudrois-tu donc? un cheureau, ou un agneau? encore mon pere ne me donne tant de hardiesse. *unta*

Dor. Je n'ay desir ni de cheureau, ni .

d'aigneau, toy seul, youdrois- ie Siluio-
& ton amour.

Sil. Ne veux-tu rien que mon amour?

Dor. Rien autre chose.

Sil. Ouy, ouy, vrayement ie te le donne
tout, or donne moy donc, ma chere
Nymphé, & mon chien & la daimé.

Dor. O si tu sçauois que vaut le tresor
dont tu sembles si liberal, & si ta langue
respondoit à ton cœur.

Sil. Escoute, belle Nymphé, tu me vas
tousiours parlant d'vn ie ne sçay quel
amour que ie ne cognoy point: tu veux
que ie t'aime, & ie t'aime autant que ie
suis cruel, & ie ne sçay que c'est de
cruauté, & ie ne puis que te faire.

Dor. Miserable Dorinde! où as-tu mis
tes esperances? d'où attens-tu secours?
en vne beauté qui ne sent encore aucune
estincelle de ce feu d'amour qui brusle
tout amant: aimable enfant tu m'es tout
feu, & tu ne brusles point! tu ne respire
qu'amour, & tu ne le fers point! ie croy
veritablement que sous vne forme hu-
maine de mere douce, l'aine Déesse que
Cypre honore t'ait enfanté: tu as le feu,
tu as les flèches, mon cœur blesse &

D 4

brûlé en sçauroit bien que dire. Mets
tes aîsles à ton dos, tu seras vn Cupido-
neau, fors que tu as le cœur de glace, &
ne te manque point d'amour.

Sil. Qu'est-ce que cet amour?

Dor. Si ie voytes beaux yeux, ie dis
Qu'Amour est vn vray paradis,
Mais si ie regarde mon cœur,
Vn enfer d'amere douleur.

Sil. Nymphes, c'est assez dir: donne moy
à ceste heure mon chien.

Dor. Donne moy donc aussi l'amour
que tu m'as promis.

Sil. Ne te l'ay-ie pas donnée? O Dieu
que i'ay de peine de contenter ceste-ci:
Pren-le, & en fay ce que tu voudras: qui
te le nie? qui te l'empesche? que veux tu
d'auantage? qu'attens-tu plus?

Dor. Tu sèmes sur l'arene: tu pers ta
peine, pauvre Dorinde.

Sil. Que fais-ie? à quoy songes tu?
pourquoy me tiens tu à perdre temps?

Dor. Tu n'auras pas plustost ce que tu
desires, que tu t'enfuyras de moy, perfide
Siluo.

Sil. Non feray certes, belle Nymphé.

Dor. Donne moy vn gage.

Sil. Quel gage veux-tu?

Dor. Ha, ie ne l'ose dire.

Sil. Pourquoi?

Dor. Pource que i'ay honte.

Sil. Tu le demandes pourtant.

Dor. le voudrois que tu m'entendisses sans parler.

Sil. Tu es honteuse de le dire, & non de le recevoir.

Dor. Si tu me promets de me le donner, ie t'en le diray.

Sil. le te le promets, pourueu que tu me le dies. *ma uo che tu mel dica.*

Dor. Ha! tu ne m'entens pas, Siluio, mon cœur: ie t'entendroy bien moy si tu me le disois.

Sil. Tu es plus fine que moy pour certain.

Dor. Plus passionnée que toy, Siluio, pour certain, mais moins cruelle q' toy.

Sil. Pour te dire vray, Dorinde, ie ne suis pas diuin, parle si tu veux estre entendue.

Dor. Chetive! vn de ceux que ta mere te donne.

Sil. Quoy vn soufflet?

Dor. Vn soufflet, Siluio, à celle qui t'a-
dore!

Sil. Elle a de coustume de me carresser
souuent de la sorte.

Dor. Et ie sçay bien que tu ne dis pas
vray : ne te baise-elle point quelque-
fois?

Sil. Elle ne me baise , ni ne veut que
personne me baise. Voudrois-tu point
peut estre, vn baiser pour gage? Tu ne me
respôs point, ie le voy bien à ta couleur.
Certes ie m'en suis bien apperçeu , i'en
suis content: mais donne moy premiere-
ment le chien avec la daimé.

Dor. Me le promets-tu?

Sil. Je te le promets.

Dor. Et tu me le tiendras?

Sil. Ouy , te di-je, ne me tourmente
plus.

Dor. Lupin, fors Lupin, n'oy-s-tu pas
encore?

Lup. O que tu es fascheux, qui m'ap-
pelle? le vay, ie vay. Je ne dormoy pas,
non, ie ne dormoy pas : c'estoit le chien
qui dormoit.

Dor. Voila ton chien, Siluio, qui plus

le FIDELLE. 2^a 75
que toy courtois.

Sil. Que me voila aise! *O lome son Contento.*

Dor. Se vint reposer en ses bras dont
tu fais peu de conte.

Sil. O mon bien aimé & fidele Me-
lampe.

Dor. Ayant mes baisers agreables, &
mes souspirs.

Sil. Je te veux baiser mille fois, & mil-
le fois encore: ne t'es-tu point blessé en
courant?

Dor. Chien trop heureux! pourquoy ne
puis-je chager ma condition à la tiene:
où me voy ie arriuee, que la ialousie mes-
me d'un chien m'afflige. Mais toy *Lupin*
va t'en vers la chasse, ie te suy incon-
tinent.

Lup. Je vay, Madame.

ACTE SECOND.

SCENE III.

Silvio. *Dorinde.*

TU n'as aucun mal, mais au surplus,
où est la dame que tu m'as pro-

mise?

Sil. La veux-tu morte ou en vie.

Dor. Je ne te puis entendre : comment peut-elle estre en vie si le chien l'a tuée?

Dor. Et si le chien ne l'a pas tuée.

Sil. Elle est donc en vie. *Dor.* En vie.

Sil. D'autant plus chere & agreable m'en sera ceste prise. Mon Melampe a-il esté si adroit qu'il ne l'ait point blessée ni atteinte? *trua*

Dor. Au cœur seulement elle a receu vne crainte. *portura o fenta*

Sil. Te moques-tu de moy Dorinde, ou si tu veux gausser : comment peut-elle estre en vie, si elle est blessée au cœur?

Dor. Je suis ceste daine, ô cruel Siluio, qui sans estre poursuivie & guetée suis prise & vaincue de toy, en vie, si tu me fais accueil, & morte, si tu me reiettes.

Sil. C'est donc la daine que tu me voulois dire?

Dor. Celle-là sans autre : dequoy te troubles-tu, ne t'est-il point plus agreable d'avoir vne Nymphé qu'une beste sauvage?

F I D E L L E. 3.^e 75
Sil. Je ne t'aime, ni ne m'es agreable,
ains ie te hay laide, trompeuse & impor-
tune que tu es.

Dor. C'est donc là le guerdon que tu
me rends, cruel *Silvio*? c'est donc là le
grand mercy que tu me donnes, garçon
ingrat! Aye *Melampe* en don, & moy
avec luy: ie remets tout entre tes mains,
pourueu que tu ne t'esloignes de moy, &
que tu ne me refuses point le beau Soleil
de tes yeux. Je te suiuray, compagne de
ton loyal *Melâpe*, & trop plus fidelle que
luy: & quâd tu te trouueras ie t'essuy^{ser}eray ^{me}
le visage, & sur ce flanc qui iamais pour
toy ne repose, tu te reposeras: ie porte-
ray tes armes, ie porteray ta proye, voire ^{pr}
si tu m'âques de proye, aux bois, tu desco- ^{fic}
cheras sur *Dorinde*: sur cet estomac tu ^{l'atta}
pourras tousiours exercer ton arc, que
soit ainsi que tu voudras, ie porteray
comme ta seruâte, ou esprouueray com-
me ta proye, & seray de tes traits le ^{car}
quois & le but. Mais à qui parle ie, ^{l'arc}
c'est à toy qui ne m'esoutes & t'enfuis: ^{se}
mais fuy tant que tu voudras, *Dorinde*
te suiura, voire metme en l'enfer cruel
s'il y a vn enfer au monde plus cruel que

ta cruauté ou la vehemence de ma douleur.

ACTE SECOND.

SCENE IIII.

Corisque.

O Comme la fortune est fauorable à mes desseins, voite plus que ie n'ay esperé, & certes elle a bien raison de fauoriser celle qui ne demeure point nonchalante, requerant son secours.

machiosa

La fortune a grand force, & ce n'est sans raison

Que de Dame puissante on luy donne le nom:

Mais à son arriuee il faut luy faire chere,

Venir au deuant d'elle, applanir sa carriere:

Aussi les negligens voyez vous rarement

De la fortune auoir quelque heureux traitement.

Si mon industrie ne m'auoit fait compagne de ceste-ci que me seruiroit maintenant yne si bonne occasion de cōduire.

mes penſees à leur fin? vne moins fine
que moy auroit fuy ſa couruſe, &
monſtrant deſſus ſon viſage des ſignes
tous clairs de ialouſie, ne l'auroit iamais
veuë de bon œil: mais elle auroit fait
mal.

*L'ennemy deſcouuert qui d'un cœur genereux
Vient pour nous aſſaillir, n'eſt pas ſi dange-
reux,*

*Que cil qui eſt caché au marinier plus ſage
L'eſcueil caché ſous l'eau cauſe ſouuent nauſſra-
ge:*

*Et certes l'ennemi qui ne ſçait la façon
De ſe monſtrer amy n'eſt pas mauvais garçon.*

Auiourd'huy ſe verra ce que tu ſçais
faire, Coriſque: ie ne ſuis point ſi beſte,
non, ie ne ſuis point ſi beſte que d'eſti-
mer qu'elle n'aime point: qu'on le face
accroire à vne autre qui ſera moins ru-
ſee que moy: ie ſuis maiſtreſſe en ce me-
ſtier. Vne ieune fille ſimple qui ſort à
peine de la coque, en laquelle dès ci de-
uant Amour a verſé ſes premieres dou-
ceurs longuement pourſuiuie, longue-
ment courtiſee, & d'amant ſi gentil: &

Lucas

78 *A L E B E R G E R* 2.^o
qui plus est baïsee & rebaïsee ne sera
croûte point esbranlée. Celuy qui le croit est
bien simple : ie ne le croy point quant à
moy : mais voici comment le bon heur
m'aide. Voilà à propos. Amarillis: ie me
veux tirer à quartier , & ne faire pas
semblant de la voir. *Itara Salou*

ACTE SECOND.

SCENE V.

Amarillis. Corisqué.

O Heureuses forests aimees ! & vous
solitaires demeures, que volontiers
ie vous viens voir, en bonne foy si mon
destin m'auoit donné en sort de passer
mon aage moy-mesme, & viure selon
mon plaisir, ie changeroÿ librement les
beaux iardins Elysiens, seiour des demy
Dieux, à vostre ombre gentille & ag-
greable. Car, si ie voy bien clair, tous les
biens de ce monde ne font que maux,
l'homme qui plus en a, en a moins, & est
plus possedé qu'il ne possède: ce ne sont

pas vrayemēt des biens, ce sont des liens *libe*
 de nostre franchise. Que sert en nostre
 ieunesse vn tiltre superbe de beauté? vne
 renommee d'honneur? vne celeste extra-
 ction tant de faueurs du ciel & de la
 terre, des possessions, des seigneuries, des
 plaines couuertes de biens, des seconds
pasturages, plus fecond encor le trou-*pal*
peau, si au milieu de tant de biens nous *am*
 n'auōs point le cœur content? Que bien
 heureuse est la bergere qui couuerte à
 grand peine d'vn simple habit de roille, *forme*
 propre neantmoins & gentil, est riche
 seulement de soy mesme ornee de ses
 graces naturelles. En sa pauuereté douce
 elle ne sent la pauuereté, ne les incōma-
 ditez des richesses: mais elle possède tout
 ce qu'il luy faut pour n'estre point tra-
 uaillee d'vn importun desir d'auoir. Elle
 est nuë veritablement, mais contente.
 Avec le miel des abeilles elle confit le *2e*
 miel de ses naturelles douceurs, & la *card*
 fontaine ou elle boit c'est celle qui la
 mire, & où elle se conseille en s'habil-
 lant, elle contente, tout le mode l'est. En
 vain pour elle le ciel tēpeste, sa pauuereté
 ne craint rien: nuë voirement, mais con-

tente. Seulement elle a vn souci libre au surplus: le troupeau qui luy est commis paist de ses vertes herbetes, & elle paist de ses beaux yeux son amant, non point amant choisi des hommes, ou que le Ciel ait destiné, mais tel qu'Amour le luy a donné: A l'ombrage d'une myrtaye cellade, ne ressent flamme d'amour que elle ne la luy descouvre, & n'en descouvre aussi aucune que luy ne la ressente, nuë voirement, mais contente. O vraye vie qui ne sçait que c'est de la mort paraissant qu'elle soit venue: à la mienne volonté que ie puisse chager ma condition à la tiennel: mais voila, Corisque: le Ciel te garde, ma douce Corisque.

Cor. Qui m'appelle ? ô plus que mes yeux, plus que ma propre vie, chérie de moy Amarillis ! & où vas-tu ainsi seule ?

Am. Nulle part, fors que là ou tu me trouues. Je ne pouuoy pas mieux arriuer puis que iere trouue.

Cor. Tu trouues celle qui ne se lepare iamais de toy (ma chere Amarillis) ie pensoy à cette heure en toy, & disoy en moy mesme: Si ie suis s'amie, comment

A. F I D E L L E. *7. a* 81
peut-elle estre si long temps sans moy?
& alors tu m'as rencontrée, ma chere
amie: mais ie voy que tu n'aimes plus ta
Corisque.

Am. Et comment cela?

Cor. Pourquoy le demandes-tu? n'es
tu pas l'espousee aujourdhuy.

Am. Moy, l'espousee?

Cor. Ouy, toy l'espousee, & tu ne m'en
dis rien.

Am. Comment veux-tu que ie die vne
chose que ie ne sçay pas?

Cor. Tu le caches bien encores, tu me
le veux bien nier? *infinc*

Am. Tu te mocques de moy encores?

Cor. Mais c'est toy qui te mocques de
moy?

Am. Comment? me l'affirmes-tu pour
certain?

Cor. Ie t'en iure bien d'auantage. Mais
est-il possible que tu n'en sçaches rien?

Am. Ie sçay bien que i'ay esté ci deuant
promise, mais que mes nopces soient si
proches, ie t'asseure que ie n'en sçay rien:
& encor de qui le tiens-tu? *l'apettin*

Cor. D'Ormino mon frere, qui dit qu'il
l'a sçeu de plusieurs, & qu'on ne parle

d'autre chose. Comment ? il semble que cela te trouble : c'est bien vraiment nouvelle dont lon se doiue troubler !

Am. C'est vn grand passage, Corisque, i'ay autresfois ouy dire à ma mere que lon renaïssoit ce iour-là.

Cor. Ouy certainement lon renaist, mais c'est à meilleure vie : & à cause de cela tu deurois estre plus ioyeuse. Pourquoi souspires-tu ? souspiret le miserable.

Am. Quel miserable ?

Cor. Myrtil , qui se trouua present quand mon frere m'en dit la nouvelle : à peu qu'il ne mourust de dueil, & certes ie pense encore qu'il fust mort sans le secours que ie luy ay fait , luy promettant que ie romproy ces nopces : & bien que ie disse cela seulement pour le remettre , si seroy-ie bien pourtant femme pour le faire.

Am. Aurois-tu bien tant de courage ?

Cor. Et de quelle sorte ?

Am. Et comment cela ?

Cor. Facilement , pourueu que tu le vueilles.

Am. Si ie pensoy que cela succedast,

& que tu me donnasses la foy que iamais tu n'en parleroïs : ie te declareray vn secrét qu'il y a long temps que ie cache en mon cœur.

Cor. Que i'en parlasse, moy ? la terre s'ouure plustost & m'engloutisse miraculeusement.

Am. Scache donc, ma Corisque, que quand ie vien à penser que ie doy estre en la subiection d'un enfant, d'un enfant di- ie, qui me hait, qui n'a autre soucy que des forests & des bestes sauvages, & qui fera mille fois plus de conte d'une beste farouche ou d'un chien, que de l'amour de mille Nymphes : certes i'ay beaucoup d'ennuy, & vy quasi desesperee, toutesfois ie n'ose me plaindre, pource que d'une part l'honneur me le deffend, & d'ailleurs i'ay donné la foy ^{not cor} a mon pere, & qui plus est encore a la grand Deesse : que par ton moyen se pouvoit rompre le fil d'un nœud qui m'est si fascheux (sauf toutesfois la vie, la pieté & l'honneur) tu ferois bien aujourd'huy mon salut & ma vie.

Cor. Si c'est pour cela que tu soupis- res, tu en as bien raison, Amarillis : ô

combien de fois ay- ie dit, comment? vne chose si belle à qui la mesprise? vn ioyau si riche à qui ne le cognoist point? mais tu es trop sage, pour te dire vray, ou plustost trop simple. Que n'en parles tu? que ne fais- tu entendre?

Am. l'ay honte.

Cor. Tu as vn grand mal, ma sœur, j'aïmerois mieux auoir la fièvre, le cancer ou la rage: mais si tu me veux croire ie te le feray bien prendre. Ouy, ouy, pourueu qu'une fois tu la chasses, c'est assez.

Am. La honte que nature en nos ames enchasse,

S'on la chasse du cœur, elle fuit sur la face.

Cor. Qui trop sage se tait quand la douleur s'aigrit,

Crie apres comme folle, & son mal ne guerit.

Si ci deuant tu m'eusse ouuert tes pensees, tu fusses maintenāt hors de trauail. Tu verras aujourd'huy ce que sçait faire Corisque, tu ne pouuois pas tomber en plus discrettes mains, ni fidelles: mais quand par mon industrie tu te seras de-
liuree

liurée d'un mauuais mary, ne vouldrois
tu point te pourueoir d'un bon amy?

Am. Nous y penserons tout à loisir. *a Bell'agio*

Cor. Veritablement, tu ne dois pas
manquer à ton fidelle Myrril: & tu sçais
s'il y a aujourd'huy berger qui soit di-
gne de ton amour, soit pour la valeur,
soit pour la foy, ou pour la beauté, & tu
le laisses mourir (ah! trop cruelle) sans
qu'aumoins il te puisse dire ie meurs.
Escoute-le au moins vne fois.

Am. Il feroit beaucoup mieux de de-
meurer en repos, & arracher la racine *radice*
d'un desir où il n'y a point d'esperance.

Cor. Donne luy ce confort aumoins
deuant qu'il meure.

Am. Ce luy sera plustost vn redouble-
ment d'ennuy.

Cor. Laisse luy le soin de ceste pre-
uoyance. *questo*

Am. Mais que seroit-ce de moy si lon
sçauoit cela?

Cor. O que tu as peu de courage!

Am. Et peu soit pourueu qu'il me
serue à honneur. *a Contra mi uaglia*

Cor. Amarillis, si tu estimes qu'il te
soit loisible de manquer de ce costé-là ie *leue*

86 A L E B E R G E R 2^o
te puis bien manquer du mien, & iuste-
ment. Adieu.

Am. Corisque, ne t'en va pas, escoute.

Cor. Je ne t'escouteray vn seul mot, si
tu ne me promets.

Am. Bien ie te promets de l'escouter,
pourueu que cela ne m'estrange à autre
chose. *Altrina*

Cor. Je ne veux que cela.

Am. Fay luy donc croire que tu n'en
sçais rien.

Cor. Je feray paroistre que le hazard
aura tout amené. *il caso-*

Am. Et que ie puisse partir de là à ma
volonté sans qu'il m'en empesche.

Cor. Quand il te plaira, pourueu que
tu l'escoutes.

Am. Et qu'il depesche tost.

Cor. Cela se fera aussi.

Am. Et qu'il ne s'approche point de
moy de plus pres que la longueur de
mon dard.

Cor. O Dieu que j'ay de peine à refor-
mer auourd'huy ceste tienne simplicité!
Je te promets que fors la langue, ie luy
heray si bien tous les membres, que tu
pourras demeurer assensee, veux-tu au-

tre chose que cela?

Am. Je ne veux autre chose.

Cor. Et quand feras-tu cela?

Am. Quand tu voudras, moyennant que j'aye assez de temps pour m'en aller iusques chez moy : pource, que ie veux vn peu mieux encores m'informer de ces nopces.

Cor. Vas y & fay accortement, mais enten vn peu ce que ie vay pensant. C'est qu'aujourd'huy enuiron le Midy tu viennes ici seule en ces ombrages, sans qu'il y ait avec toy aucune de ces Nymphes, ie me trouueray aussi là pour cet effet: i'auray avec moy Nerine, Aglaure, Elise, Phillis & Lycoris, toutes mes cōpagnes non moins accortes & sages que fidelles & secretes, où avec elles (comme c'est souuent ta coustume) iouant au ieu de l'aveugle, Myrtil croira facilement que non pour luy, mais pour ton esbat seul, tu sois là venue. *Importo.*

Am. Cet aduis me semble assez bon: mais ie ne voudroy pas que ces Nymphes fussent presentes aux propos que me tiendra Myrtil entens tu?

Cor. Je t'enten, c'est assez bien adui-

se: mais laisse-moy faire, & n'aye point de crainte de cela, ie les feray bien disparoître quand il en sera temps. Va t'en, & cependant te souviens d'aimer toujours ta fille Corisque. *Alcina*

Am. Si ie luy ay mis mon cœur en ses mains, ce sera à elle de se faire aimer à sa discretion.

Cor. Te semble-il qu'elle soit ferme, à ceste place plus de force est requise: si à l'assaut de mes paroles elle a peu se defendre, certainement à celles de Myrtil elle ne pourra resister. Je sçay ce que peuvent au cœur d'une ieune fille les prières d'un amant bien receu. Si elle en vient là une fois, ie la reduiray à tel point que le ieu ne luy sera plus ieu: & de ses paroles vueilles ou non, ie pourray espier, ou penetrer plustost iusqu'au plus profond des entrailles le plus refermé de son cœur. Et quand i'auray cela en main, & que ie seray une fois maistresse de son cœur, ie disposeray d'elle comme ie voudray sans peine, & la conduiray où ie desire, voire en façon qu'elle mesme, non seulement les autres estimeront qu'un effrené amour &

Le. F I D E L L E. *69* 89
non mon industrie , l'auront amenee à
cela.

A C T E S E C O N D.

S C E N E V I.

Corisque. Satyre.

HElas! ie suis morte.

Sat. Et ie suis vivant.

Cor. A l'aide , retourne : hélas ! ie suis
prise. *Amarillis.*

Sat. Amarillis ne t'entend point. C'est
à ceste heure que tu demeureras prise.

Cor. O Dieu les cheueux !

Sat. Je t'ay long temps guetee au pas-
sage , en fin tu es tombee en mon piege.
Ceci n'est pas le manteau sur m'amie ce
sont les cheueux.

Cor. A moy Satyre?

Sat. A toy. Et n'es tu pas ceste fâmen-
se Corisque , ceste grande maistresse de
mensonges , qui debites si cher trompe-
rie , vaines esperances , & regards desgui-
sez , qui m'a tant de fois trahy & si sou-

E iij

90 *A. L. E. B. E. R. G. E. R. R. O.*
uent ^Vmoqué, trompeuse & meschante
Corisque?

Cor. Je suis bien Corisque (mon Saty-
re gentil) mais non pas celle que tu dis
auoir esté si chere à tes yeux.

Sat. Ouy, ouy, ie suis gentil mainte-
nant, meschante, ie n'estoy pas ainsi gen-
til quand tu me laissas pour Corydon.

Cor. Toy pour vn autre? iamais.

Sat. Escoute donc merueille, & chose
nouuelle à ton ame sincere. Quand tu me
fils desrober l'Arc à l'Isle, le voile à Clo-
este *erred* ris, la robe à Daphné & les cothurnes
à Siluie, afin que mon larcin fust le loyer
apres, de cet amour qui fut promis à
moy, & donné à vn autre. Quand la bel-
le guirlande que ie t'auoy donnee, tu la
donnas à Nysus: & quand à la cauerne,
au bois, & à la fontaine, me faisant veil-
ler les nuits froides toutes entieres, tu
m'as befflé & moqué, estois-ie alors
gentil? meschante, tu le payeras ie t'en
asseure, tu en payeras l'interest.

Cor. Ah Dieu! tu me traines, comme
si i'estoy vne pauvre vache.

Sat. Tu l'as dit à point, *2065* *se*couë toy si tu
peux, ie ne crains pas que tu m'eschap-

pes: A ceste prise ne te seruiront de rien
tes finesses, vne autrefois tu t'en esfuye,
mauuaile! mais si tu ne me laisses la teste,
tu t'efforces en vain de sortir de mes
mains..

Cor. Ne me denie au moins ceste faueur
que ie te puisse dire mes raisons à mon
aise..

Sat. Parle..

Cor. Comment veux-tu que ie parle
estant prise comme ie suis? Laisse moy
donc.

Sat. Que ie te laisse?

Cor. Le te promets la foy que ie ne
m'enfuiray point..

Sat. Quelle foy, femme perfide, encore:
tu oses parler de foy avec moy? Le te veux
mener en la cauerne la plus horrible de
ceste montagne, où les rayons du Soleil
n'entrerent iamais, où iamais homme ne
mit le pied: du reste ie ne t'en dy rien, tu
le sentiras. Le le feray à mon contente-
ment, & à ton deshonneur tel bris de
toy que tu as merité.. *g. tratio.*

Cor. Peux-tu bien donc cruel à ces che-
veux qui t'ont lié le cœur, à ce visage qui
fut ton plaisir, à ta Corisque que tu

as tant aimée, & pour laquelle que tu iurois même la mort te seroit douce, à celle-là, di-je, peux-tu bien maintenant souffrir faire outrage? O ciel! ô fortune! où puis-je désormais loger mon espérance? à qui croiray-je plus misérable?

Sat. Ha! meschante, penses-tu encor me tromper? penses-tu encor m'endormir de tes belles paroles; de tes belles flatte-
ries & trahisons? *Lucinthe*

Cor. Las! mon gentil Satyre, traites-tu si cruellement celle qui t'adore, tu n'es pas vne beste cruelle, tu n'as pas le cœur de marbre ou de rocher? Me voila à tes pieds, si ie t'ay iamais offensé, idole de mon cœur, ie t'en requiers pardon, par ces genoux nerveux & plus qu'humaine que j'embrasse, à qui ie m'encline, par cet amour que tu m'as porté autresfois, & par ceste douceur attrayante que tu soulois tirer de mes yeux, que tu appelloistes estoilles, & qui sont ores deux fontaines: finalement par ces larmes ameres que ie verse si abondamment ie te supplie auoir pitié de moy: Laisse moy désormais.

Sat. La perfide qu'elle est, elle m'a es-

meu, & si ie croyoy seulement à mon affection, sur ma foy, ie seroy vaincu: mais en somme ie ne te croy point, tu es trop maligne, & trompes qui plus se fie, sous ceste feinte humilité, sous ces prieres traistresses, est cachee Corisque: tu ne peux estre autre que toy mesme: tu te debats encore?

Cor. Ha la teste! ha cruel! hé demeure encore vn peu, ie te prie ne me denie au moins vne seule faueur.

Sat. Quelle est ceste faueur? dy.

Cor. Que tu m'entendes encores vn peu.

Sat. Tu penses, peut estre, avec paroles feintes & larmes mendiees, me deschir. *me garm*

Cor. Deh, mon courtois Satyre, me veux tu ainsi deschirer? *me xiam*

Sat. Tu l'espronueras, vien seulement.

Cor. Sans auoir pitié?

Sat. Sans pitié.

Cor. Et en ce vouloir tu demoures ferme.

Sat. Et en cela ie demeure ferme: as-tu point fini encor tes enchantemens?

E v.

Cor. Vilain, indiscret, importun, my-
homme & my-bouc, & tout beste: cha-
rongne infecte, defectuosité de nature
abominable, si tu crois que *Corisque* ne
t'aime point, tu crois la verité, que veux
tu dy, que i'aime en toy? ton beau groin?
ida ta vilaine barbe crasseuse, tes oreilles ca-
ida prines? ta vieille caverne pourrie, baucu-
se & edentee?

Sat. Ha meschante! à moy cela?

Cor. A toy cela.

Sat. A moy, ribaude?

Cor. A toy gros bouc. *Caprone*

Sat. Et de ces mains ie ne t'arracheray
pas ceste meschante langue canine &
importune?

Cor. Si tu t'approches? si tu es si har-
dy?

Sat. En cet estat vne ville femmelette:
entre ces mains? & elle n'a point peur?
& elle m'outrage? & elle m'iniurie? ie te
feray.

Cor. Que feras-tu vilain?

Sat. Ie te mangeray toute viue.

Cor. Et avec quelles dents, si tu n'en
as point?

Sat. O ciel, comment endurez tu cela?

A. F I D E L L E. 62 95
mais si ie ne t'en paye : sus, vien seulement.

Cor. Non feray, ie n'iray pas.

Sat. Tu ne viendras pas meschante?

Cor. Non en despit de toy, non.

Sat. Si feras, tu viendras, quand i'y deuroy laisser ces bras ci.

Cor. Non feray, ie n'iray pas quand i'y deuroy laisser ceste teste-ci.

Sat. Or sus, vrayemēt nous le verrons, qui a plus fort & plus tenant toy le col, ou moy les bras : tu y mets les mains, avec elles encore tu ne te pourras defendre, reuesche. *perueta*

Cor. Nous le verrons.

Sat. Ouy, vrayement.

Cor. Tire bien Satyre, Adieu romps toy le col.

Sat. O pauvre helast! ô la teste! ô les costes! ô l'eschine! ô quelle mauuaise cheute! à peine me puis-ie remuer, à peine me puis-ie leuer : est-il possible qu'elle s'en soit fuyee; & que la teste luy demeure ici: ô merueille inaccoustumee! ô Nymphes! ô Pasteurs! accourez & regardez l'estonnement magique de ceste-ci qui s'en est fuyee, & vit sans telle: qu'elle est legè-

re, qu'elle a peu de ceruelle? comment le sang n'en degoute-il point? Mais qu'est ce que ie voy? ô pauvre fol! ô pauvre sot! elle est sans teste? C'est toy qui est sans teste, & sans entendement. Qui vit iamaïs homme plus mocqué que toy? or regarde à ceste heure si elle à sçeu fuir, d'autant plus que tu la pensois tenir. *voilà* Sorciere pariure, ne te suffisoit-il pas d'auoir desguise ton cœur, ton visage, tes paroles, ton ris, & tes regards, si tu ne desguisois encor tes cheueux? Voila, Poëtes, voila l'or naturel, voila l'ambre pur que vous loüez tant. Rougissez maintenant de honte ingensez que vous estes, & rechantans vostre chanson, prenez pour suiet au lieu, l'art d'une impure & malicieuse enchanteresse, qui despoüille les sepulchres, & en desrobant les cheueux pourris & infets s'en attiffe *neffse* le chef, & le cache si bien, qu'elle vous a fait loüer ce qu'eussiez deu auoir plus en horreur que la perruque monstrueuse & serpentine d'une horrible Megere furie d'enfer. Amans sont ce pas là vos nœuds? *meschin* voyez & rougissez chetifs: & si comme vous dites, vos cœurs sont ici retenus,

F I D E L L E. 6^a 57
chacun pourra maintenant recouurer le
sien , sans tant de souspirs & de pleurs.
Mais que tarde ie plus à publier sa hon-
te & son infamie? Certes iamais ne fut
la perruque qui de tant d'estoilles fert
d'ornement au ciel, si celebre & renom-
mee, que ie rendray celle cy infame eter-
nellement , & plus encore celle qui la
portoit.

L E C H O E V R.

HElas! que grieve & mortelle
Fut bien la faute de celle
Qui cause de nostre mal
Monstra ce cœur desloyal
Ayant les loix offencees
Qu'Amour auoit prononcees:
Puisque des Dieux le courroux
S'en est allumé sur nous,
Et que les larmes yssantes
De tant d'ames innocentes,
Et tant de sang respandu
N'est point encore entendu.
Tant ceste foy columbine,
Tant ceste vertu diuine,
Source des autres vertus,

En reuerence est là sus:

Tant l'Eternel a de cure

De rendre nostre nature,

Et tous les hommes heureux

Dans les liens amoureux.

Vous qu'une soif violente

De thesauriser tourmente,

Et qui randez tout autour

De vos tresors nuit & iour

Comme les ames legeres

A l'entour des Cimetieres:

N'avez vous pas bien les yeux

Bandez, auaricieux,

Veue que l'Amour vous transporte

D'une beauté qui est morte?

Les richesses & thresors

Ce sont Amours qui sont morts:

Le vray Amour de nostre ame,

De l'ame à l'ame s'enflame.

Car obiet quelconque soit

Qui des Amours ne conçoit,

Certainement n'est pas digne

D'eschauffer nostre poitrine.

L'ame qui va contr'aimant

Est seul digne d'amant.

Que c'est chose delicate

Que d'une rose incarnate

Peinte en la rose au naif:
 Vn baiser aint au vif.
 Amans, troupe aventureuse,
 Qui sa douceur s'amoureuse
 Comme vous autres sçaura,
 Je gageray qu'il dira
 Que la beauté, qui baisée
 Ne rend la douce rosée
 D'un doux baiser qui endort,
 C'est un plaisir qui est mort.
 Mais les petites secousses,
 Mais les petites tremousses
 Et les petits coups mignards
 De deux courans fretillards
 Quand d'une douce escarmouche
 La bouche touche la bouche
 Et que l'Amour entre deux
 Pour se venger de tous deux,
 Décoche par amourettes
 Et l'une & l'autre sagettes:
 Ce sont baisers naturels,
 Les doux baisers qui sont tels,
 Où par une équité bonne
 Autant prend celui qui donne,
 Et par un iuste vouloir
 Chacun se rend le deuoir.
Baise bouche curieuse.

Ou la main delicieuse,
Ou le front ou le bouton
De l'un & de l'autre teton:
Si est-ce bouche declose
Que tu ne baiseras chose
Qui voise contrebaisant
Que la bouche en ce faisant:
Où les ames accourantes
L'une & l'autre se baisantes
De leurs soupirans esprits
Font animer ces rubis
Et si lon prestoit l'oreille,
On orroit vne merueille
De ces petits baisserots
Qui disent mille propos
Des auantures secrettes
De leurs douces amourettes,
Propos entr'eux reuelez,
Mais à tous autres celz,
Telle ioye est recueillie,
Ainçois plustost telle vie
L'une & l'autre ame ressent
Humainement s'unissant.
Les baisers qui se rencontrent
Par amourettes nous monstrent
Les doux abords animez
De deux cœurs aimans aimez.



ACTE TROISIEME.

SCENE I.



Myrtil.

Beau Printemps, ieunesse de
l'annee! tu repuples la terre de
fleurs, d'herbages, & d'amours,
tu retournes bien, mais les
iours heureux de mes ioyes ne retournēt
point. Tu retournes bien, tu retournes:
mais avec toy ne retourne autre chose.

qu'une imaginatiō ennuyeuse de la per-
 te de mon tresor. Tu es celuy qui estois
 ci deuant ainsi gentil, ainsi mignard:
 mais moy ie ne suis plus ce que i'estoy
 vn temps a esté, chery & agreable aux
 beaux yeux que i'aimoy. O douceurs
 d'Amour trop ameres, qu'il est bien plus
 dur de vous perdre, que regrettable de ne
 vous auoir eüs! O que l'Amour seroit
 heureux si ce plaisir ne se perdoit point,
 ou bien qu'en le perdant se perdist la
 memoire de la iouissance qu'on en a eüe!
 Mais si mes esperances ne sont cadu-
 ques, comme c'est tousiours leur coustu-
 me, ou si mon desir extrême n'esleue
 plus haut mes esperances que leur iuste
 vol ne requiert, ie verray aujourd'huy
 là belle qui est le beau Soleil de mes
 yeux, ie la verray ici arrester son pied
 fermé au triste son de mes souspirs: &
 ma pauvre veüe affamee d'un si long
 ieusne de ses beautez, se repaistra tout
 à son aise des douceurs de son beau visa-
 ge: ie verray ceste cruelle tourner sur
 moy ses yeux superbes, farouches au
 moins s'ils ne sont doux: si ie ne les trou-
 ue chargez de ioye, au moins seront-ils

girar
 flevi

si cruels qu'ils me pourront faire mourir. O iour en vain longuement attendu, mais bienheureux: si apres tant de plaintes, ie voy tourner dans ses lumieres le Soleil scrain de mes yeux. Mais Ergasto m'a ici enuoyé, où il m'a dit que se devoient trouver ensemble Corisque & la belle Amarillis, pour iouer au ieu de l'aueugle: toutesfois ie ne voy rien ici auengle, si ce n'est ma pauvre volonté, qui va sous l'escorte d'une autre chercher son iour, qu'elle ne peut trouver: mais ie crain fort que mon destin enuieux & dur au possible, n'y ait mis quelque empeschement. Ce long tarder me trouble fort.

Aux Amans assignez de leurs contentemens,

Vne heure, voire un rien, dure plus de cent ans.

Mais que sçait-on? peut estre suis-je arriué trop tard, & Corisque m'aura longuement attendu en vain, si ay-je esté assez soigneux de partir d'heure. Helas si cela est, ie ne veux plus viure.

ACTE TROISIÈME.

SCÈNE II.

*Amarillis. Myrtil. Le cœur des Nymphes.
Corisque.*

Am. **V**oilà l'aveugle.

Myr. La voilà à propos: ha veuë?

Am. Que tarde-t-on maintenant?

Myr. Ha! voix qui m'as blessé & guery tout ensemble.

Am. Où estes-vous? que faites-vous?
& toy Lisette, qui desirois tant le lieu de
l'aveugle, qu'attens-tu? & toy Corisque,
où es-tu allée?

Myr. On peut bien dire maintenant
que l'amour est aveugle, & qu'il a les
yeux bandez.

Am. Escoutez vous autres qui me con-
duisez, & me tenez par la main deçà, &
delà: quand nos autres cōpagnes seront
venueës, menez-moy loin de ces arbres, au
lieu qui sera le plus vuide, & me lais-
sant là seule au milieu, allez vous en en

la bande des autres, & m'environnant toutes ensemble, se commence le ieu.

Myr. Mais que fera-ce de moy? ie n'apperçoy point ici quelle commodité me peut arriuer de ce ieu qui puisse contenter mon desir: ie ne puis voir *Corisque* qui est ma *Tramontane*. Le ciel me vueille fauoriser.

Am. Vous voila donc venuës en fin. Et quoy, auez-vous deliberé de ne faire au iourd'huy autre chose que me bander les yeux petites folles que vous estes? or commençons donc.

Le Ch. Tu n'es point certes auengle

Monsieur l'Amour, ie le croy,

Mais le desir tu auengle

De cil qui se fie en toy.

Si tu n'as gueres de veuë

Encore plus despourueüë

Est ta poitrine de foy,

Monsieur l'Amour, ie le voy.

Auengle ou non, ie t'asseure

Que tu travailles en vain

De me penser à ceste heure

Faire tomber sous ta main.

Je m'eslargy, ie m'esloigne,

Car auenble, en ta besongne

Tu as les yeux plus aigus

Que ne les auoit Argus.

Quoy, ainsi auenble doncques

Tu m'empestres dans tes nœuds?

Je puisse mourir, si oncques

Tu me ratrapes en eux,

Fuy, iouë, fay bonne mine,

Je meure si tu m'affine,

Car tu ne scaurois iouër

Que tu ne vienne tuer.

Am. Vous vous esloignez trop loin:
vous vous tenez trop bien sur vos gar-
des: on peut bien s'enfuir, mais il faut
toucher auparauant: touchez moy, ap-
prochez vous seulement, & ie m'assure
que vous ne vous en irez pas libres.

Myr. O Dieux fouuerains que voy-ie?
où suis-ie au ciel ou en la terre? O Cieux!
est-il possible que vos tours ayent vne si
douce harmonie? est-il possible que vos
estoilles ayent vn aspect si gracieux?

Le Ch. Pour te iouier avec moy

Amour tu m'appelle à toy:

Et voila que ie t'attrappe.

Que ie iouë que ie frappe:
 Et cependant, à propos
 Je m'en fuy d'un pied dispos.
 A ton plaisir tu tournoyes:
 Mais malgré que tu en ayes,
 Monsieur l'Amour tu en as.
 Or fay ce que tu voudras,
 Puisque j'ay le cœur deliure,
 Tu perds le temps de me suivre.

Am. En bonne foy, Licoris, ie pensoy
 t'auoir prise, & ie trouue que ie n'ay pris
 qu'un arbre. le t'enten bien rire.

Myr. O Dieux, füssay-ie cet arbre heu-
 reux ! mais ne voy-ie pas Corisque qui
 est cachee entre ces buissons ? c'est-elle
 pour certain : ie ne scay pourquoy elle
 me fait signe, ie ne l'enten point, elle me
 fait pourtant signe encore.

Le Ch. Le cœur sauué de danger
 Rend bien le pied plus leger,
 Encore par tes blandices,
 Encore par tes delices
 Tu penje Amour me tenter,
 Tu penjes Amour m'enchanter.
Mais de nonnean ie retourne,

Je fuy, ie frappe, ie tourne,
 Et si jamais ne me prens,
 Toujours en vain tu m'attens.
 Puisque i'ay le cœur deliure,
 Tu perds le temps de me suivre.

Am. Fusses-tu arraché, maudit arbre,
 ie te prens toujours, combien qu'a t'es-
ne branler tu me sembles vn autre: & puis
 Elise ie ne t'auray pas franche à ce coup,
 pense que ie ne le croiray pas.

Myr. Et Corisque ne cesse encore de
 me faire signe, voire en façon qu'elle
naue semble me tancer: voudroit-elle point,
 peut estre que ie me melasse au milieu
 de ces Nymphes?

Am. Le doy donc iouïr tout aujour-
 d'huy avec des arbres?

Cor. Il faut que ie parle malgré moy,
es & que ie sorte de mon cachot. Pren la
 couïard que tu es: qu'attens-tu qu'elle te
va couue entre les bras? & laisse toy au
 moins prendre: sus, baille-moy ce dard,
 & luy va au deuant, folastre.

Myr. O dieux; que nostre ame s'accor-
 de mal avec nostre desir: si peu de har-
 diesse a le cœur qui desire tant.

Am.

Am. Pour ce coup ci seulement qu'on
retourne au ieu, car ie suis desia lasse : en
bonne foy vous estes bien mauuaise de
me faire tant courir.

Le Ch. Ceste belle deité
A qui le monde assorté
Iniustement tributaire,
Faisoit hommage n'aguerre
Te voila, monsieur l'Amour,
Que lon te bat à ton tour,
Voila qu'on te fait la guerra,
Qu'on t'assaut, qu'on te reserre.
A la cheueche pareil *nouua*
Qui aux rayons du Soleil
Fascheusement esblouye
Ne voit la trouppes ennemie
De mille oyssillons diuers
Qui à tors, qui à trauers,
Par vne vieille querelle
Luy font la guerre mortelle:
Elle rebeque souuent:
Mais eil' n'atteint que le vent.
Et vainement se redresse,
Car elle y perd son adresse.
Ainsi de chaque costé,
Amour tu es bequeré:

Qui le dos, qui le visage,
 Qui le bras, qui le plumage,
 Et ne te sert à propos
 Le double honneur de ton dos.
 Tel ieu plaisant nous semble estre
 Qui de sa glus nous empestre.
 A son domnage l'apprend
 Le pauvre oiseau qui s'y prend,
 Celuy l'amour ne fuit guere
 Qui en ioiuant luy fait chere.

ACTE TROISIEME.

SCENE III.

Amarillis. Corisque. Myrtil.

EN bõne foy ie t'ay attrapee Aglaure: tu t'en veux fuir, ie t'estreindray si ferme.

Cor. Certes si à l'impourueu ie ne l'eusse poullé si fort sur elle, i'auoy tra-uailé en vain de le faire aller là.

Am. Tu ne dis mot, est-ce toy-mesme, ou si ce n'est pas toy?

Cor. Je m'en vay mettre ici son dard, &

me recacher derriere mon buisson pour voir ce qui en arriuera.

Am. le te cognoy bien à ceste heure, tu es Corisque qui es si grande, & sans perruque : le ne vouloy autre que toy pour te donner des coups de poing à mon plaisir: tien en voila vn, tien en voila encor va autre : & cestuy-ci, & puis cestuy-là. Tu ne parles point encore? Si tu m'as liee, deslie-moy au moins: depesche toy mon petit cœur, car ie te veux donner le plus beau baiser que tu receus iamais. Que tardes-tu ? il semble que la main te tremble: es tu si lasse ? mets y les dents, si tu ne peux avec les ongles. *O melenta* que tu es mal habile ! laisse, laisse moy faire, i'en viendray bien à bout, voy de combien de nœuds, tu m'auois liee si estroit, si ce peut estre vne fois à toy d'estre l'aveugle: me voila desbandee. Ha que voy-ie, laisse moy meschant. Mon Dieu ie suis morte.

Myr. Ne te trouble point, ma chere ame.

Am. Laisse moy, te di-ie, laisse moy: est-ce ainsi qu'on force les Nymphes? Aglaure, Elise : ha mauuaises où estes

A L E B E R G E R 3^e
vous laissez moy, meschant.

Myr. Et bien ie te laisse.

Am. Voici des finesses de Corisque.
Or va, emporte ce que tu as eu de moy.

Myr. Où fuis-tu cruelle ? regarde au moins ma mort, voy comme ie me perce le cœur de ce dard.

Am. Ah, que fais-tu ?

Myr. Ce que peut estre Nymphe cruelle, tu es mariée qu'un autre face pour toy. *Ce 6^e acte*

Am. Ah, ie suis presque morte!

deue. Myr. Si à cet ceure ta main est requise, voila le dard, voila la poitrine.

Am. Cela te seroit bien deu certes: qui t'a fait prendre telle hardiellé ? presumptueux.

Myr. Amour.

Am. Amour n'est point cause de chose deshonneste.

Myr. Estime cependant qu'il y a eu de l'Amour en moy, ayant esté si respectueux. Que si tu m'as pris la premiere, tant moins ay-je merité d'estre outragé de toy, que plus i'ay eu d'occasion d'estre hardy en vne si belle commodité. Car lors qu'il m'a esté loisible d'vser enuers

toy des loix d'amour, i'ay esté neant-
moins si discret que i'ay presque oublié
que i'estoy Amant.

Am. Ne me reproche point ce que
i'ay fait, aueugle.

Myr. Certes ie suis d'autant plus aueu-
gle que toy que plus ie te suis affection-
né.

Am. Les discrets seruiteurs vsent vers leurs
maistresses

De priere & d'attraits, non d'embusches trai-
sresses.

Myr. Comme vne beste sauvage chas-
sée de la faim sort du bois, & se iette sur
le passant: Ainsi moy, qui ne vis que du
seul rayon de tes beaux yeux, puis que la
cruauté, ou plustost mon destin me denie
ma desirée viande, si pauvre affamé
amant ie suis sorty des bois, où il y a si
long temps que ie iensne, & ay pris pour
me sauuer la vie & le moyé que la neces-
sité d'amour m'a offert, ne m'en donne la
faute: cruelle Nymphe, donne là plustost
à toy mesme. Que si, comme tu as dit, on
est seulement discret en amour vsant de
prières & attraits; que tu n'entendis onc-
ques de moy: ie puis bien dire avec rai-

114 *A L E B E R G E R* *B.*

son que tu as esté l'occasion seule qui m'a empesché de l'estre par ta fuite & rigueur.

Am. Tu pouuois estre assez discret ne poursuivant celle qui te fuyoit : tu sçais bien que ta me poursuis en vain : que veux-tu de moy ?

Myr. Qu'au moins vne seule fois tu me vueilles escouter auant que ie meure.

Am. Cela te vient donc fort à propos, puis que tu as obtenu ceste faueur parauant que l'auoir requise. *uol'en.*

Myr. Ah Nymphe : ce peu que ie t'ay dit à peine est ce vne goutte de la mer infinie de mes pleurs, hélas ! si ce n'est de compassion escoute au moins pour ton plaisir, Nymphe cruelle, les derniers souspirs d'un miserable qui veut mourir pour ton amour.

Am. Pour te releuer de peine & moy d'ennuy, ie suis contente de t'escouter, mais à condition que tu ne tiendras ton propos long, tu te retireras soudain, & ne retourneras plus vers moy.

Myr. En trop petit faisseau, Nymphe cruelle, tu me contrains de reserrer mon

A F I D E L E. *B* *M*
amour immense, que si elle pouuoit mes-
surer par vn esprit humain, à peine la
pourroit comprendre tout ce que peut
comprendre l'esprit humain: car iet'ai-
me, voire plus que la vie: si tu ne le
sçais, crûelle, demandes le à ces bois, ils
te le diront; & avec leurs bestes sauua-
ges, ces souches dures, & les rochers de
ces rudes môtagnes que i'ay tant de fois
amolies au tritte son de mes complain-
tes. Mais que me sert, ma belle Dame,
de rechercher tant de tesmoins de mon
amour, où il y a vne beauté si grande?
Voy tout ce qu'a de beau le ciel & la
terre & le ramasse tout en vn, tu verras
facilement de quel lien de nécessité mon
ardeur est contrainte. Car comme l'eau
de sa nature descend, le feu monte au
contraire: l'air est mobile, la terre sta-
ble: le ciel tournoyant: ainsi naturelle-
mēt mes penfers s'enclinent à vous cō-
me à leur bien: & mon ame accourt de
tout son courage à vos beautez aimees:
& qui la penseroit destourner du bel ob-
iet d'icelles, il destourneroit plustost le
ciel, la terre, la mer, l'air & le feu de
leur cours ordinaire, voire arrache-

roit plustost l'vniuers de son siege. Mais,
ô cruelle, puisque tu commandes que ie
die peu, ie diray peu certes si ie dy seule-
ment que ie meurs, & me sera peu de
mourir au regard de l'infidelité des tour-
mens que tu me souhaites. Mais ie feray
ce seul qui me reste, aimant si misera-
blement. Mais apres men trespas, ame
cruelle, auras-tu pitié de mes peines?
Helas! ma belle & chere dame, douce oc-
casion de ma vie, quand il a plu à Dieu:
tourne vne fois, tourne vne fois, ces bel-
les estoilles brillantes aussi tranquilles
& pitoyables, que ie les vis oncques auant
que ie meure, & le mourir me sera doux.
Certes il seroit bien conuenable que ces
beaux yeux qui furent vn temps doux
signes de ma vie, le soient maintenant de
ma mort: & que ce doux regard qui m'a
monstré le chemin à aimer, me montre
celuy de la mort. Aussi q̃ ce fust l'estoil-
le mon poinct du iour soit le Vesp̃e
de mon iour couchant. Mais toy plus
dure que iamais tu ne ressens point en-
cor la moindre estincelle de pitié, ains
au contraire tu t'enaigris plus ie te prie.
Quoy? tu m'escoutes d'oc ainsi sans par-

ler? A qui parle-ie malheureux, à un
marbre muet? si tu ne me veux dire au-
tre chose, di moy pour le moins, meurs:
& tu me verras mourir. Ceste-ci est bien
(ô cruel Amour) l'extrême des misères
que ceste cruelle Nymphé si desiréuse de
ma fin, de crainte que ma mort ne me
soit vne faueur d'elle, me le denie, ne me
respond point & desdaigne mesme me
presenter à la mort le glaiue d'une ^{ami}eu- ^{colle}
le cruelle voix de sa bouche.

Am. Si ie t'auby ei deuant aussi bien
promis de te respondre, cōme t'ay pro-
mis d'esconter, tu aurois quelque iuste
raison de te plaindre de mon silence. Tu
m'appelles cruelle, imaginant peut estre
que de ma cruauté reprochee il te sera ^{impro}
facile de m'attirer à son contraire effet,
& tu ne iuges pas que le son ehatoüil- ^{usings}
leux qui me touche l'oreille des loüan-
ges de beauté que ie merite si peu, &
encore moins ne me sont à beaucoup
pres si agreables, cōme de m'ouyr ap-
peller cruelle. Je ne nie point qu'à vne
autre ce ne fust offente d'estre cruelle:
mais c'est vertu en vne amante. Car ce
que tu appelles cruauté en vne Dame,

c'est son vray hōneur: Mais soit comme
 tu voudras blasme ou offence à vne Da-
 me d'estre cruelle à son Amant: Quand
 est-ce que t'a esté cruelle Amarillis?
 Fut-ce point lors parauenture, que c'eust
 esté belle iustice de n'auoir eu pitié de
 toy? & toutesfois ie l'eu lors qu'en vne
 troupe de filles, amant affronté que tu
 estois tu te fourras au milieu d'elles en
 habit desguisé, souillant les passetemps
 honnestes de nostre belle compaignie!
 osant bien tant que de messer des baisers
 lascifs aux saints baisers de nostre bāde:
 la souuenance mesme m'en fait rougir:
 mais le ciel m'est tesmoin que ne te co-
 gneu pas alors, & apres l'auoir sçeu i'en
 fus marrie extrêmement. le garday au
 surplus mon ame nette de toutes ces vi-
 lanies, & empeschay bien que le venin
 amoureux ne me gagnast le cœur: car en
 fin tu ne baisas que la sommité de mes
 leures.

*Bouche baisée, à force en crachant le bai-
 ser,*

*Amortie tout le mal qu'on voudroit suppo-
 ser.*

Mais di moy vn peu en ton adais, quel

fruit tu eusses recueilly de ton larcin temeraire ? ah ie t'eusse descouuert à ces Nymphes, iamais sur l'Hebre, le pauvre Orphee ne fust si cruellement desmembré & meurdry par les Dames de Thrace, comme tu l'eusses esté d'entre-elles, si tu n'eusses esté secouru de la pitié de celle que maintenant tu dis si cruelle, mais elle ne l'est pas tant qu'elle deuroit : que si tu es si temeraire lors que ie te suis ainsi cruelle, que seroit ce de toy si i'estoy pitoyable ? L'honneste pitié que i'ay deu auoir de toy, ie l'ay eüe : tu perds ton temps de la demander, ou de l'esperer d'autre façon.

*Pitié d'amour mal à propos à celle
Qui la donnant, n'en trouue point pour elle.*

Si tu m'aimes, aime mon honneur, aime ma vie : tu es trop loin de ce que tu desires. Le ciel le deffend, la terre le gar- *prohib*
de, la mort le vange : mais plus que nul autre & d'un rempart plus fort, mon honneur le deffend.

*Vne belle ame auroit grand creue-cœur
D'auoir pour garde autre que son honneur.*

C. F I D E L L E. B. 111
Am. Comment, il n'y a donc point de remede à ton mal?

Myr. Il n'y a remede que la mort.

Am. La mort? viença, pren ce propos, & fay que ces paroles te seruent de loy, bien que ie sçache, que

Le mourir des amans est pluslost vn vsage
Dont la langue amoureuse enrichit son langage:

Q'un desir violent d'enfermer au tombeau
Le regret d'un amour esclos tout de nouveau.

Neantmoins, si d'aventure vn desir si estrange te venoit en l'esprit, fay estat que ta mort ne feroit pas moins de mon honneur que de ta vie: vy donc, & m'aime: va t'en, ce me sera d'ici en auant vn signe tout clair que tu sois sage, si tu te gardes tant que tu pourras de ne te trouver plus deuant moy.

Myr. O cruelle sentence! comment puis-ie viure sans ma vie, & comment sans mourir aussi puis-ie donner fin à mon tourment?

Am. Or sus, Myrtil, il est temps que tu

III. A L E B E R G E R. *β.*

t'en vois : tu as encor demeuré trop long temps : va console toy, la bande des infortunéz amans est infinie. Il y a bien d'autres que toy, Myrtil, qui vivent en douleur.

*Tu n'es tout seul en ton malheur,
Chaque coup porte sa douleur.*

Myr. Je ne suis pas seulement entre les amans infortunéz, mais vn triste exemple des viuans & des morts, ne pouvant ni viure ni mourir.

Am. Or sus, parts desormais.

Myr. Ah triste depart ! ah fin de ma vie ! ie departs donc de vous, & ne meurs point ? Certes, i'esprouue les effans de la mort, & sens à ceste separation vn certain mourir viuant qui donne vie à ma douleur, pour faire que mon cœur meure immortellement.

ACTE TROISIEME.

S C E N E I I I I.

Amarillis.

MYrtil, Myrtil (ma chere vie) si tu pouuois voir là dedás le cœur d :

ceste miserable, que tu nommes, cruelle
 Amarillis, tu aurois d'elle la pitié mes-
 me que tu luy demandes, ie le sçay bien.
 O ame en amour infortunee! que te
 profite d'estre aimé, mon cœur? Que me
 profite à moy d'auoir vn tel amant?
 Cruel destin, pourquoy nous des-vnis
 tu, si l'amour no^e estreint? Cruel amour,
 pourquoy nous estreins-tu, si le ciel
 nous separe? Que vous estes heureuses,
 vous autres bestes sauuages, à qui nature
 n'a imposé autre loy en amour, que l'a-
 mour mesme! O inhumaine loy humai-
 ne, qui donnes la mort pour peine l'a-
 mour? Helas! si la faute est si douce &
 n'offencer si necessaire: ô trop vraye-
 ment imparfaite nature, qui repugnes
 à la loy, ô loy aussi trop rigoureuse qui
 offences tât la nature! Mais certes celuy
 n'aime guere qui craint de mourir pour
 celuy qu'il aime. Pleust à Dieu (mon cher
 Myrtil) que la seule mort fust la ven-
 geance de ce peché. O saint hōneur qui
 es seul la loy des ames genereuses, ie te
 consacre pour victime mon amoureuse
 volonté, que j'immole deuant toy du
 cousteau de ta rigueur sainte. Et toy,

Myrtil, mon cœur, pardonne à celle qui ne t'est cruelle que pour ne te pouvoir estre pitoyable pardonne à ceste tienne, de parole, & de seul semblant rigoureuse ennemie, mais au surplus au cœur trespitoyable amie. Que si tu as desir de te venger, hé! quelle vengeance pourrois tu prendre que ta douleur propre? Car si tu es mon cœur, cōme tu l'es veritablement malgré le ciel, malgré la terre, tu pleures maintenant, tu souspires, mais ces larmes que tu verses, c'est mon sang: & ces souspirs, l'esprit que ie respire. Les peines & douleurs que tu sens sont mes tourmens, non pas les tiens.

ACTE TROISIEME.

SCENE V.

Corisque. Amarillis.

NE te cache ià d'auantage, ma sœur.

Am. Ah pauvre, ie suis desconuette!

Cor. J'ay tout entendu, ne l'ay- ie pas

Bien deviné? ne te disoy- ie pas bien que tu aimois? à present r'en suis bien certain: tu te gardes de moy? tu me le caches, à moy qui t'aime tant? n'en rougis point, n'en rougis point, c'est vn mal commun.

Am. Je suis vaincuë, Corisque, ie le confesse.

Cor. Tu me le confesses maintenant pour ce que tu ne le peux nier.

Am. Helas! ie m'apperçoy bien maintenant que le cœur debile est vn ruisseau trop reserré pour l'amour trop precipitant.

Cor. O trop cruelle à ton Myrtil, mais encor plus à toy mesme!

Am. N'appelle cruauté,
Ce qui naist de bonté.

Cor. On ne vit iamais naistre l'Aconit ni la Ciguë d'une racine salubre; mais quelle difference y a-il entre la cruauté qui offence, & la pitié qui ne secourt point. Helas?

Cor. Le soupirer, ma sœur, n'est qu'une lâcheté de cœur: le propre verita-

blement des femmes qui n'ont point de courage.

Am. Ne seroy-je pas plus cruelle si ie nourrissoy en luy vn amour sans espoir? Le fuir est vn signe que i'ay compassion de son mal, & du mien.

Cor. Pourquoy sans espoir?

Am. Ne sçais-tu pas bien que ie suis promise à Siluio? ne sçais-tu pas bien que la loy condamne à mort toute fille qui auroit violé sa foy?

Cor. O simple que tu es! & autre chose ne t'arreste que cela? qui est plus ancien entre nous la loy de Diane, ou celle d'Amour? teste-ci (Amarillis) naissent nos cœurs, croist avec l'aage: on ne l'apprend point, on ne l'enseigne point: mais la nature mesme sans aucun maistre, de sa main propre l'imprime dans nos cœurs: & où elle commande, il faut que le ciel obeisse, non pas seulement la terre.

Am. Soit. Mais si telle loy m'ostoit la vie, celle d'amour ne me secourroit pas.

Cor. Tu regardes de trop pres: si toutes les femmes te ressembloient, si elles auoient toutes ces considerations, on

pourroit bien dire, Adieu bon temps. Amarillis, j'estime celles qui sont peureuses suettes à ceste loy, elle n'a point esté faite pour celles qui sont aduisees. Si l'on faisoit mourir toutes celles qui en seroient coupables, le pays demeureroit sans femmes, croy moy : & si les fortes y tombent, c'est bien raison que le larcin soit deffendu à qui ne le sçait courir finement. Car en fin l'honneur n'est rien autre chose, qu'une apparence de sembler honneste, chacun en croye ce qu'il voudra, quant à moy ie le croy ainsi.

Am. Corisque m'amie, tout cela sont paroles.

Ce qu'on ne peut garder, faut le laisser soudain. }

Cor. Et qui t'en empesche pauvre folle? Certes nostre vie est trop courte pour la passer avec vn seul amour, & les hommes sont trop auares, il le faut dire veritablement (soit de leur deffaut ou de leur cruauté) des graces que le ciel leur depart : car fay ton conte que nous ne sommes prisees, ni agreables, sinon entant que nous sommes belles, & ieunes : ostee la beauté, ostee la ieunesse,

Si nous demeurons comme ruches sans
rayons & sans miel, troncs arides dont on
ne fait conte. Laisse dire les hommes,
Amarillis: pource qu'ils ne ressentent
point la milliesme partie des incommoditez
qu'ont les femmes: leur condition
est trop differente de celle d'une pauvre
femme. Plus l'homme atteint l'aage, plus
il devient parfait, & s'il perd la beauté,
l'entendement luy croist. Mais nous autres
avec la beauté, & avec la jeunesse, par
lesquelles si souvent l'entendement des
hommes & leur puissance est domptee,
tout nostre bien nous manque: & ne se
peut dire ou longer chose plus vile &
ridicule qu'une femme quand elle est
vieille. Or paravant que tu parviennes à
cette nostre misere commune, recognoy
vn peu ta valeur, & ton merite. Si la
vie t'est donnee à droit, n'vse point à
gauche de ses faueurs. Que seruiroit au
Lyon sa ferocité naturelle s'il n'en vsoit
point? Que profiteroit à l'homme son
bel esprit s'il ne s'en seruoit à propos?
Vsons aussi de nostre beauté qui nous est
vettu propre, comme la force au Lyon &
l'entendement à l'homme; pendant que

2. F I D E L L E. 129
nous l'auons. Esbatons-nous, ma sœur,
esbatons nous.

Le temps vole tousiours, & la suite de
l'age
Repare incessamment des vieux ans le dom-
mage.
Mais quand nostre ieunesse vne fois se froi-
dit,
Iamais plus sa beauté çà bas ne reuerdit:
L'amour non l'amoureux, apres l'age cadu-
que
Peut bien voir reblondir le poil de sa perru-
que.

Am. Je croy, ma sœur, que tu parles de
la sorte plustost pour me têter, que pour
me dire ce qui t'en semble: partant esti-
me que si tu ne me monstres vn facile
moyen qui sur tout soit honneste pour
empescher ces nopces, sçache, Corisque,
ma bonne amie, que i'ay plustost resolu
de mourir que de faire breche à mon
honneur en la moindre façon du mon-
de.

Cor. Je ne vy iamais fille plus obstinee
que ceste-ci. Puis que tu es resoluë à ce-
la m'y vbi là aussi preste. Di moy vn peu

Amarillis, penſes-tu que ton Siluio ait autant d'eſgard à ſa foy, comme tu as à ton honneur?

Am. Tu me fais bien rire vraiment: & comment Siluio aimeroit-il la foy, ſ'il eſt ennemy d'amour?

Cor. Siluio ennemy d'amour? vraiment tu es bien ſimple: tu ne le cognois pas encore: il ſçait faire & ſe taire, iete le puis bien dire: ces ames ſi reueſches ne te ſie iamais là. *ſchifa*

*Larcin n'eſt en amour plus ſecret ni plus ſeur,
Que celui qui ſe fait ſous le voile d'honneur.*

Tu ſçauras donc que Siluio aime, mais ce n'eſt pas toy, ma ſœur.

Am. Qui eſt, iete prie ceste belle Deefſe? car ce ne peut eſtre vne femme mortelle qui l'ait rendu amoureux.

Cor. Ce n'eſt ni Deefſe, ni moins vne Nymphé.

Am. O que me contes-tu!

Cor. Cognois-tu ma Liſette?

Am. Qui? Liſette ta bergere?

Cor. Elle meſme.

Am. Dis-tu vray, Coriſque?

Fi D E L L E. S^a 131
Cor. C'est elle mesme, c'est son ame.

Am. Vrayement le voila bien pourueu, pour estre si difficile, & de fort belles amours!

Cor. Sçais-tu comme il en est rany & en meurt? tous les iours il fait semblant d'aller à la chaise.

Am. Tous les matins ie ne faux point sur l'aube du iour d'entendre sa maudite trompe.

Myr. Et luy sur le Midy, lors que chacun est plus eschauffé à la besongne, il se desrobbe de ses compagnons & vient seulet en mon iardin, par vn chemin qui n'est point battu, ou à trauers les ouuertes d'une haye qui l'enclost, elle est là qui escoute ses souspirs ardens, & ses amoureuses prieres: & puis me les conte, & s'en prend à rire. Mais oy vn peu ce que i'ay songé de faire, ou plustost ce que i'ay de sia fait, pour te faire seruite. le pense que tu sçais assez que la mesme ley qui obligo la femme à garder la foy à son espoux, ordonne pareillement que si l'espoux est surpris en acte de desloyauté, don luy puisse desnier malgré ses parens l'espouse qu'on luy a

promise, & qu'après honnestement elle se peut pouruoir de seruiteur.

Am. Je sçay fort bien tout cela, & en ay veu plusieurs exemples : Leucippe à Ligurio, Egle à Licotas, & Armille à Turingue : tous surpris en desloyauté, toutes furent quittes de la foy qu'elles leur auoient donnée.

Cor. Or entens moy. Lisette ainsi de moy aduertie a donné ordre avec ce ieune & peu aduisé amoureux, qu'ils se trouueront auionrd'huy tous deux ensemble dans la cauerne, dont il est le garçon le plus content du monde : & n'en attend que l'heure : ie veux que tu l'y surprennes : ie seray quand & toy pour tesmoin de tout : car sans cela tout ne seruiroit de rien, & ainsi tu seras quitte de ce fascheux lien, sans peril, & avec ton honneur, & celuy de ton pere.

Am. O que tu as bien aduisé, *Coris-*
que. Qu'est-il maintenant question de faire? *Or che ci velle.*

Cor. Ce que tu entendras presentement, *pre-*
prends bien garde à ce que ie diray. Sur le milieu de l'autre, qui est de forme assez longue & estroite, sur la main droite il

y a vne certaine petite cauerne que ie ne
 ſçauroy dire, ſi elle eſt faite ainſi de na-
 ture, ou par artifice, laquelle eſt reueſtue
 tout autour de lierre, à qui vn certain
 petit trou qui vient d'enhaut donne la
 clarté, retraite aſſez agreable: & aux lar-
 cins d'amour fort cômode. Or ſay que
 preuenant ces amans, tu te caches là &
 attens leur venuë, i'enuoyeray cepen-
 dant ma Liſette, puis ſuiuant de loin les
 pas de Siluio, ſi toſt que ie le verray deſ-
 cendu dans la cauerne, y entrant incon-
 tinent ie le ſaiſiray afin qu'il ne fuye, &
 par meſme moyen (car c'eſt ainſi que
 i'en ay deuſé avec elle) ie feray avec Li-
 ſette vn grand vacarme, auquel tu ac-
 courras ſoudain, & ſelon la couſtume tu
 t'aideras de la loy contre Siluio, & puis
 tous deux enſemble nous nous en irons
 avec Liſette au grand preſtre. Ainſi tu
 rompras le mariage.

Am. Deuant ſon pere?

Cor. Qu'importe cela? penſes-tu que
 Montan vueille preferer ſa commodité
 priuée au bien public? les choſes proſa-
 nes aux ſacrées?

Am. le m'en vay donc les yeux bon-

le mal chez me laisser garder à toy, ma fidelle guide.

Cor. Ne tardes plus, entre là dedans, mon bien.

Am. Je veux premierement aller au temple pour adorer les Dieux.

*Heureuse fin n'a jamais vne emprise,
Que de là haut le ciel ne la conduise.*

Cor. Amarillis, vn cœur deuotieux
Trouue son temple à prier en tous lieux.

Tu perdras trop de temps.

Am. On ne perd temps de faire son of-
frande

*Au Souuerain, qui mesme au temps com-
mande.*

Cor. Va donc, & reuien viste. Or si ie
n'abuse point, ie suis en fort beau che-
min, seulement m'ennuye ceste demeure:
peut-estre me pourroit-elle encore bien
aider. Il me faut ourdir vne nouvelle
raison thence: ie veux aller faire accroire à Co-
ridon mon amant, que ie me veux trou-
uer avec luy, & l'enuoyeray dans le mes-
me lieu vn peu apres Amarillis: & à

par vn certain petit sentier que tout le monde ne sçait pas, ie feray venir les ministres de Diane pour la surprendre, laquelle sans doute comme coupable sera condamnée à la mort. Ainsi morte ma corruale, ie n'auray plus rié qui m'empesche pour me rendre Dame de mon Myrtil, qui m'est cruel à cause d'elle. O que le voici à propos! ô comme il vient à bonne heure! Je m'en vay le tenter vn peu pendant qu'Amarillis m'en donne le loisir. Amour me monte tout en la langue & dessus le visage.

ACTE TROISIEME.

SCENE VI.

Myrtil. Corisque.

Oyez esprits explorez des enfers,
oyez vne nouuelle sorte de peine,
& detourmens: voyez vn desir cruel sous
vne apparence pitoyable: ma Nymphé
plus que l'enfer cruelle, pource qu'une
seule mort ne peut rendre assouvi.

son insatiable desir, sçachant que ma vie estoit vne perpetuelle mort, me commande de viure, afin que ma vie soit chaque iour la retraite de mille morts.

Cor. Je veux faire semblant de ne l'auoir veu. l'oy autour d'ici vne voix douloureuse & plaintiue, mais ie ne sçauroy dire de qui c'est. Seroit-ce bien toy, mon Myrtil?

Myr. Fussy- ie aussi bien vne ombre *le* vaine, ou vn peu de poulliere!

Cor. Et bien comment t'es-tu porté depuis que tu as deuillé si long temps avec ta maistresse?

Myr. Comme vn malade alteré qui a desiré long temps le boire. descendu s'il y arriue vne fois, le pauvre et qu'il est, boit la mort, & esteint sa vie & sa soif tout ensemble. Ainsi moy de mesme, malade si long temps, tout consommé, & brulé d'une soif amoureuse, i'ay beu en deux belles fontaines, qui des veines pierreuses d'un cœur endurci distillēt de la glace, vn venin: & ay plustost esteint ma vie, que ce grand desir que i'auoy.

Cor. Mon cher Myrtil, Amour n'a sur nous puissance qu'entāt que nos cœurs

Iuy en veulent bailler. Car tout ainsi que l'ourse forme de sa langue son petit qui n'auoit point de forme auparauât: Ainsi l'amoureux formant son desir qui à sa naissance estoit infirme, & informe, il en fait naistre l'Amour, qui naissant comme vn petit enfant delicat, pendant qu'il est tel en nous, il est doux & traitable, mais s'il vient trop à croistre, avec le temps il deuiet rude & fascheux. Enfin, Myrtil, vne affection enuieillie se fait peine & defect: que si nostre ame se vient vne fois amasser en vne seule pensee, & s'arreste trop en icelle, l'amour qui ne deuroit estre qu'vne pure ioye, qu'vne pure douceur, se fait melancolie, & qui pis est, cause la mort en fin, ou du moins vn transport d'esprit.

*Partant l'homme qui veut en amour estre sage,
Doit changer bien souvent & se monstresr
volage.*

Myr. Premier que ie change de volonte, i'eschangeray ma vie à la mort: pour ce que la belle Amarillis telle qu'elle est, cruelle & rigoureuse, est ma seule vie & celle malle cornobelle ne scait.

A. L. E. B. E. R. G. E. R.
 roit soustenir plus d'un cœur ni d'une
 ame.

Cor. Pauvre berger, que tu sçais mal
 user d'Amour ! Aimer qui me hayroit ?
 suiure qui me fuyroit ? j'aimerois mieux
 mourir.

Myr. Corisque m'amie, comme l'or
 s'affine dans la fournaise, ainsi la foy à la
 douleur : & la constance amoureuse ne
 peut se monstrer invincible que par le
 moyen de la cruauté. Au moins ay-je
 cette consolation au milieu de tant de
 douleurs, soit que mon cœur brûle, soit
 qu'il languisse, soit qu'il meure, que les
 souspirs & les douleurs luy seroient legeres
 pour une si belle occasion. Plustost se
 dissoudra ma vie que le nœu de ma foy,
 & me sera moins grief de perdre la vie
 que de changer de volonté.

Cor. O la belle entreprise ! ô l'amant
 valeureux ! comme une beste obstinée,
 comme un rocher insensible, opiniastre
 & reuesche.

*On ne sçauroit trouver peste plus dangereuse,
 se,
 Ni venin plus mortel à une ame amoureuse.*

Que ceste loyauté, & a bien peu de cœur.
 Qui se laisse piper à ce monstre d'erreur, ingannare
 Que les plaisirs plus doux que l'amour nous
 ameine,
 Trouble importunément d'une constance vaine.

Di moy vn peu amant avec ceste folle
 vertu de constance, que c'est que tu peux
 aimer en celle qui te mesprise. Est-ce la
 beauté qui n'est à ton commandement?
 est-ce la ioye que tu n'as pas? est-ce la
 pitié que tu sospires, ou la faueur que
 tu n'esperes? En fin si tu le viens à consi-
 derer, tu n'aimes rien que ton tour-
 ment, & que ta mort. Es-tu tousiours si
 forcené de vouloir aimer sans estre ai-
 mé? Sus, sus, Myrtil, reprend tes esprits,
 recognoy toy toy-mesme, Des amours
 te māqueront; pense: tu crains peut-estre
 ne trouuer aucune qui te cherisse, & qui
 face estime de toy!

Myr. Il m'est cent fois plus agreable de
 peiner pour Amarillis, que de iouyr de
 mille autres. Et si mon destin s'oppose
 à ma iouissance, meure auourd'huy
 tout plaisir pour moy: moy viure heu-
 reux pour vne autre nymphe: pour d'au-

tres amours ? Le voulant ie ne le pour-
roy, & le pouuant ie ne le voudroy : &
s'il se pouuoit faire que si apres le vou-
lust mon vouloir, ou mon pouuoir le
peust, ie prie le ciel, & l'Amour que
plustost me soit tout vouloir, plustost
me soit tout pouuoir osté.

Myr. Corisque.

Mér. *Qui n'espere pitié, ne craint aucun tour-
ment.*

Cor. Ne t'abuse point, Myrtil : par auen-
ture ne crois pas encore que ce soit à
bon escient qu'elle ne t'aime point, que
ce ne soit point à bon escient qu'elle te
mesprise. Helas ! si tu sçauois ce qu'elle
dit de toy quand nous sommes en-
semble.

Myr. Tout cela sont autant d'amou-
reux trophées de ma foy : ie triomphe-
ray avec icelle du ciel & de la terre, de
sa rigueur & de mes peines, du destin
& de la fortune, du monde & de la
mort.

Cor. Que feroit bien cestui-ci s'il se
pensoit estre fort aimé d'elle ? ô que i'ay
grand pitié, Myrtil, de ceste tienne fo-
lie ! Di moy, n'as tu oncque aimé d'autre

Myr. Le premier amour de mon cœur a esté la belle Amarillis, & la belle Amarillis sera le dernier.

Cor. A ce que ie voy donc, Myrtil, tu n'as iamais gousté d'Amour sinon facheux & rude, ô si vne seule fois tu l'aurois esprouué doux & amiable: Esprouue-le vn peu, esprouue-le vn peu, & tu verras combié c'est chose douce de iouir d'une courtoise amante, qui t'adore autant pour le moins que tu scaurois faire la rigoureuse Amarillis. Que c'est chose douce, bons Dieux, n'auoir pas moins de iouissance qu'on a d'amour: ni moins d'amour qu'on en desire! apperceuoir que ta maistresse souspire chaudement à tes ardans souspirs, & vienne à dire: O mon bien, tout ce que ie fais, tout ce que tu vois est à toy. Si ie suis belle, ie suis belle à toy seul: Pour toy seul ce visage, cet or, & ce beau sein prennent plaisir de se parer. En cette poitrine-ci, mon petit cœur, tu loges, non pas moy. Mais ce n'est encores qu'un petit ruisseau au respect de la grand mer de douceurs qu'amour fait sentir: que celuy ne

142 *A. LE BERGER*
peut exprimer qui ne les a jamais gou-
stées.

Myr. O mille & mille fois heureux
qui naist sous telle constellation!

Am. Escoutez moy, Myrtil (à peu que
n'aye dit mon ame) vne certaine Nym-
phe entre toutes celles qui desployent
au vent leurs tresses, autant digne de ton
amour que tu scaurois estre du sien, hon-
neur de ces bocages, affection de tous
les cœurs, & des bergers plus braues
qui soiēt ici en vain aimee & pour suiuiue,
t'adore toy seul, t'aime plus que sa vie,
t'aime plus que son cœur. Si tu es sage,
Myrtil, tu ne la mespreras point. Au-
tant que l'ombre suit le corps, autant el-
le suiura tes pas : tousiours obeissante
seruante à tes commandemens, à toutes
les heures de la nuit & du iour tu l'au-
ras. Ne laisse point perdre, Myrtil, vne si
belle aduventure : il n'est plaisir si grand
au monde, pareil à cestuy-là, qui ne te
coustera ni souspirs, ni regrets, ni peril,
ni perte de temps. Ce te sera vn plaisir
commode, vne douceur prompte, tous-
iours apprestee à ton appetit. Il n'est
tresor qui la puisse payer, Myrtil. Fuy,

fuy d'un pied leger, des erreurs desesperées & embrasse ce qui te recerche. Myrtil, ie ne te nourriray point d'esperances vaines, tu n'as qu'à commander: celle qui te desire n'est pas loin. Et si tu veux à ceste heure, à ceste heure soit.

Myr. Du plaisir amoureux mon cœur n'est point esclave.

Cor. Esproue-le vne seule fois, & puis retourne au tourment ordinaire, afin que tu puisses dire au moins quel plaisir c'est que la iouissance.

Myr. Goust corrompu toute douceur abhorre.

Cor. Fuy-le au moins cruel pour donner vie à qui ne vit que du Soleil de tes beaux yeux, tu sçais que c'est que d'estre pauvre & d'aller mendiant: Et deaistu desirer qu'on ait pitié de toy, ne la desnie point à vn autre.

Myr. Quelle pitié pourroy-ie donner n'en pouuant auoir pour moy-mesme? En fin ie suis là arresté de garder ma foy tant que ie viue à celle que j'adore, pitoyable ou cruelle qu'elle m'a esté, ou puisse estre.

Cor. O auugle, yrayement malheur.

reux ! ô stupide Myrtil ! à qui gardes-tu foy ? Je ne vouloy pas certes te contaminer , & adiouster peine à ta peine : mais tu es trahy trop lâchement , & moy qui t'aime ie ne le puis souffrir , penſes-tu qu'Amarillis te ſoit cruelle pour zele ou affection de religion , ou honneur qu'elle ait ? Tu es bien fol ſi tu le penſes.

La place eſt priſe , miſerable , & c'eſt à toy de plaindre quand vn autre eſt en ioye. Tu ne diſ mot , es-tu muet ?

Myr. Ma vie peut eſtre balacée entre la vie & la mort , pendant que mon cœur eſt en doute ſ'il doit croire cela ou non : c'eſt pourquoy ie reſte ainſi muet , & ſtupide.

Cor. Tu ne crois pas donc ?

Myr. Si ie te croyoy tu me verrois mourir preſentement.

Cor. Vy, vy, pauvre malheureux , & te reſerue à la vengeance.

Myr. Ie ne te croy pourtant , & ſçay fort bien qu'il n'eſt pas vray.

Cor. Tu ne le crois pas encor , & cependant tu cerches que ie te die ce qui te deſplaïſt d'eſcouter. Vois-tu là cet autre , c'eſt le gardien fidelle de la foy & de

l'honneur de ta maistresse: on se moque bien là de toy. Là à ton malheur s'affai-
sonnent les ioyes de ton fortuné corri-
ual: Là en fin souuér ta fidelle Amarillis,
se va ietter entre les bras d'un vil &
pauvre berger de neant. Or va, pleure
maintenant, souspire, & garde la foy: En
voilà la recompense.

Myr. Helas ! Corisque, m'es-tu dit vray,
& faut-il que ie le croye ?

Cor. Plus tu iras t'enquerant, & pis tu
entendras, & pis tu trouueras.

Myr. Et tu l'as veu toy Corisque ?

Cor. Ie ne l'ay pas veu veritablement.
Mais tu le pourras bié voir toy-mesme,
& dès aujourd'huy. Car aujourd'huy est
l'assignation, & voici l'heure : de sorte
que te venant cacher derriere quelqu'un
de ces buissons proches, toy-mesme tu
l'y verras descendre, & tost apres son
faubry.

Myr. Ay-ie doncques à mourir si tost ?

Cor. Qu'ainsi ne soit, la vois-tu pas
qui par la voye du temple vient descen-
dant tout bellement ? La vois-tu point,
Myrtil, & ne te semble il point qu'elle
voise d'un pas desrobé comme elle a l'a-

me larronnesse? Or attens-là ici & tu en verras l'effet, Nous nous reuerrons puis apres.

M. r. Puis que ie suis prest de m'esclaircir de la verité, ie tiendray en suspens sur ceste incertitude, ma vie & mon trespas.

A C T E T R O I S I E S M E.

S C E N E V I I.

Amarillis.

I *Amais ne se commence ici bas entreprise,
Que nous n'ayons du ciel l'assistance re-
quise.*

Ie suis partie d'ici pour m'en aller au temple ayant l'esprit fort confus & perplez, d'où ie retourne par la grace de Dieu fort resoluë & consolée: voire il m'a semblé que j'auoy là dedans vn ie ne sçay quel esprit celeste qui à ma priere m'encouragea, disant: que crains-tu? aye bon courage, Amarillis. C'est pourquoy ie veux aller hardiment puis que le ciel

me guide. O debonnaire mere d'amour,
 fauorise celle qui attend ton secours,
 Deesse du troisieme Ciel, si tu esprouuas
 oncques le feu de ton fils, aye pitié du
 mien : guide courtoise Deesse, d'un pied
 dispos & aduisé le berger à qui j'ay
 donné ma foy. Et toy chere cauerne, re-
 çoy en ton sein si enclose ceste esclaue
 d'amour, si qu'elle puisse en icelle ac-
 complir son desir. Mais que tardes-tu
 Amarillis ? il n'y a personne ici qui te
 voye, ne qui t'escoute : entre seurement.
 O Myrtil si tu pouuois songer de me
 trouuer ici !

 ACTE TROISIEME.

SCENE VIII.

Myrtil.

Le As ! ie ne voy que trop, ie ne suis que
 trop esueillé. Ah ! que plustost n'ay
 ie esté né sans yeux, ou plustost iamais
 né au monde ! A quoy (cruel destin)
 as-tu gardé ma vie pour me conduire à

vn spectacle si cruel & si triste? ô plus
qu'aucune ame infernale , tourmenté
Myrtil. Ne sois plus en doute , ne tiens
plus en suspens ta creance. De tes yeux
propres tu l'as veüe , de tes oreilles tu
l'as ouye. Ta Nymphé n'est plus à toy:
ta Nymphé est à vn autre , non par la
loy du monde qui l'oste à tout autre:
mais par la loy d'amour qui te l'oste à
toy seul. O cruelle Amarillis! ne te suf-
fisoit-il pas de donner la mort à ce mi-
serable , si tu ne l'abusois encor de cette
bouche inconstante & trompeuse, qui
eut vne fois agreable les douceurs de
Myrtil? Mais son nom que tu as en hor-
reur maintenant , duquel peut estre il te
souuient par remors, tu ne l'as voulu fai-
re participant de tes ioyes , Nymphé
cruelle, tu l'as vomy dehors, pour ne l'a-
uoir plus en ton cœur. Mais que tardes
tu, Myrtil! celle qui t'a donné la vie, te l'a
ostee & la donne à vn autre , & tu vis
misérable, & tu ne meurs point. Meurs
Myrtil, au tourment & à la douleur, aus-
si bien que tu es mort à la iouissance,
que tu es mort à ton bien. Meurs, mort
Myrtil : tu as fini ta vie , fini aussi ton

tourment. Sors miserable amant de ceste dure & angoisseuse mort qui pour ton plus grand mal te retient en vie. Mais quoy mourray-ie sans vengeance? Je feray mourir premier celle qui me donne la mort. Que si le desir de mourir se retarde en moy, tant & si long temps que iustement i'aye peu oster la vie à celle qui iniustement m'a osté le cœur. La douleur donne lieu à la vengeance, la pitié donne lieu au courroux, & la mort à la vie, tant qu'avec la vie, i'aye vengé la mort. Ce fer ne boiue point le sang de son maistre sans estre vengé. Et ceste main me soit plustost ministre de pitié qu'elle ne le soit parauant de courroux. Je te feray comparoistre à ta perre, quicôque fois qui iouys de mon bien aux despens de ma ruine, & de la tienne propre. Je me cacheray ici dedans en ce mesme buisson. Et comme ie le verray approcher de cet antre, le prenant à l'impouruen, ie luy donneray de ce dard dans le flanc. Mais ne seroit-ce point lascheté de tuer vn homme en trahison. Ouy certes: appelle-le dōcques au combat où la vertu face tesmoignage de la

iuste douleur que tu as. Non d'autant
qu'en ce lieu ci qui est si frequent & si
cogneu à tous, pourroient arriuer des
bergers qui nous destourneroyent, &
s'enquerroyent encores (ce qui seroit
bien le pis) de l'occasion qui nous auroit
meus. Si ie la viens à nier, ou si ie des-
guise, on me tiendra pour vn homme
sans foy. Si ie la descouure aussi, le nom
de ma maistresse viendra à estre taché
d'eternelle infamie; en laquelle bien
que ie n'aime ce que i'y voy, i'y aime au
moins ce que i'y ay souhaité & souhai-
teray tant que ie viue, que i'auoy espe-
ré aussi, & que i'y deuroy voir. Meure
doncques le meschant adultere qui luy
a volé l'honneur, & à moy la vie? mais
si ie le tuë, son sang ne sera il pas vn
vray indice du fait? Mais quoy? crains
ie la peine de la mort, si ie desire
mourir? Mais l'homicide descouuert en
fin, descourrira l'occasion; d'où tu tom-
beras au mesme peril de l'infamie qui
peut venir à ceste ingratitude. Or entre de-
dans la caverne, & l'assaut là. C'est pour
le mieux: cet aduis me plaist. l'entreray
tout doucement, tout doucement sans

qu'elle m'apperceioie. Je croy bien que
 elle se fera cachée au lieu le plus secret
 qui puisse estre en cet antre, comme elle
 a monstté par ces propos. C'est pour-
 quoy ie ne veux pas entrer bien auant. Il
 y a vne certaine ouuerture au rocher sur
 la main gauche, toute couuerte de fueil-
 lages qui se trouue à propos au pied de
 la montagne, là entrant le plus posé-
 ment que ie pourray faire, ie prendray le
 temps d'effectuer ce que ie desire. Mon
 aduersaire mort ie le porteray à mon en-
 nemie. Ainsi de tous deux ie pren-
 dray vengeance, & cela fait, ie m'ou-
 uriray le cœur du mesme fer: par
 ce moyen deux mourront de glaiue, & *ferme*
 l'autre de douleur. Et ainsi cette cruel-
 le le verra, non moins de son mieux ai-
 mé que de l'amant qu'elle a trahi vne tra-
 gedie funeste & miserable: & cette ca-
 uerne qui deuoit estre la douce retrai-
 te de leurs plaisirs, sera le sepulchre &
 le tombeau de l'un & de l'autre: & ce
 que ie desire le plus, de leur honte.
 Mais las! ô pastant poursuiuis en vain
 me monstrez vous ainsi vn sentier si
fidele: me guidez vous à si chere re-

traite? Je vous suis neantmoins & vous
reuerer Corisque, Corisque tu m'as dit la
verité: ouy ie te croy.

ACTE TROISIEME.

SCENE IX

Le Satyre.

CEstuy-ci croit Corisque, & suit ses
pas en l'autre d'Ericine, celuy a bié
peu d'esprit qui n'entend le reste: mais il
est bien certain que tu dois auoir en
main de grands gages de sa foy si tu la
crois: & la tenir estainte auct des nœuds
plus fermes que ie n'ay pas fait lors que
ie la prins par les cheveux. Car ie m'as-
seure bien que tu n'as peu auoir sur elle
des liens plus fermes que des presens.
Ceste mauuaise ennemie d'honneur se
fera vendue à cestuy-ci, comme c'est la
coustume, & là dedans se paye le prix
de ce marché infame. Mais peut estre le
ciel t'a-il enuoyé deçà pour ton chastie-
ment & pour ma vengeance. Il paroist

bien par ses paroles qu'il ne croit pas en vain : & les pas d'elle qu'il apperçeut sont clairs indices qu'elle y est ià entree. Or fay vn beau coup : ferme l'ouuerture de cet antre de ceste grosse pierre que tu vois là dessus : afin qu'ils n'en puissent plus sortir, puis cours-t'en au grand Prestre, & acconduis ici les ministres, par la voye du môt moins cogneue : fais là enleuer & mourir en fin selon la loy & son offense. Je sçay bien moy qu'elle a ià promis mariage à Coridon, qui ne s'en ose vanter de peur qu'il a de moy pource que ie l'ay menacé plusieurs fois : mais ie feray bien aujourd'huy en sorte qu'il vengera l'outrage de deux. Je ne veux plus perdre de temps, j'escla-
teray vne souche de chesne, ceste-ci sera
 fort à propos pour deplacer plustost ce
 ste pierre. O qu'elle est pesante! ô qu'elle
 tient fort! il faut pousser ce tronc de
 force, & le faire entrer si auant que ceste
 masse s'arrache aucunement. C'à esté
 bien aduisé à moy, il en faut faire autant
 de l'autre costé. O qu'elle tient fort!
 L'entreprise est plus difficile que ie ne
 pensois : encore ne la puis-je arracher

*chiâte
tronco
serge
mouera
sping*

ni bairer pour effort quelconque, ou
 que mes forces me faillent. Astres per-
 uers que conspirez vous? ie la remueray
 en despit de cette maudite Corisque: i'ay
 quasi dit, toutes les femmes qui sont au
 monde. O Pan Liceen! O Pan qui peux
 tout, qui sçais tout : esmeustoy à mes
 vœux: tu as esté aussi bien amant d'un
 cœur entier comme moy. Venge en la
 perfide Corisque tes amours abusez.
 Ainsi en vertu de ta diuinité ie le remue,
 ainsi en vertu de ta grand deité il tombe.
 Le fin renard est pris en sa taniere: il luy
 faudra donner le feu , où ie voudrois
 qu'autant qu'il y a de mauuaises femmes
 fussent par vn seul embrasement ardes
 & consummees.

LE COEUR.

O De nature & du monde merueille
 Que ta grandeur (Amour) est incompa-
 reille!

Quelle si rude, & si grossiere gent
 De ton pouuoir les effets ne ressent?
 Quel si profond & si habile maistrè

De ta vertu les secrets sçait cognoistre?
 Qui sçait la flamme & le feu violent
 Qui va la scif nos poitrines brulant?

Quelque terre se ira dire sans doute
 Que dans ce corps gist ta puissance toute:
 Mais d'où vient donc que les gens amoureux
 Sont de vertu la pluspart desireux?

Comment se fait que soudain amortie
 La volonté qui maîtrise la vie,
 On voit trembler & changer de couleur
 Les amoureux qui brusloient de chaleur?

Quelqu'un aussi de qui l'ame immortelle
 S'élève es-haut d'une carrière belle
 Dirà que l'ame est l'unique sejour
 Où fait en nous residence l'amour.

Merueilleux monsire & rare de figure,
 Doüé d'humaine & diuine nature,
 Auergle fol, de raison au surplus,
 D'esprit de sens, & desir tout confus.

Tel cependant que tu sois de naissance,
 Terres & Cieux tu as sous ta puissance,
 Et n'y a nul qui se puisse vanter
 Que ta douceur ne le vienne tanter.

Si est-ce Amour que sans la reuerence
 Que doit chacun à ta diuine essence:
 Le monde encor a de grand ne sçay quoy
 Qui est plus digne, & superbe que toy.

Car ce qu'on voit de tes œuvres plus belles,
 Et ce que plus lon admire d'icelles:
 Par la vertu de la femme se fait
 Divin ouvrage & chef d'œuvre parfait.

O femme belle! ô du ciel don plus rare!
 Ains de celuy qui si riche le pare
 De son grand voile & auteur de tous deux,
 A fait le tien trop peu avantageux!

Car qui a-il en quoy tu ne precele
 Ce que le ciel de plus rare possède?
 Il a Cyclope vn grand œil radieux,
 Mais le voyant il auengle les yeux.

Quand il soupire, il soupire vn orage,
 S'il va parlant c'est vn rude langage,
 Tel que celuy d'un lyon rugissant,
 Dont le bruit va bien loin retentissant.

Et non plus ciel, ains campagne orageuse,
 De vents, de gresle, & de flame souffreuse:
 Il va dardant sur les hommes paoureux
 De sa fureur les esclats dangereux.

Tout au contraire, ô bien heureuse femme
 De deux beaux yeux deux Soleils de nostre
 ame,

Et d'un beau front si doucement serain,
 Calme l'esprit qui d'orage estoit plain.

Et au surplus sur ceste belle face
 Sont si d'accord, le maintien & la grace

Et le port graue avecques la beauté,
Qu'on ne voit rien de si grand maiesté.

Voila pourquoy ce n'est point de nouuelle
Si ce superbe animal qu'on appelle

L'homme, qui est de tout le monde Roy,
Humblement vient s'abaisser deuant toy.

Et bien qu'il ait sous son obeissance
Peuples, citez, & sceptres à puissance,
Ce n'est pourtant que moins digne tu sois
De gouverner les peuples sous tes loix.

Mais pour ton los, & rendre ta memoire
Deuant chacun plus celebre de gloire,
Car le vaincu d'autant plus qu'il est grand,
Plus au vainqueur de loüange se rend.

Et qui voudra tesmoignage plus ample,
Le beau Myrtil seruira bien d'exemple,
Que femme peut de sa rare beauté
Vaincre avec l'homme encor l'humanité.

Mais ce beau traict te manquoit bien encore
Pour accomplir la vertu qui t'honore,
(Femme céleste & diuine) à sçauoir
De pouuoir faire vn amour sans espoir.

H



ACTE IIII.

SCENE I.



Corisque.

L' Ay eu l'esprit si empesché
à conduire cette simple à ce
gué, qu'il ne m'est iamaïs
souvenu de ma perruque
que ce laid vilain m'a arra-
chee. Je ne sçay comment ie la r'auray.
O que ce me fut chose rude de me rache-

ter à si grand prix ! & avec vn gage que j'aimoy tant : mais ce me fut bien force pour me tirer de cet importun, qui bien qu'il ait moins de cœur qu'un conil, m'eust fait mille outrages. Je l'ay befflé tousiours, & tant qu'il y a eu goutte de sang ie l'ay succé comme vne sangsue: il se plaint maintenant que ie ne l'aime plus, certes il auroit bien quelque raison si ie l'auoy autresfois aimé.

On ne sçauroit aimer chose qui n'est aimable.

Comme vne herbe qui est excellente pour l'usage de celuy qui la cueille, depuis que le suc en est tiré demeure inutile, & se reiette comme chose de neant: tout de mesme cestuy-ci, depuis que j'ay eu espurgé ce qu'il y auoit de bon en luy, qu'en doy-ie plus faire sinon d'en ietter le marc aux pourceaux ? Or veux-je voir si Coridon est descendu encore en l'autre : Ho, ho, comment se fait cela ? Quelle nouveauté est-ce ci ? Suis-je esueillée où si ie voy trouble ? Je sçay fort bien qu'il n'y a guere que la bouche de cet antre estoit ouuerte : Comment est elle donc bouchée si soudai-

une pierre si pesante & si antique est-elle
 peu choir si à l'improuiste ? On n'a ouy
 aucun tremblement de terre, si ie sçauois
 pour le moins si Coridon y est point
 enfermé avec Amarillis, car du reste il
 m'en chaudroit peu. Il deuoit pieça y
 estre arriué, veu le long temps qu'il est
 parti, si i'ay bien entendu Lisette. Que
 sçait-on s'il n'est point là dedans, & que
 Myrtil les y ait enfermez.

unto *Amour* *mieu* de courroux ne pourroit seulement
 Vne roche escrouler, mais bien le Firmament.

Si cela estoit, Myrtil n'auroit sçeu fai-
 re plus à propos selon mon desir, si Co-
 risque estoit en son cœur au lieu d'Ama-
 rillis; Mais il vaut mieux que par le che-
 min de la montagne ie me conduise à la
 cauerne, & que i'en sçache la verité.

A C T E I I I I.

S C È N E I I.

Dorinde. Linco.

ET pour certain, Linco, tu ne n'auois
 pas reconnuë?

Lin. Et qui te recognoistroit sous si rustique accoustrement pour si gentille ^{paglia} ~~adorn~~ Dorinde ? si i'eusse esté vn chien aussi bien comme i'estoy *Linco*, ie t'aurois bien cogneuë malgré toy. Que voy-ie; que voy-ie bons Dieux!

Dor. Vne passion d'amour: tu vois *Linco* vn effet d'amour pitoyable, non iamais veu.

Lin. Vne filllette comme toy, si tendre & delicate: qui estois n'agueres (se peut dire) encore vn enfant, & me semble encor te tenir petite entre mes bras, & conduisant tes petits pieds t'apprendre *Pap-pa* & *Mammam*, lors que i'estois au ser- uice de ton pere: & toy qui soulois comme vne biche timide, parauant que tu ressentisses ce que c'estoit d'amour, auoir frayeur de toute chose qui se fust remuee deuant toy au moindre vent qui se fust leué, à vn oiseau qui eust esneu vne branche, à la moindre lezarde qui eust couru hors du buisson, chaque fueil- le qui trembloit te faisoit peur, & main- tenant tu vas seulette errant par costaux & boccages, sans crainte des bestes sau- uages ni des chiens.

Dor. Qui est blessé d'Amour ne craint plus
d'autre playe.

Lin. L'amour a beaucoup eu de puissance sur toy Dorinde, puis que de fille il te transforme en homme, ou pour mieux dire, d'homme en loup.

Dor. Si tu me pouuois voir là dedans Linco, tu verrois vn loup viuant me deuorer l'ame comme vne pauvre brebis innocente.

Lin. Qui est ce loup là, est-ce point Siluio?

Dor. Helas tu l'as dit!

Lin. Et toy pour ce qu'il est loup, tu t'es volontiers desguisee en louue, afin que si tu ne l'as peu esmouuoir en face humaine, au moins ceste face sauuage & farouche l'esmeue. Mais di-moy où tu as recouuré ces habits si rudes & sauuages.

Dor. Je te diray: ie me suis acheminée à ce matin vers le lieu où i'auoy entendu, que Siluio au pied d'Erimanthe auoit dressé la chasse au sanglier. Et au sortir des yeuses, là enuiron, non fort loin, vers le ruisseau qui descend du costau, ie rencontray Melampe le chien.

de mon beau Siluio, qui comme ie croy
auoit esté boire, & se reposoit lors dans
le pré qui estoit tout aupres. Moy qui ay
cher tout ce que ie sçay estre à mon Sil-
uio, voire mesme l'ombre de son beau
corps, & les vestiges de ses pas, non pas
son chien seulement tant aimé de luy, ie
le prens soudain, & luy sans nulle force
comme feroit vn aigneau mignon, s'en
vient avec moy. Mais cependant que ie
pense à le ramener à son maistre & le
mien, esperant qu'en luy presentant vn
don qu'il tiendrait si cher, ie pourroy
acquiescer ses bonnes graces: le voici à
propos qui le venoit cherchant, suivant
ses traces, & s'arresta à moy. Mon cher
Linco, ie ne veux point perdre temps à
te raconter par le menu tout ce qui s'est
passé entre nous, mais ie te diray seule-
ment en vn mot, qu'apres vn long cir-
cuit de paroles & de promesses men-
songeres, il s'en est allé le cruel, tout
coléré & desdaigneux avec son fidelle
Mélampe, & la recompense qu'il m'en
deuoit.

Lyn. O impitoyable Siluio! ô garçon
farouche! & qu'as-tu fait alors, ne t'es

tu point indignee contre luy de cette felonnie?

Dor. Ains au contraire comme si le feu de sa colere eust esté adiousté à mon feu amoureux, l'embrasement de mon ame s'accroit beaucoup de son courroux: & tout soudain suivant la piste & poursuivant mes brisées vers le chemin de la *quing* chasse, non fort loin de là, ie me rallie à mon Lupin, lequel d'ici s'estoit parti de moy il n'y auoit pas long temps: dont il me vint soudain en fantasie de me desguiser, & en ces habits de valet me cacher si bien entre les bergers, que ie peusse estre tenuë pour berger, & suivre & contempler mon Siluio à plaisir.

Lin. Et en guise de loup tu es allée à la chasse, & les chiens t'ont veüe, & tu es retournée de là saine & sauue? tu n'as pas fait peu, Dorinde.

Dor. Ne t'esmerueille point, Linco, si les chiens ne pouuoient offencer celle qui estoit destinee proye de leur maistre.

mea
mfu
nerce
Eà pelle melle parmy la troupe des bergers d'alentour, assez espaisse veritablement, qui estoient accourus à la chasse celebre, ie me tenois hors des tentes,

spectatrice beaucoup plustost de mon
 beau chasseur que de la chasse. A chasque
 essancement de la beste sauvage le cœur
 me trembloit. A chacun acte de mon
 cher Siluio, mon ame couroit soudain à
 tout ce qui luy plaisoit. Mais tout mon
 plus grand plaisir estoit beaucoup trou-
 blé de la veuë horrible & espouuenta-
 ble de ce sanglier horrible, de force &
 de grandeur desmesuree. Comme le
 tourbillon d'une impetueuse & subite
 tempeste, qui en vn moment, & en vn
 petit tour atterre plantes, rochers, mai-
 sons, & tout ce qu'elle trouue: ainsi à vn
 seul roier de ses grands crochers escu-
 meux & sanglans se voyoyent en vn
monceau confusement chiés deschirez,
espieux brilez, hōmes naurez: combien
 de fois desiray-ie alors composer de
 mon sang avec ceste beste enragee pour
 la vie de Siluio! combien de fois fus-ie
 en esmoy d'y accourir & de servir d'escu
 de mon estomac pour couvrir son beau
 sein! combien de fois ay-ie dit en moy
 mesme, pardonne, ô fier sanglier, par-
 donne au sein delicat de mon beau Sil-
 uio. Ainsi ie parloy à part moy, ie prioys.

consacrer l'espouventable hure : disant ^{ce} cela, ayant tiré de son carquois d'or vne fleche fort propre, & tendu son arc de fer iusqu'à l'oreille, en mesme temps fut le sanglier blessé à l'endroit iustement où se ioint le col à l'espaule gauche; & tomba tout soudain. Je respiray alors voyant mon Siluio hors de danger. O animal heureux qui as esté digne de perdre la vie de cette main qui enleve ^{ma} si doucement les cœurs des poitrines humaines!

Lin. Mais que sera-ce de cette beste ainsi morte?

Dor. Je n'en sçay rien encor, pource que ie m'en vins auparauant eux pour n'estre apperceuë. Mais ie croy que solennellement ils en porteront la teste au temple selon le vœu de Siluio.

Lin. Et tu ne te veux point despoïiller de ces habits?

Dor. Si veux bien; mais Lûpin à ma robe avec tout son autre equipage, & m'a dit que ie l'attendisse à la fontaine où ie ne l'ay point trouué. Cher *Linco*, si tu m'aimes va t'en par ces taillis t'enque- ^{sel} rant de luy; il ne peut pas estre bien

loin d'ici: cependant ie me reposeray en ce buisson; le vois-tu? Ie t'atten là, car ie suis si abbatuë de lassitude & de sommeil, & ie ne veux pas m'en retourner à nostre maison avec ces habits.

Lin. I'y vay: mais ne pars donc point de là, que ie ne sois de retour.

ACTE QUATRIEME.

SCENE III.

Le chœur.

Ergasto.

BErgers, auez-vous point entendu comme nostre braue demy Dieu, le fils bien digne du grand Montan & digne descendant d'Alcide, nous a deliurez de l'horrible sanglier qui degastoit toute l'Arcadie? & que ià il se prepare d'en accomplir son vœu au temple? Si nous voulons luy faire recognoissance d'un si signalé benefice, allons nous en au deuant de luy: & qu'il soit honoré de nous d'affection & de bouche comme nostre liberateur.

Bien que l'honneur à vn cœur genereux
Ne soit loyer beaucoup auantageux,
C'est neantmoins le plus beau qui nous reste,
Pour recompense à la vertu celeste.

Ch. Quelle voix entens-ie si pleine
d'horreur & de crainte?

Erg. Astres ennemis de nostre salut,
vous mocquez vous ainsi de la foy: esle-
uez-vous nostre espoir si haut, afin qu'a-
pres en tombant le precipice en soit plus
grand?

Ch. Cestuy-ci me semble Ergasto: c'est
luy pour vray.

Erg. Mais las, pourquoy accusay ie le
Ciel? accuse toy toy mesme, Ergasto, c'est
toy qui as approché la perilleuse meche
au fusil d'amour. C'est toy qui l'as bat-
tu, c'est toy seul qui as tiré les bluettes
dont s'en est ensuiui ce mortel & inex-
tinguible feu. Mais le Ciel sçait quelle a
esté mon intention, & que la seule pitié
m'y a induit. O infortunez amans! ô mi-
serable Amarillis! ô languoureux Tity-
re, pauvre pere desconforté! O dolent &
triste Môtan! ô desolee Arcadie! ô mis-
rables nous autres, & miserable & mal-

170. *A* LE BERGER *4^o*
heureux en fin tout ce que ie voy, tout
ce que ie dis, tout ce que i'enten, & tout
ce que ie pense?

Ch. Helas! quel peut estre ce triste ac-
cident qui contient ainsi en soy toute
nostre misere? Allons bergers, allons
nous en au deuant de luy, aussi bien s'en
vient-il vers nous. Dieux eternels, helas!
n'est-il point encore saison d'appaiser
le courroux? di gentil Ergasto, quel si
lamentable accident te meine? que
 plains-tu?

Erg. Mes amis, ie plains ma ruine, ie
 plains la vostre, ie plains celle de toute
 l'Arcadie.

Ch. Helas que dis-tu?

Erg. Le soustien de toutes nos espe-
 rances est à bas.

Ch. Parle plus clair ie te prie.

Erg. La fille de Tiryre, ce seul appuy
 de sa souche, ce seul baston de vieillesse
 de ce pauvre pere vieillard, cette vnique
 esperance de nostre salut, qui auoit esté
 destinee au fils de Montan pour sauuer
 toute l'Arcadie par le moyen de ses nop-
 ces. Cette Nymphe celeste, cette pruden-
 te Amarillis, cet exemple d'honneur, ce

C. FIDELLE. 3^a 171
ste fleur de chasteté, ceste di-ie, ah? le
cœur me creue de le vous dire.

Ch. Quoy, est-elle morte?

Erg. Non, mais elle doit mourir.

Ch. Qu'entens-ie, hélas?

Erg. Cela n'est rien encore, ce qui est
là pis, c'est qu'elle doit mourir infame.

Ch. Amarillis infame? & comment,
Ergasto?

Erg. Trouuée avec vn adultère: & si
vous ne partez bien tost, vous la verrez
tantost mener prisonniere au temple.

Ch. O belle & singulière, mais trop
malaisée vertu du sexe féminin! ô chaste-
té que tu es auiourd'huy rare! quoy? lon
ne dira donc plus femme pudique sinon
celle qui n'aura esté recerchée? ô siècle
malheureux!

Erg. Veritablement on aura grand rai-
son ci apres d'auoir suspect l'honneur
de toute autre Dame, si l'honneur mes-
me deshonore.

Ch. Berger courtois, ne te soit ennuyeux
de nous dire comme le tout s'est passé.

Erg. Je vous diray: D'assez grand ma-
tin (comme vous sçauéz) estant venu le
grand prestre au temple, avec le pere de

la pauvre Nymphé, meus tous deux d'un
mesme desir d'auancer avec leurs prie-
res, les nopces de leurs enfans par eux
tant desirées. Pour cet effet furent au
mesme temps les victimes offertes, & le
sacrifice fait solennellement: & avec si
heureux augure qu'on ne vit oncques de
plus belles entrailles, ni flamme plus
pure & nette: Desquels signes esmeu le
prophete aueugle dist à Montan, ton Sil-
uio aimera ce iourd'huy, & ce iour-
d'huy (Tityre) sera ta fille espousee: va
viste seulement à ta maison pour pre-
parer les nopces. O fols & vains iuge-
mens des prophetes! & roy non moins
par dedans que par dehors aueugle! si tu
eusses aussi bien prophetisé à Tityre les
funerailles de sa fille au lieu de ses nop-
ces, tu eusses peu dire la verité. Ià toute
l'assistance estoit pleine de consolation,
& ces bons peres pleuroient de ioye,
mesme Tityre s'en estoit ià allé: Quand
à l'instant on ouyt, & on vit au temple
de sinistres augures & signes espouuen-
tables, messagers de l'ire des Dieux. Aus-
quels si soudains & estranges: apres de si
heureux augures, si yn chacun demeura

estonné, ie le vous laisse à penser, Bergers. Cependant tous les Prestres s'estoient renfermez seuls dans la sacristie: & cependant qu'eux au dedans & nous au dehors fondans tous en larmes, & en deuotion demeurions attentifs aux saintes prieres: voici suruenir ce malin Satyre, qui avec grand haste & pour chose d'importance demande audience au grãd Prestre. Et pource que comme vous sçauiez, c'est ma charge, ie fus celuy qui le fis entrer au temple: & luy qui a la tron-gne de ne porter iamais que mauuaises nouvelles, dit: Peres, si les victimes & encens ne respondent à vos desirs, si dessus vos autels ne reluit vne pure flame, ne vous en esmerueillez point. Impur est aussi ce qui se commet auiourd'huy dans l'autre d'Ericine. Là mes amis vne desloyale & perfide Nymphé, avec vn infame adultere rompt la loy à vous autres, & la foy à autrui: viennent avec moy les ministres, & ie leur ouuriray le moyen de les surprétre sur le fait. Alors (ô humaine pensée que tu es bien stupide, & aueuglee en ton dessein) ces affligez & bons peres respirerent vn peu. leur

semblant que l'occasion s'estoit descouverte, qui les tenoit en suspens du malheur de leur sacrifice. A l'occasion de quoy le grand Prestre commanda à Nicandre le premier des ministres, de s'en aller avec le Satyre, & d'amener prisonniers au temple les deux amans. De façon qu'accompagné de toute nostre bande des moindres ministres du temple, nous fusmes conduits à l'autre par le chemin destourné & obscur que le Satyre nous auoit montré. La misérable Nymphé surprise à l'improuiste esmeue peut estre, & esblouye de la lueur des torches, sortant d'un des lieux plus cachez de l'autre s'effaye de fuir, comme ie croy, veu l'issuë qui auoit esté bouchée parauant de ce malin Satyre, comme il a rapporté luy mesme.

Ch. Et luy que faisoit il cependant?

Erg. Si tost qu'il eut montré le chemin à Nicandre il se retira. On ne vous scauroit représenter (mes amis) combien chacun demeura estonné & esperdu voyant que c'estoit la fille de Tityre, laquelle ne fut pas plustost prise, que le courageux Myrtil y accourut.

mais ie ne vous puis dire d'où il sortit, & lança de toute sa force contre Nicandre le dard dont il estoit armé: & si le fer eust atteint où la main l'auoit destiné, Nicandre ne seroit plus en vie. Mais au mesme instât que l'un fit le coup l'autre se retira, soit par hazard, ou bien par preuoyance: tant y a que le dard passa sans donner à trauers, demeurant l'estomac qui gauchit sain & sauf: & ne demeura pas seulement ce coup d'agereux dans l'habillement, ains demeura si bien engagé (mais ie ne scaurois dire comment) que Myrtil ne le pouuant r'auoir, il demeura captif luy mesme.

Ch. Et qu'aduient-il de luy apres?

Erg. Ils le menerent au temple par vne autre voye.

Ch. Et pourquoy faire?

Erg. Pour mieux tirer de luy la verité du fait, & que scauroit-on? parauenture qu'il ne doit demeurer impuni d'auoir attenté de mettre la main sur les ministres, tant s'en faut, leur dignité Sacerdotale en est offencee: au moins si i'eusse eu le moyen de le consoler ce pauvre.

Ch. Et qui t'en empescha?

Erg. Pource que la loy deffend aux simples ministres du temple de parler avec les coupables. C'est pourquoy ie me suis esloigné des autres, & m'en-vay au temple par autre sentier demander aux Dieux par prieres & par larmes, que leur plaisir soit de conduire à vn estat plus tranquile l'obscur tempeste de ce malheur. Adieu bergers, demeurez en paix, & accompagnez nos prieres des vostres.

Ch. Aussi ferons nous, si tost que nous aurons accompli l'office que nous deuons à nostre bon Siluio. O Dieux! de-formais montrez vous eternels non en fureur, mais en pitié.

ACTE QUATRIEME.

SCENE IIII.

Corisque.

Couronnez de Lauriers triomphans
mon chef victorieux. I'ay ce iour-

d'huy au champ d'amour combattu & vaincu. Anjourd'huy le Ciel, la terre, l'art, la nature, le delstin, la fortune, les amis & les ennemis ont combattu pour moy : voire mesme encor ce meschant Satyre qui me hayt si fort, m'a donné aide, comme si de sa part il m'eust voulu fauoriser. Combien plus à propos a esté Myrtil tiré de la cauerne que n'eust pas esté Coridon, pour faire rendre plus griefue & vray semblable la faute d'Amarillis ? Car bien que Myrtil ait esté pris avec elle, cela n'importe, il en pourra bien sortir, pource que la peine n'oblige que la femme. O victoire braue ! ô solemnel triomphe ! Mensonges amoureuses dressez moy vn trophée : certes vous pouuez en cette langue & en ceste poitrine choses par dessus la nature. Mais, Corisque, que tardes-tu ? Il n'est pas saison de demeurer ici. Retire toy iusqu'à tant que la rigueur de la loy soit tombee sur ta corriuale, pource qu'elle ne faudra point de te charger pour faire tomber sur toy la faute : & peut estre vouldra le grand Prestre auparauant que passer outre, sçauoir le vray de ta pro-

178 *A* L E B E R G E R 4.^o
pre bouche: fuy donc, Corisque.

*A grand peril court langue menfongere,
Qui à fuir n'a la plante legere.*

Je me tiendray cachee dans ces forests;
& y demeureray tant que le temps soit
venu de la iouyſſance de mes plaiſirs.
O heureuſe Coriſque! qui vit iamais
plus heureuſe entrepriſe?

ACTE QUATRIESME.

S C E N E V.

Nicander. Amarillis.

CEluy auroit le cœur bien dur, ou
n'auroit point de cœur du tout, ni
de reſſentimēt humain, qui n'auroit pitié
de ton mal pauvre Nymphē, & ne ſenti-
roit deſplaiſir de ton infortune, d'autant
plus grieve que moins en fait cas cil
qui plus la recognoiſt. Car de voir ſeu-
lement priſonniere vne fille ſi belle de
viſage, de maintien tout celeſte, & di-
gne pluſtoſt que le monde pour ſa rare

beauté luy sacrifiaſt, la voir (di-ie) conduire au temple pour eſtre ſacrifice elle meſme, c'eſt choſe veritablement qu'à peine verroit-on ſans larmes. Mais qui vient à penſer encore de quel ſang tu es nee, à quelle fin tu es nee, que tu es fille de Tityre, & deuois eſtre bru de Montan, qui ſont aujourd'huy les deux plus ſages & renommez, ie ne ſçay ſi ie diray bergers, ou peres de toute l'Arcadie, & qu'une telle ſi grande, ſi bien renommee & accorte fille, ſi eſloignee du cours naturel de ſa fin, en ſoit neantmoins ſi proche, qui voit cela & n'en pleure point, & n'en a point dueil : ce n'eſt point veritablement vn homme, ains quelque beſte farouche ſous vn viſage humain.

Am. Nicandre, ſi ma miſere procedoit de ma faute, ou bien que ce fuſt (comme tu eſtimes) quelque effet d'un penſer meſchant, ſelon qu'il ſemble en apparence, ie ne regretteroy pas beaucoup que ma mort fuſt la peine d'une faute ſi grande, & ſeroit bien raſonnable que mon ſang lauſt une ame ſouillée, appaiſaſt le courroux du Ciel, &

satisfist au droit & à la iustice humaine. Ainsi ie donneroïs repos à mon ame affligée, & avec vn iuste ressentiment d'une mort meritee, contentant mes sens, ie me fusse peu resoudte à la mort, & par vn passage tranquile passer peut estre à vie plus tranquile. Mais hélas, Nicandre, il me deult trop en vn aage si ieune, & en si haut degré esleuee qu'il me faille mourir si soudain, & mourir encore innocente.

Nic. Pleust à Dieu, Nymphé que les hommes eussent plustost peché contre toy, que toy contre le Ciel: beaucoup plus aisément nous te pourrions rendre l'honneur, que d'appaiser sa diuinité. Mais certes, ie ne puis penser qu'il te peut auoir offensée, si ce n'est toy mesme, pauvre Nymphé. Mais dy-moy, n'as-tu pas esté trouuée en lieu ferme avec l'adultere, & seule avec luy seul? N'es-tu pas aussi promise au fils de Montan? & partant aussi n'as-tu pas violé la foy de mariage? comment donc es-tu innocente.

Am. Quelle que soit la faute que tu la voudras dire, si n'ay-je failly contre la
loy.

loy, & suis innocente.

Nic. Peut estre que contre la loy de nature tu n'as point failly Nymphé, Ayme si TV VEUX. Mais bien tu as failly contre celle des Dieux & des hommes, Ayme si TV PEUX.

Am. Ce sont les Dieux, & les hommes qui ont peché contre moy, ainsi est que nos fortunes dériuent de là sus: car autre que mon destin ne peut vouloir que le peché d'autrui soit ma peine.

Nic. Que dis-tu Nymphé? Retien, retien ta langue trāsportee d'extrême douleur: vne ame qui craint Dieu n'en vient jamais là, n'accuse point les Astres.

Nous sommes les auteurs

De nos propres malheurs.

Am. Je n'accuse aussi nul au Ciel, fors mô destin cruel & rigoureux: mais plus que mon destin encore j'accuse celle qui m'a abusée.

Nic. Toy doncques seulement qui t'es tropée accuse.

Am. Certes ie me trompay, mais d'autrui fut la ruse.

Nic. On ne trompe celuy qui veut estre trompé.

Am. Mais me tiendrois-tu bien pour auoir tāt choppé

Nic. Je n'en scaurois parler, appren-le de ton œuvre

Am. Ce qu'on voit bien souuent faux tesmoin se des-œuvre.

Nic. On voit l'amour tout seul. Le cœur ne se voit point.

Am. Par les yeux de l'esprit lon le voit bien à point.

Nic. Mais ils sont aveuglez si le sens ne les guide:

Am. Où raison ne gouverne, iniustice preside,

Nic. La raison est iniuste, où lon doute du fait.

Am. Quoy qu'il en soit ie sçay que ie n'ay point forsaie

Nic. Qui t'a sinon toy mesme a conduit dās la grotte.

Am. Non croire de leger ma simplicité sotte.

Nic. Es mains dōc d'un amāt tu as mis ton hōneur?

Am. Es mains de fausse amie, & non de serviteur.

Nic. A quelle amie encor? à l'amoureuse enuie?

Am. A la sœur d'Ormino qui m'a lasche trahie.

Nic. O douce trahison dont l'amant fut l'appas!

Am. Quand Mirtily entra ie ne le sçavois pas.

Nic. Pourquoy donc y fus-tu? qui est-ce qui t'a mené?

Am. Suffise que pour luy ie n'y suis point venue.

Nic. N'alleguant que cela, le fait est tout iugé.

Am. Que sur mon innocence il soit interrogé.

Nic. Luy qui est de ta faute & faueur & complice?

Am. Celle qui me trahit face foy de mon vice,

Nic. Quelle foy donnera qui l'a faussee en toy?

Am. Et bien, j'attesteray de Diane la foy.

Nic. Tu as esté trop pariure par tes actiōs, ie ne te veux point flatter, Nympe, ie parle ouuertement, afin que tu n'aye point à demeurer courte au plus grand besoin: Car tout ce que tu dis sont songes. L'eau d'une riuere trouble ne sçauroit bien lauer, aussi vn cœur de tra-

uers ne parle iamais droit , & où nostre fait nous accuse, nos propres deffences nous nuisent. Il te falloit auoir ta pudicite en recommandation trop plus que tes yeux propres : pourquoy pers-tu ton temps ? pourquoy t'abuses-tu toy mesme?

Am. Je dois doncques mourir ainsi, Nicadre? ie dois doncques mourir ainsi? & n'y aura personne qui m'escoute ou qui prenne ma cause en main abandonnee ainsi de tous? priuee de toute esperance, accompagnee seulement d'une funeste & pauvre pitié, qui ne me peut secourir à ce besoin?

Nic. Appaise ton cœur, pauvre Nymphe, & si tu as esté si peu sage à faillir, fay monstre aumoins d'une ame courageuse à soustenir l'ennuy de ta peine: esleue tes yeux au Ciel si tu en as l'origine.

*Car ce qui nous aduient, soit de bien , soit de mal,
Nous descoule d'enhaut par un ordre fatal:
Ainsi qu'un fleuve grand qui sourd d'une fontaine:
Ainsi qu'un arbre grand, qu'une racine amaine,
Et ce qui semble mal en tout ce monde bas,
Au Ciel source du bien plus souuent ne l'est pas.*

Le grand Jupiter m'est tesmoin à qui
 nulle des pensées des hommes est cachée,
 & m'est tesmoin la grande Deesse de qui
 ie suis ministre indigne, cōbien me poise
 ta douleur, & si par mes paroles ie t'ay
 offensée, i'ay fait cōme le medecin dont
 la main pitoyablement cruelle va son-
 dant avec le fer & la sonde les lieux plus
 creux de la blesseure, & recognoist l'en-
 droit plus dangereux & suspect. Appaise
 toy doncques desormais, & ne combats
 plus long temps contre ce qui est escrit
 de toy au ciel.

Am. Cruelle sentence! en quelque lieu
 qu'elle soit escrite, soit au ciel, où en ter-
 re. Mais certes elle n'est point escrite au
 ciel, car là sus mon innocence est co-
 gneuë. Mais las! que me sert tout cela
 s'il cōvient que ie meure? Ha Nicandre,
 c'est là certes le dur passage, c'est le calice
 plein d'amertume! Helas, par celle pitié
 que tu monstres auoir de mon infortune
 ne me conduis point si tost au temple:
 Attens ie te prie encores, attens encore
 vn peu.

Nic. Celuy (ma belle Nymphe) à qui poise si fort
 De payer ce tribut, tout moment luy est mort:

Que tardes-tu ton mal? certes la mort cruelle
N'a autre mal en soy que de penser en elle,
Et plustost meurt celuy qui doit passer ce pas,
Plustost il se desrobe à son propre ivespas.

Am. Peut estre que cependant il me
viendra secours. Mon pere, mon pere, me
laisses-tu ainsi? Quoy? Pere d'une fille
vnique, me laisses-tu mourir ainsi sans
me secourir? Ne me desnie point au
moins les derniers baisers. Helas vne
seule espee entamera deux cœurs: la ^{ferir}
playe de ta fille versera ton sang: Ah, pe-
re, nom si cher, vn temps fut qu'onques
ie n'inuoquay en vain, fais-tu ainsi les
nopces de ta bien aimée fille, espouse
sur le matin, & sacrifice au soir?

Nic. Donne toy repos (pauvre Nym-
phe) que te sert, hélas! de te tourmen-
ter & autrui? Il est temps deormais
que ie te mène au temple, & mon de-
voir ne me permet d'attendre plus long
temps.

Am. Adieu cheres forests! chere fo-
rests Adieu! receuez ces derniers souf-
pirs iusqu'à ce que mon ame froide de-
lice de ce corps d'un glaive iniuste & ^{sieste}
cruel, retourne vers vous, sous vos om- ^{bre}

bres aimees: car mon ame innocente ne peut aller aux enfers de peine : vne dolente & pauvre desesperée, ne peut demeurer aussi entre les bien-heureux. O Myrtil, Myrtil: que mal-heureux fut le iour que premier ie te vy, & le iour que premier ie te pleus, puis que ma vie cent fois plus chere à toy que la tienne propre, ne deuoit estre pour autre raison ta vie, que pour estre cause de ma mort! Ainsi (qui l'eust pensé) pour toy meurt condamnée celle qui te fut cruelle pour viure innocente. O iour pour moy trop plein d'ardeur pour toy trop plein de hardiesse! Peché ou fuite m'eussét mieux valu. Quoy qu'il en soit, ie meurs innocente, & sans toy hélas! mon cœur Myrtil.

Nic. Je croy qu'elle se meurt. O pauvre fille, accourez vous autres, soustenez là avec moy. O grand fortune! Au nom de Myrtil elle a fini sa vie, elle a fini ses iours, & en sa mort l'amour & la douleur ont preuenue le couteau? O miserable fille! Elle n'est pas morte encores, ie sens encores des signes de vie à só cœur qui palpite. Portons-là à ceste fontaine

proche : peut estre avec l'eau fraische
luy ferons nous reuenir ses esprits. Mais
qui sçait si ce n'est point œuvre de cru-
auté d'estre fauorable à qui meurt de
douleur pour ne mourir point de cou-
steau? Quoy qu'il en soit, secourons là,
& faisons maintenant ce qui conuient à
la pieté presente.

Car du futur Dieu à seul cognoissance.

ACTE QUATRIEME.

SCENE VI.

LE CHOEVR des Chasseurs.

LE CHOEVR des Bergers,
avec Siluio.

O *Enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.*

*Ch. des Berg. O ieune enfant glorieux
Qui restes victorieux
De ceste beste au possible*

I iij

Esſpouuèntable & horrible,
Voila cette horrible heure,
Ce grand monſtre de nature,
C'eſt ce hideux qui tout mort
Menace encor de la mort.

Voila le rare trophèe
Dont la gloire eſt eſtoffee
De noſtre beau demi-Dieu:
Bergers celebrez ſa gloire,
Et ſon heureuſe memoire
Iamais ne meure en ce lieu.

Ch. des Ch. O enfant glorieux qui monſtres
Que d'Hercul tu es le vray fils,
Ayant aux premieres rencontres
Si ieune, tels monſtres occis.

Ch. des Berg. O ieune enfant glorieux
Qui es des tiens ſoucieux:

Voila l'immortelle voye

Qui a la vertu conuoye.

Les Dieux ont mis deuant elle

La peine continuelle:

Le travail & le ſoucy

Marchent deuant elle auſſi.

Celuy qui veut à ſon aiſe

Paſſer le temps qui nous peſe:

Premier travaille diſpoſ,

Car la pareſſe n'ameine,

Ains le travail & la peine
Le perdurable repos.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. O ieune enfant glorieux,
Par qui ces champs spacieux
Ont la beauté reconuee
De leur robbe chamarree.
Va laboureur, & l'arue
Desormais à ta charnè,
Et semant en la saison,
Atten hardy la moisson.
La dent & le pied funeste
Aux labourages moleste
Ne les desolera plus?
Et pour soustenir ta vie
Dont le long terme s'ennuye,
Iouy de tes reuenus.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. ô ieune enfant glorieux,
Le ciel tout presageux
De ce doux air qui souspire

Semble à ta gloire sousrire,
 Ce sanglier ne cede guere
 A celuy que ton grand pere,
 Le grand Hercule iadis
 Tua dedans ce taillis:
 Contre des bestes sauvages
 Tu fais tes apprentissages
 Pour esprouuer ta valeur,
 Et faire vn iour recognoistre
 Que tu as de ton ancestre
 Et la vaillance & le cœur.

Ch. des Ch. O enfant glorieux qui monstres
 Que d'Hercul tu es le vray fils,
 Ayant aux premieres rencontres
 Si ieune, tels monstres occis.

Ch. des Berg. O ieune enfant glorieux,
 Comme vn grand cœur genereux
 Et la pitié ensemble
 En vn suiet tu assemble:
 Voila, ma Deesse grande,
 De ton chasseur vne offrande:
 Voy ce superbe animal
 Qui s'animoit à ton mal:
 Que si ta puissante Deesse,
 Tu as encoché d'adresse
 La flèche de cet enfant,
 Il doit bien en ta memoire

T'offrir le prix de la gloire
Dont tu le fais triomphant.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

ACTE QUATRIEME.

SCENE VII.

Coridon.

L'Ay bien esté en suspens si ie deuois
adiouster foy à ce que le Satyre me
vient de dire de Corisque, craignant que
ce soit quelque fourbe qu'il ait tramee
à mon dommage, me semblant y auoir
peu d'apparence qu'au mesme lieu, où
elle se deuoit trouuer avec moy (si ce
que Lisette m'a rapporté de sa part
n'est point faux) elle ait esté surprins
si soudain avec vn adultere. Mais à dire
la verité, la gueulle de cet antre de la fa-
çon qu'il m'a dit, & qu'il se voit aussi à
l'œil bouchee d'une pierre si lourde m'e

donne vne grande coniecture, & me trouble beaucoup l'esprit. Corisque, il y a long temps que ie preuoy que bronchant si souuent il te conuiendroit tomber en fin, sans te pouuoir releuer iamaïs: & veritablement tant de perfidies & mensonges deuoient bien estre certains presages d'une si mortelle cheute, à qui n'eust point esté priué de sens, ni auéuglé d'amour: bon pour moy que j'aye tardé. C'a esté grand aduventure de ce que mon pere m'a retenu, ce qui me sembloit lors vn empeschemēt fort facheux: que si ie me fusse trouué à l'heure que Lisette m'auoit prescrite, il me pouuoit, certes, arriuer aujourd'huy vn estrange accidēt. Mais que dois-ie faire? doy-ie armé de courroux recourir aux outrages? recourir aux vengeances? non, ie l'honore trop: aussi a en parler saine-ment, ce fait est plustost digne de compassion que de vengeance. Quoy, auras tu pitié d'une qui te trompe? mais c'est elle qui s'est trompee soy-mesme, en ce que laissant vn qui l'a tousiours seruie & aimée d'une foy pure & entiere, elle s'est donnée en proye à vn vil berger, à

vn vagabond & estranger qui dès demain sera plus trôpeur & perfide qu'elle. Quoy, doy-ie venger vn outrage qui porte avec soy sa vengeâce? & passe tellement le courroux, qu'il réd le desdain pitoyable? Mais elle s'est mocquée de toy: ains elle t'a honoré. I'ay beaucoup de quoy me loüer qu'une femme m'ait reiecté qui a de coustume de prendre son mal, & qui ne sçait les loix d'aimer, ni mesmes d'estre aimée, qui choisit toujours le moins digne, & abhorre le plus gentil. Mais dy moy, Coridó, si le courroux de ton mespris ne t'esmeut à vengeance, comment se peut faire que le regret de ta douleur, de ton dommage ne t'esmeuve au moins? Je ne l'ay point perduë, elle qui n'estoit pas mienne, mais ie me suis recourré moy mesme qui n'estois point à moy. Perdre vne femme si legere, si prompte & facile à mutation, le pourroit-on bien appeller perte? Et en fin qu'ay-ie perdu? Vne beauté sans honneur, vn visage sans entédement, vn estomac sans cœur, vn cœur sãs ame, vne ame sans foy, vne ombre vaine, vn fantôme, vn corps mort d'Amour, qui dès

Le grand Jupiter m'est tesmoin à qui nulle des penſees des hommes eſt cachee, & m'est tesmoin la grande Deſſe de qui ie ſuis miniſtre indigne, cōbien me poiſe ta douleur, & ſi par mes paroles ie t'ay offenſee, i'ay fait cōme le medecin dont la main pitoyablement cruelle va ſondant avec le fer & la ſonde les lieux plus creux de la bleſſure, & recognoiſt l'endroit plus dangereux & ſuſpect. Appaiſe toy doncques deſormais, & ne combats plus long temps contre ce qui eſt eſcrit de toy au ciel.

Am. Cruelle ſentence! en quelque lieu qu'elle ſoit eſcrite, ſoit au ciel, où en terre. Mais certes elle n'eſt point eſcrite au ciel, car là ſus mon innocence eſt cōgneuë. Mais las! que me fert tout cela ſ'il cōuient que ie meure? Ha Nicandre, c'eſt là certes le dur paſſage, c'eſt le calice plein d'amertume! Helas, par celle pitié que tu monſtres auoir de mon infortune ne me conduis point ſi toſt au temple: Attens ie te prie encores, attens encore vn peu.

Nic. Celuy (ma belle Nymphe) à qui poiſe ſi fort
De payer ce tribut, tout moment luy eſt mort:

Que tardes-tu ton mal? certes la mort cruelle
 N'a autre mal en soy que de penser en elle,
 Et plustost meurt celuy qui doit passer ce pas,
 Plustost il se desrobe à son propre ivespas.

Am. Peut estre que cependant il me
 viendra secours. Mon pere, mon pere, me
 laisses-tu ainsi? Quoy? Pere d'une fille
 unique, me laisses-tu mourir ainsi sans
 me secourir? Ne me desnie point au
 moins les derniers baisers. Helas une
 seule espee entamera deux cœurs: la *ferir*
 playe de ta fille versera ton sang: Ah, pe-
 re, nom si cher, vn temps fut qu'onques
 ie n'inuoquay en vain, fais-tu ainsi les
 nopces de ta bien aimée fille, espouse
 sur le matin, & sacrifice au soir?

Nic. Donne toy repos (pauvre Nym-
 phe) que te sert, hélas! de te tourmen-
 ter & autrui? Il est temps deormais
 que ie te mène au temple, & mon de-
 uoir ne me permet d'attendre plus long
 temps.

Am. Adieu cheres forests! chere fo-
 rests Adieu! receuez ces derniers souf-
 pirs iusqu'à ce que mon ame froide *délicie*
liee de ce corps d'un glaive iniuste & *ferir*
 cruel, retourne vers vous, sous vos om-

bres aimees: car mon ame innocente ne peut aller aux enfers de peine : vne dolente & pauvre desesperée, ne peut demeurer aussi entre les bien-heureux. O Myrtil, Myrtil: que mal-heureux fut le iour que premier ie te vy, & le iour que premier ie te pleus, puis que ma vie cent fois plus chere à toy que la tienne propre, ne deuoit estre pour autre raison ta vie, que pour estre cause de ma mort! Ainsi (qui l'eust pensé) pour toy meurt condamnée celle qui te fut cruelle pour viure innocente. O iour pour moy trop plein d'ardeur pour toy trop plein de hardiesse! Peché ou fuite m'eussét mieux valu. Quoy qu'il en soit, ie meurs innocente, & sans toy hélas! mon cœur Myrtil.

Nic. Je croy qu'elle se meurt. O pauvre fille, accourez vous autres, soustenez là avec moy. O grand fortune! Au nom de Myrtil elle a fini sa vie, elle a fini ses iours, & en sa mort l'amour & la douleur ont preuenue le cousteau? O miserable fille! Elle n'est pas morte encores, ie sens encores des signes de vie à sô cœur qui palpite. Portons-là à ceste fontaine

proche : peut estre avec l'eau fraische
luy ferons nous reuenir ses esprits. Mais
qui sçait si ce n'est point œuure de cru-
auté d'estre fauorable à qui meurt de
douleur pour ne mourir point de cou-
steau? Quoy qu'il en soit, secourons là,
& faisons maintenant ce qui conuient à
la pieté presente.

Car du futur Dieu à seul cognoissance.

ACTE QUATRIEME.

SCENE VI.

LE CHOEVR des Chasseurs.

LE CHOEVR des Bergers,
avec Siluio.

O *Enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.*

*Ch. des Berg. O ieune enfant glorieux
Qui restes victorieux
De ceste beste au possible*

I iij

Esponuentable & horrible,
Voila cette horrible heure,
Ce grand monstre de nature,
C'est ce hideux qui tout mort
Menace encor de la mort.

Voila le rare trophée
Dont la gloire est esloffée
De nostre beau demi-Dieu:
Bergers celebrez sa gloire,
Et son heureuse memoire
Jamais ne meure en ce lieu.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. O ieune enfant glorieux
Qui es des tiens soucieux:

Voila l'immortelle voye
Qui a la vertu conuoye,
Les Dieux ont mis deuant elle
La peine continuelle:
Le travail & le soucy
Marchent deuant elle aussi.

Celuy qui veut à son aise
Passer le temps qui nous pèse:
Premier travaille dispos,
Car la paresse n'ameine,

Ains le travail & la peine
Le perdurable repos.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. O ieune enfant glorieux,
Par qui ces champs spacieux
Ont la beauté reconuee
De leur robbe chamarree.
Va laboureur, & l'aruë
Deformais à ta charnè,
Et semant en la saison,
Atten hardy la moisson.
La dent & le pied funeste
Aux labourages moleste
Ne les desolera plus?
Et pour soustenir ta vie
Dont le long terme s'ennuye,
Iouy de tes reuenus.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. ô ieune enfant glorieux,
Le ciel tout presageux
De ce doux air qui souspire

Semble à ta gloire soufrire,
Ce sanglier ne cede guere
A celuy que ton grand pere,
Le grand Hercule iadis
Tua dedans ce taillis:
Contre des bestes sauvages
Tu fais tes apprentissages
Pour esprouuer ta valeur,
Et faire vn iour recognoistre
Que tu as de ton ancestre
Et la vaillance & le cœur.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

Ch. des Berg. O ieune enfant glorieux,
Comme vn grand cœur genereux
Et la pitié ensemble
En vn suiet tu assemble:
Voila, ma Deesse grande,
De ton chasseur vne offrande:
Voy ce superbe animal
Qui s'animoit à ton mal:
Que si ta puissante Deesse,
Tu as encoché d'adresse
La flèche de cet enfant,
Il doit bien en ta memoire

T'offrir le prix de la gloire
Dont tu le fais triomphant.

Ch. des Ch. O enfant glorieux qui monstres
Que d'Hercul tu es le vray fils,
Ayant aux premieres rencontres
Si ieune, tels monstres occis.

ACTE QUATRIEME.

SCENE VII.

Coridon.

L'Ay bien esté en suspens si ie deuois
adiouster foy à ce que le Satyre me
vient de dire de Corisque, craignant que
ce soit quelque fourbe qu'il ait tramee
à mon dommage, me semblant y auoir
peu d'apparence qu'au mesme lieu, où
elle se deuoit trouuer avec moy (si ce
que Lifette m'a rapporté de sa part
n'est point faux) elle ait esté surprins
si soudain avec vn adultere. Mais à dire
la verité, la gueulle de cet antre de la fa-
çon qu'il m'a dit, & qu'il se voit aussi à
l'œil bouchee d'une pierre si lourde m'

vn vagabond & estrangier qui dès demain sera plus trôpeur & perfide qu'elle. Quoy, doy-ie venger vn outrage qui porte avec soy sa vengeâce? & passe tellement le courroux, qu'il rēd le desdain pitoyable? Mais elle s'est mocquée de toy: ains ellet'a honoré. I'ay beaucoup de quoy me louer qu'une femme m'ait reietté qui a de coustume de prendre son mal; & qui ne sçait les loix d'aimer, ni mesmes d'estre aimée, qui choisit tousiours le moins digne, & abhorre le plus gentil. Mais dy moy, Coridō, si le courroux de ton mespris ne t'esmeut à vengeance, comment se peut faire que le regret de ta douleur, de ton dommage ne t'esmeue aumoins? Je ne l'ay point perduë, elle qui n'estoit pas mienne, mais ie me suis recouré moy mesme qui n'estois point à moy. Perdre vne femme si legere, si prompte & facile à mutation, le pourroit-on bien appeller perte? Et en fin qu'ay-ie perdu? Vne beauté sans honneur, vn visage sans entēdement, vn estomac sans cœur, vn cœur sās ame, vne ame sans foy, vne ombre vaine, vn fantōsme, vn corps mort d'Amour, qui dès

ACTE QUATRIEME.

SCENE VII.

Silvio.

O Deesse ? mais qui n'es Deesse que
d'une gent sottise, qui d'une ame pol-
luë & d'une religion plus prophane, te
dresse des autels & des temples. Quoy
temples ? ains des retraites d'impietez &
receptacle de vilanies pour couvrir d'un
manteau honneste, & d'une deité vene-
rable leurs infames amours. Et toy sale
Deesse, afin que ta honte soit moins co-
gnüe par la honte des autres : tu lasches
la bride à leurs desbordemens, ennemie
de raison, fonge-larcins, corrompte des
ames, calamité commune des hommes &
de tout le monde, fille bien digne de la
mere, & dignement conçue de ce mon-
stre perfide, qui du vent d'un espoir at-
trayant excite es cœurs des hommes
tant d'horribles tempestes, tant de
desirs troublez, tant de peines & lar-
mes, que lon deuroit l'appeler plu-

machinaice tot dogne fortune

Illost mere d'orages & de fureurs que
d'Amours: voy, iete prie, en quelle mise-
re tu as précipité ces deux pauvres amās.
Or va toy, qui te vantes d'estre toute
puissante? Va perfide: & sauue si tu peux
la vie à ceste desolee Nymphé que tu as
conduite à la mort par tes douceurs en-
uenimees. O pour moy bien-heureux le
iour que ie te voüay mon ame chaste: ma
Deesse vnique Diane, ma deité sacree,
mon vray secours, Deesse non moins des
ames plus belle en ceste terre basse, que
flambeau reluisant au Ciel sur toutes les
estoilles. Cóbien plus loüables & plus
asseurez de leur fait sont tes affectiōez
qui se cōsacrent à tes esbats, que ces pau-
ures chetifs qui se rendent esclaués de ce-
ste impudique Venus? Tes deuots serui-
teurs sont miserablement tuez d'eux. O
bel arc, mon pouuoir & plaisir! ô traits,
mes forces inuincibles! vienne mainte-
nant à l'espreuue ce fantosme d'Amour
avec ses armes effemmees, qu'ils vien-
nent vn peu en parangon à vous, à vous
di-ie, qui sçauéz si bien poindre. Mais,
certes, iete fay trop d'honneur, vil en-
fançon couüard, iete crie à haute voix.

afin que tu entendes mieux que le foiuet *sfer*
 contre toy me fuffit. SUFFIT. Qui es-tu
 qui me répond? Es-tu Echo ou Amour,
 qui imites fa voix & le sô que tu as ouy?
 Ouy. Certes c'est toy que ie demande,
 mais dis le moy encor pour certain afin
 que ie n'en sois plus en doute? SANS
 DOUTE. Tu es donc fils de cette Deesse
 qui pour le bel Adonis conçoit tant de
 foudri en son beau sein d'yuoire? VOIRE.
 Comment te plaist, dy moy, cette con-
 cubine de Mars qui de son impudicité
 infecte les Astres mêmes, & tous les
 élemens? MENS. O que c'est grand peine
 de langager au vent: vien vn peu com-
 paroistre, & ne te cache point. POINT. Si
 te tiens-ie pour vn vieillaque: mais es-tu
 sô fils legitime ou bastard? di moy. MOY.
 Ouy toy, car ie ne croy point que tu sois
 fils de Vulcan, tu ne l'es point. Ce m'aïst
 Dieu. MAIS DIEU. Et Dieu dequoy? de
 quelque cœur immonde? MONDE. Du
 monde! O le mauuais garçon, si feure
 vengeur de ceux qui le vont combattât!
 TANT. Quelles peines donnes-tu à tes
 rebelles, & quel chastiment si amer?
 AIMER. Et que feras-tu de moy qui te

mesprise, si i'ay le cœur plus dur que diamant? *A M A N T.* Moy amant ie croy que tu es fol : mais quand est-ce qu'en ce cœur pudique amour fera seiour? *C E I O U R.* Ce ioui! Peut lon aimer si tost, si tost encores? *O R E S.* Et qui sera celle qui fera qu'aujourd'huy ie l'adore? *D O R E.* Enfât tu veux dire, Dorinde, qu'ainsi à demy mortu appelle, *E L L E.* Dorinde que ie hay plus que la brebis le loup: mais qui m'y forcera? c'est mon esmoy. *M O Y.* Toy? comment? avec quelles armes? avec quel arc? peut estre avec le tié? *L E T I E N.* Comment avec le mien, tu veux peut estre dire lors que par ces delicateesses tu l'auras corrompu? *R O M P U.* Et mes armes rompuës me feront la guerre, & tu les rompras toy? *T O Y.* Cela veritablemēt me fait bien paroistre que tu es yure. Va dormir, va : mais dy moy encores ou aduiendront toutes ces merueilles-cy? *C Y.* Pauvre sot! Ie m'en vay donc. Tu es deuenue quelque prophete remply de vin. *D E V I N.* Mais il me semble de voir deuers ce buisson ie ne sçay quoy de gris, qui ressemble à vn loup & en est vn ce me semble : c'est vn loup

pour certain. Qu'il est grand! ô iour de
 proye fatal pour moy, ô courtoisie Dees-
 se, quelles faueurs sont ce ci, en vn seul
 iour triompher de deux bestes? Mais que
 tarday-ie, ma Deesse, voila que ie choisi *qu'il*
 en tó nó la fleche la plus legere & mieux
 aceree qui soit en ma trouffe, ie te la re- *ferme*
 cõmande: Tire-la toy, Archere eternal-
 le, des mains de la fortune, & la dresse sur
 la proye par ton infailible diuinité, à *fera*
 laquelle ie fay vœu d'en cõsacrer la des-
 pouille. Ie tire en tó nom. Le beau coup,
escheu à propos où l'œil & la main le *cadre*
 dresseoit. Eussay-ie mon dard maintenāt
 pout l'acheuer en vn coup auant qu'il se
 rembusche: mais n'ayant autres armes ie
 le frapperay de celles de la terre. Que les
 caillous sont ici rares? à peine en puis-ie
 trouuer vn. Mais où vois-ie chercher des
 armes si ie suis armé: si ce quarreau luy *qu'on*
 dõne dās le vif: Helas, que vois-ie? helas,
 infortuné Siluio, helas qu'as tu fait? tu as
 blessé vn berger sous vne peau de loup. O
 cruelle aduāture, aduāture amere pour
 viure le reste de ma vie dolēt & misera-
 ble, ie pense cognoistre le pauvre: Linco
 est avecque luy qui le soustiēt & cõduir.

funto O funeste sagette, ô vœu mal écontr'eux,
 & toy encore plus funeste Deesse qui l'as
 conduite & qui l'as exaucée, ie seray d'oc
 coupable du sang d'une personne? ie se-
 ray cause de la mort de quelqu'un, moy
 qui ay ci deuant esté si prodigue de mon
 sang pour le salut d'un chacun? va iette
 tes armes & vy sans honneur, chasseur
 prophane, prophane archer. Or voila le
 miserable, mais de cent fois moins mi-
 serable que toy.

ACTE QUATRIEME.

SCENE IX.

Linco. Siluio. Dorinde.

A Ppuye toy ma fille, appuye toy
 toute sur ces bras, miserable Do-
 rinde.

Sil. Las Dorinde! ie suis mort!

Dor. O Linco, Linco, ô mon second
 pere!

Sil. C'est Dorinde pour vray: ah vois!
 ah veuë!

Dor. Ce te fut bié Linco vn office fatal

le. F I D E L L E. 9.^a 201

de soustenir Dorinde, tu as receu mes premiers souspirs le premier iour de ma naissance, tu recevras, ie croy, encor les derniers de ma mort. Ces bras qui pitoyables m'ont serui de berceau, me serviront de biere à ce iour de ma mort. *cul fere*

Lin. O fille qui m'es plus chere que si tu estois ma propre fille, ie ne te puis dire vn seul mot, tant ma douleur amere dissoult tous mes propos en larmes!

Sil. O terre que ne te fens-tu, & m'en-gloutis-tu tout vif? *apv*

Dor. Arreste tes pas & tes plaintes, pitoyable *Linco*, l'vn accroist ma douleur, l'autre ma playe.

Sil. Ah! quelle dure recompense tu reçois de ton amour, miserable Nymphé?

Lin. Prens bon courage, ma chere fille, la playe ne sera pas mortelle.

Dor. Mais Dorinde mortelle, sera bien tost morte: si ie sçauois au moins qui m'a ainsi blessée?

Lin. Guerissons la blessure, & non l'offence: car la vègeâce ne guarit la playe.

Sil. Mais que fais-tu ici? qu'attens-tu d'auantage? souffriras-tu qu'elle te voye? auras-tu bien le cœur? auras-tu bien la

Linco hardiesse! fuy, Siluio, la peine meritee de ceste veuë vengeresse : fuy le iuste cousteau de sa voix. Las! ie ne puis, & ne sçay comment ni quelle necessité fatale me retient à force, & me fait encliner plustost à ce que ie deurois fuir?

Dor. Il faut donc que ie meure ainsi sans auoir cognoissance de celuy qui me donne la mort?

Lin. Siluio t'a donné la mort.

Dor. Siluio! bons Dieux, qu'en sçais tu rien?

Lin. Ie recognois la fleche.

Dor. O doux depart de ceste vie, si Siluio m'a blessée.

Lin. Le voila tout à point de telle contenance & de visage qu'il sèble s'accuser soy-mesme: or Dieu soit louë, Siluio, tu as tant couru par les forests avec ton arc & tes fleches, qu'en fin tu as fait vn coup de maistre. Dy moy vn peu, toy qui vis en Siluio, & non en linco, penses-tu que ce braue coup que tu as fait soit vn coup de Linco ou de Siluio? O enfât sage, il te vaudroit mieux d'auoir creu ce vieillard insensé. Respon moy malheureux : que sera-ce de ta vie si ceste-cy se

meurt? le sçay bien, tu diras que tu ne l'as
pensé faire, que tu pensois que ce fust vn
loup, comme si ce n'estoit faute à toy de
tirer en enfant volage sans prendre gar-
de si tu dresles tes flèches contre vne
personne ou cōtre vne beste? Quel Ber-
ger, quel Pasteur & quel Laboureur vis
tu oncques en ta vie qui ne fust vestu de
telle sorte? Ah Siluio, Siluio!

*Cil qui cueille trop verd le fruit de sa sai-
son,*

*Recueille d'ignorance vn fruit trop de sai-
son.*

Penses-tu garçon volage, que cest ac-
cident te soit arriué aujourd'huy par
hazard? tu t'abuses.

*Ces accidens nouueaux qui sont si mon-
strueux,*

*Ne nous aduiennent point sans le vouloir des
Dieux.*

Ne vois-tu point que les Dieux sont
lassez de ce tien estrange & insupporta-
ble mespris d'amour, du monde, & de ses
passions?

*Les Dieux ne veulent point icy bas de sem-
blable,*

Voire en vertu brauer leur est intolerable.

Té voila muet maintenant, & tu estois ci deuant si insupportable.

Dor. Siluio, laisse dire Linco, car il ne sçait pas quelle puissance & de vie & de mort tu as en vertu d'amour sur Dorinde. Si tu m'as blessée, tu as blessé ce qui estoit rien, tu n'as touché qu'au vray but de tes flesches: & ces belles mains en me frappant ont suivi l'adresse de tes beaux yeux. Voila Siluio, celle que tu hays tât, la voila en l'estat que tu l'as desirée: tu l'as voulu frapper, tu l'as frappée: tu l'as voulu ta proye, la voila ta proye: en fin tu l'as vouluë morte, la voila morte: que veux-tu d'elle d'auantage? que te peut plus donner Dorinde? Ah, garçon cruel! Ah cœur sans pitié! tu ne pouuois croire la playe qu'amour m'a faite à ton occasion, peux-tu nier maintenāt celle que ta main m'a faite? tu n'as pas voulu croire le sang que ie respādois de mes yeux, croirois-tu celuy que ie verse de mon flanc? mais si la gentillesse & la valeur qui nasquit avec toy n'est point esteinte ne toy avec la pitié ne me desnie point ie te prie (ame cruelle, mais belle pourtant) ne me desnie point à mon dernier soupir,

pir, vn seul soufpir, ô qu'heureuse feroit
ma mort si tu l'adouciſſois de cette ſeule
douce & pitoyable parole, va t'en en
paix, mon ame.

Sil. Las, ma Dorinde, ah, diray-ie mien-
ne, ſi tu n'es mienne ſinon quand ie te
pers, & quand ie te donne la mort? & ia-
mais tu ne l'as peu eſtre quand ie t'ay peu
donner la vie? Ie te diray mienne pour-
tant, car tu ſeras mienne malgré mon
cruel deſtin: & ſi tu n'as peu eſtre mien-
ne durant ta vie, tu le ſeras avec ma
mort: tout ce que tu apperçois en moy ^{veut}
eſt diſpoſé pour te vanger. De ces armes ^{veut}
ie t'ay tuee, & de ces armes tu me tue- ^{car}
ras. Ie t'ay eſté cruel, ie ne te demande
que cruauté. Ie t'ay deſdaigné ſuperbe,
ore ployant les genoux à terre ie t'adore
avec reuerence, ie te demande pardon,
non la vie. Voila les fleſches, voila l'arc,
mais n'en frappe point ni les mains, ni
les yeux coupables de mon meſchant
vouloir. Frappe ma poitrine, frappe ce ^{feria}
monſtre de pitié, & cet aſpre ennemi
d'amour: frappe ce cœur qui te fut ſi
cruel: voila mon eſtomac.

Dor. Frapper ce bel eſtomac, *Silvio*? Il

K.

*cosio**ram*

ne le falloit ià descourir à mes yeux,
 si tu auois desir que ie le frappasse. O
 bel accueil des ondes & du vent de mes
 larmes, & de mes souspirs, battu si sou-
 uent en vain, est-il bien possible que tu
 respires, & que tu ressenties pitié, où si ie
 me trompes ? Mais seroit-ce bien vn
 estomac délicat ou de marbre ? Ie ne veux
 point que le semblant d'vn blâc albaistre
 m'abuse comme celuy d'vne beste sau-
 uage a tantost abusé ton maistre & le
 mien : te blesser, moy ? Amour te blesse s'il
 veut : car ie ne te puis souhaiter vne autre
 vengeance que te voir aimant. Bien-heu-
 reux soit le iour que premier ie bruslay
 pour toy ! bien-heureuses les larmes ! bien
 heureux les tourmens ! ie me veux louer
 de vous autres, non m'en vanger. Mais
 toy, courtois Siluio, qui t'enclines à cel-
 le de qui tu es seigneur, ne te tien point
 en seruiteur : ou si tu veux estre seruiteur
 de Dorinde, leue toy à son mandement :
 & soit cela le premier gage de ta foy, &
 le second que tu viues : aduienne de moy
 ce qui en est escrit au Ciel : mon cœur
 viura tousiours en toy, car pourueu que
 tu viues ie ne scaurois mourir, & s'il ne

te semble raisonnable que ma blesseure demeure impunie, soit puni qui l'a faite: l'arc seul l'a faite, perisse l'arc, sur cet homicide seul perisse la peine, & qu'il soit deffait.

Lin. Sentence iuste & favorable.

Sil. Soit donc ainsi. Toy donc bois funeste, tu payeras la peine, & afin que jamais tu ne rompes le fil de la vie de personne, voila que ie romps, ie t'esnerue & te renuoye tel que tu as esté autrefois tronc inutile à la forest. Et vous ses ~~ra~~ traits qui auez tant entamé le beau flanc de ma chere Dame, ses freres peut estre de nature & de mauuaistié, vous ne demeurerez point entiers: vous ne serez plus ni fleches ni garrat, mais verges en vain empanées & armées, en vain fers emplumez, & plumes desarmées. Tu me l'auois bien dit Amour entre ces ramées en voix d'Echo deuineresse. O Dieu dompteur des homes & des Dieux! n'aguere ennemy, & seigneur maintenant de toutes mes pensées, si tu estimes que ce soit ta gloire d'auoir d'ompté vn cœur superbe & dur, deffens moy ie te prie de l'impiteux dard de la mort, car

le coup qui tuera Dorinde, tuera Siluio avec Dorinde, ainsi la mort cruelle triompheroit des triomphes d'Amour.

Lin. Ainsi vous estes blesez tous deux, ô playes bien fortunées & chères : mais amères outre mesure, si ceste Dorinde ne guarit aujourd'huy ? allons doncques pour la guarir.

Dor. Je te prie *Linco*, ne me mène point en cet équipage en la maison de mon pere. *partie*

Sil. Tu te voudrois donc retirer, Dorinde, ailleurs que chez ton Siluio ? Certes ou viue ou morte, tu seras aujourd'huy ma femme, & vif ou mort Siluio sera avec toy.

Lin. Mais comme à propos ! maintenāt qu'Amarillis a perdu ses nopces, la vie & l'honneur. O couple bien-heureux ? Dieux souverains, par vne seule guarison donnez la vie à deux ?

Dor. Que ie suis lasse Siluio, à grand peine me puis-je soustenir sur ce costé que i'ay bleffé.

Sil. Prenez coutage, ma chere amie, on trouuera quelque remede, tu nous seras vne douce charge, & nous te seruirōs de

Sc.² F I D E L L E. 9^e 209
soustien. Linco donne moy la main.

Lin. La voila.

Sil. Tien là bien ferme, & de ton bras & du mié faisons luy vn siege. Toy Dorinde sieds toy-là, & là avec le bras droit ferre le col de Linco, & deçà avec le gauche pren toy au mien, & t'accommode si doucement que ta blesseure ne te face mal.

Dor. Ah! pointure cruelle qui m'eslan-
ce.

Sil. Accommode toy à ton aise mon
bien.

Dor. Il me semble maintenant que ie
suis bien.

Sil. Linco marche de pied ferme.

Lin. Et toy de ton bras ne vacille
point, mais va droit & seurement. Sçais
tu ce qu'il te faut? cela : c'est bien autre
chose de triompher de la hure d'un lan-
glier.

Sil. Di moy, Dorinde, côme te poingt
fort la fleche?

Dor. Elle me poingt fort voirement,
mon cœur : mais entre tes bras il m'est
agreable d'estre pointe, & le mourir
m'est doux.

LE CHOEVR.

O Bel sage doré que le monde nouveau (cean
 Le lait avoit pour mets, & les bois pour ber-
 Où les libres troupeaux ne voyoyent point soustraire
 Leurs petits gemissans du dessous de leur mere:
 Lors qu'on n'apprehendoit ni cousteau ni poison
 Lors que mille pensers n'offusquoient la raison,
 Qui ore ne luisant qu'à travers du nuage
 De nos sens tenebreux, n'a plus rien qu'un ombrage:
 D'où vient qu'ore insensé le sapin estrange
 Va la terre lointaine, & la mer ravager.

Ce suiet vain de gloire, & ce nom factueux
 De siltres d'apparence, & de nom glorieux,
 Que le vulgaire honneur indignement appelle,
 Ne tyransoit point nostre libre cervelle.
 Nos soucis n'estoient point de ces poignans soucis,
 Des vrais contentemens naissoient nos appetits.
 Et la fidelité en ces douces années
 Fut tout le soin d'honneur de ces ames bien nees:
 Qui sans tant de respects faisoient en liberté,
 Ce que leur proposoit la loy d'honnesteté.

Alors parmi les prez ou quelque eau ruisseloit,
 Le flambeau qui d'amour nos poitrines brusloit,
 C'estoient cent mille esbats, c'estoient mille caroles.
 La volonté des cœurs respondoit aux paroles,
 Et l'Hymen nous rendoit les baisers plus estreints,
 Un seul goustoit d'amour les plaisirs souverains,
 Et l'amour desrobé trouvoit tousjours barree
 D'une fiere rigueur la beauté desirée.
 Et le nom de mary & d'amant tout commun,
 Ore si different, de ce temps n'estoit qu'un.

Mais, ô siecle peruers, tu nous as arraché
De tes salles plaisirs le bien plus recherché
Que possedoit nostre ame, enseignant de restreindre
Nostre brulante joïe sous le voile d'un feindre?
Comme un rit sous des fleurs & des feuilles caché,
D'actions de vertu tu caches le peché
De tes pensers lacifs, estimant que paroître
Soit la vraye vertu qu'il nous faille cognoître,
Et beaucoup ne se chaut si l'amour est volé,
Car on l'appelle honneur pourueu qu'il soit celé.

Mais (ô H O N N E U R ,) seigneur des beaux
esprits,
Vien former en nos cœurs des souhaits bien appris,
Vien gouverner des Roys en ces places ombreuses,
Qui ne peuuent sans toy se trouuer bien heureuses.
Es de tes esguillons poings ces lasques de cœur
Qui ne suivent tes pas dans le beau chāp d'honneur,
Les hargiques de sens : & l'heur du premier aage,
D'un soucy genereux de leur poingt le courage.
Mais esperons pourtant nostre mal bien souuent
Se guarir par l'esperoir qui va l'amadoiant.
Esperons, esperons, le Soleil chet au soir,
Et renaist au matin plus desirable à voir,
Aussi lors que le Ciel donne moins de lumiere,
Le beau temps desiré à venir ne met guere.

K iiij



ACTE V.

SCENE I.



Vranio. . . . Car ino.

Toute demeure est bonne où lon se trouue
bien,

Et à l'homme de cœur tout pays est le sien.

Car. Cela est bien certain, Vranio, &
ie te le puis bien dire encore pour l'a-
voir essayé , pource que laissant en bas
aage la maison de mon pere, & desireux

d'autre chose que de paître troupeaux *ammi*
ou labourer la terre, voyageant çà & là,
ie retourne en fin d'où ie party bien ieune.
Et veritablement à qui du tout n'est
priué de raison, c'est chose merueilleu-
lement douce que l'air du pays: car la na-
ture a donné aux hommes vne certaine
affectiō incogneuë vers le pays ou nous
sômes nais, qui vit en nous, & ne vieil-
lit iamais. Et tout ainsi que l'aymant
que le marinier porte tantost où le Soleil
se lene, tantost où il se couche, ne pert
iamais la vertu occulte dont il regarde
sa tramontane: Ainsi celuy qui sort de
son pays, ores qu'il s'en esloigne, voire
souuent se niche en vne terre estrangere: *ammi*
neantmoins ce naturel amour qui incli-
ne son ame à aimer son pays le retient
toufiours. Or de moy sur tout autre ai-
mee & chérie, aussi plus que toute autre
belle & agreable terre d'Arcadie, que
maintenant ie touche du pied, & que ie
reüere en mon ame; Gratieuse mere,
quand bien ie serois arriué à yeux clos *chère*
dedans tes limites, encores t'auray-ie
bien recogneuë! Aussi tost ie me suis
laissé couler dans les veines vn certain

plaisir incognu & caché si plain de douleur & de ioye, que ie l'ay ressentý par tous les endroits de mon corps. Toy doncques, cher Vranio, si tu m'as esté cõpagnon du trauail du chemin, & des incommoditez passées: c'est bien raison aussi que tu sois participant de la iouissance de mes plaisirs.

Vr. Ie t'ay bien esté compagnon des incommoditez, mais du bien de ton retour, non: toy estant à present arriué en tõ pays, où tu pourras reposer tes membres, & encores plus tõ esprit. Mais moy qui arriue estranger si esloigné de ma maison & de ma petite famille, trainant avec toy par des chemins si lógs, si difficiles & si fascheux, ce pauvre corps lassé: ie puis bien restaurer mes membres, mais non pas mon esprit, pensant à ce que i'ay laissé derriere moy, & à ce qui me reste de chemin ennuyeux auant que trouuer le repos. Ie ne sçay certes qui (autre que toy) en cet âge cheu, m'auroit tiré d'Elide sans sçauoir l'occasion qui te peut auoir meü de me conduire en pays si esloigné.

Car. Tu sçais que mon cher Myrtil,

que le Ciel m'a donné pour fils, s'en vint
ici pour se guarir, & ià deux mois sont
passez, & plus peut estre suiuant en cela
mon aduis, ains plustost celuy de l'Ar-
cadie le pouuoit guarir. Moy qui ne puis
souffrir long temps l'absence d'un gage
qui m'est si cher, i'ay eu recours au mes-
me oracle, que i'ay derechef enquis de
son desiré retour, lequel m'a donné telle
responſe:

IL T'EN FAUT RETOVRNER A
L'ANTIQUE PATRIE,
OV AVEC TON MYRTIL TV VIVRAS
BIEN-HEUREUX.

A GRANDS CHOSES LE CIEL TE
GARDE AVANTUREUX.

MAIS, LE POURQUOY S'EN TAIST
HORS DES CHAMPS D'ARCA-
DIE.

Toy doncques, ô compagnon fidelle,
mon cher Vranio, qui as tousiours esté
participant de ma fortune, repose seule-
ment tes membres las, tu auras bien auſ-
ſi de quoy reposer ton esprit toute ma
bonne fortune (si elle est telle que le

Ciel la designe) sera commune entre
 toy & moy: en vain Carino s'efforçeroit
 en sa felicité si Vranio se douloit ~~alleguer~~

memor Vr. Tout travail pris à ton occasion,
 pourueu qu'il te soit agreable, porte son
allegeance avec soy (mon Carino:) Mais
 quelle fut l'occasion qui t'a fait laisser
 ainsi ton propre pays qui t'estoit si
 doux?

auda Car. Vn certain desir de ieunesse d'ac-
 querir reputation ou la renommee est
 plus grande, de sorte que conuoiteux en-
 core de gloire estrangere, ie desdaignay
 que la seule Arcadie parlât de moy &
ferm. m'entendist, comme estant mon pays vn
ingust trop estroit espace de mō stile trop haut,
 & arriuy ou le nom celebre d'Elide
 & de Pise donne à plusieurs tant de re-
 nom. Je vy là le fameux Egon, premie-
docto rement de laurier, puis d'escarlata: mais
 beaucoup plus de vertu decoré, tel que
 on l'eust pris pour vn Phœbus. A cause
 de quoy ie consacray deuotement & ma
letra harpe & mon cœur à la diuinité. En
 ces quartiers là ou loge la gloire, il
 me deuoit suffire d'estre arriué au but ou
 mon cœur aspiroit: si tout ainsi que le

Ciel me fut heureux en terre, il m'eust
 fait aussi recognoissant & bon gardien
 de mon bon-heur. Depuis, comme pour
 voir Argos & Micene ie laissay Elide &
 Pise, & comme là i'adoray vne deité hu-
 maine, avec tout ce que i'enduray en ce-
 ste seruitude, ce te seroit chose trop en-
 nuyeuse de l'entendre, & à moy trop tri-
 ste de te le raconter. Seulement ie te di-
 ray que ie perdy & ma peine & mon
 temps: i'escriuy, ie pleuray, ie chantay, ie
 bruslay, ie gelay, ie couru, ie m'arrestay,
 i'enduray, ores triste, ores ioyeux, ores
 haut, ores bas, ores mesprise, ores chery. *Caro*
 Et tout ainsi que le fer Delphique est em-
 ployé tantost pour quelque haute entre-
 prise, tantost pour vn ouurage bas, ainsi
 ie n'ay craint danger quelconque, ni eui-
 té aucun travail: l'ay tout fait & n'ay rié
 aduancé. Pour changer de lieu, d'estat, de
 vie, de penser: de façons & de poil, ie n'ay
 pas changé de fortune. Ie recognu en fin
 & regretté ma liberté premiere. Et après *loysira*
 tant de peine laissant Argos & les gran-
 deurs remplies des miseres, ie retour-
 nay de Pise en ma maison premiere, où
 graces à Dieu, ie fis acquest de mon cher

Myrtil, consolation de tous mes ennemis passez.

*Vr. O mille & mille fois bien-heureux est celuy
Qui refrene si bien ses penfers auionrd'huy
Que par vne esperance en vain immoderee
Il ne perde le fruit d'une aise temperee.*

Car. Mais qui auroit pensé deuenir ~~à~~
neant au milieu des grandeurs, & appau-
epouuer. ~~ur~~ir entre les richesses? Moy i'estimois
qu'aux royales maisons les personnes
fussent d'autant plus humaines que plus
elles auroient d'abondance, pour estre
l'humanité vn ornement si rare. Mais
car. Vranio, ie trouuay bien tout au contrai-
re, gens de nom, & de parler courtois,
mais chiches de plaisirs & de secours,
vne gent ennemie qui fait bon vilage,
mais plus fiere cent fois & enflee que la
mer, gent seulement d'apparence: où si tu
apperçois vn bon vilage, tu trouueras
apres vn esprit plein d'enuie, & en vn
regard droit vne ame de trauers: & lors
moins d'assurance quand l'accueil est
plus doux. Ce qui ailleurs est vertu, est
vice en ce lieu là: pieté sincere, foy in-
violable, & vne vie de main & de cœur

innocète, leur restét vne abrection, folie
d'un cœur pusillanime, & vanité digne
de rusee, tromper, mentir, fraude, larcin,
rapine reuestuë de pitié, & s'accroistre
avec la perte & la ruine d'autrui, & s'hon-
orer par l'infamie des ~~autres~~, sont les
vertus de ceste gent perfide. Il n'y a me-
rite, il n'y a valeur, ni respect d'aage, de
degré, ni de loy: ni de frain de honte, ni
respect de l'amour & du sang, ni souue-
nance du bien fait. Bref il n'y a chose si
venerable, si sainte & iuste qui ne soit
violee par ceste cupidité ambitieuse
d'honneur par ceste faim d'auoir insatia-
ble. Or moy qui ay tousiours vescu pau-
rue, & ignorant de leurs pratiques: qui
ay tousiours porté escrit sur le front ma
pensée, avec vn cœur ouuert: ie te laisse
à penser si i'ay esté la butte où l'enuie a
descoché les plus poignants traicts de
sa malice.

*Vr. Qui pourra se vanter d'estre heureux
sur la terre,*

Se l'enuie à vertu fait si mortelle guerre?

*Cor. Mon cher Vranio. Si depuis le
iour que ma Muse passa d'Elide en Ar-*

gos , i'eusse eu autant de loisir de chanter que i'eu tousiours d'occasion de gémir, i'eusse chanté peut estre d'un si haut stile les armes , & les honneurs de mon maître , qu'ores Achille n'auroit point d'occasion d'enuier la haute trompette d'Homere, & ma partie mere des infortunez Cygnes, seroit bien par moy environnée du second laurier. Mais auourd'huy (ô siecle trop humain) l'art de poëtiser c'est fait trop mal-heureux.

repose, & l'âme *(ad)*
Doux repas, doux repos, & doux repaire encore,
Cherchent les Cygnes doux, dont le doux chant s'honore,

Et avec les soucis dans nos cœurs enfermez,
Aux sommets de Parnasse on ne monte jamais:
Qui combat son destin & la dure disette,
On devient enroué & sa langue est muette.

Mais il est tantost heure de recercher Myrtil. Or bien que ie trouue ce pays tout changé & tout autre qu'il souloit estre, si qu'à peine en iceluy puis-ie recognoistre l'Arcadie , avec tout cela néantmoins vien ioyeusement Vranio.

overa Adresse au voyageur qui à langue ne manque.

Mais ce ne sera point mal fait qu'à ces prochaines maisons estans las comme tu es, tu demeures à te reposer.

ACTE CINQVIEME.

SCENE II.

Tityre. Le Messager.

Que regretteray-ie de toy premiere-^{piange}ment, ma fille? sera-ce ta vie ou ton honneur? Ce sera ton honneur & non ta vie: car tu es nee d'un pere mortel, mais non d'un pere infame. Et au lieu de ta vie ie regretteray la mienne, reservee pour voir aujourdhuy en toy esteint & la vie & l'honneur. O Montan, Môtan! cōme par tes beaux oracles men songers, & par ce beau superbe contēpteur d'amour & de ma fille, tu l'as cōduite à telle fin? Que bien plus certains sont aujourdhuy mes oracles que non pas les tiens.

Le Mess. S'il n'est mort ou que les vents ne l'ayent emporté en l'air, ie le deuerois auoir trouué. Mais le voila: si ie ne me trompe, quand moins ie l'ay penié trouuer. O pauvre vieillard malheureux? trouué trop tard pour moy & pour toy trop tost? quelle nouuelle ie t'apporte.

Tib. Que portes-tu en la langue? *Le*

couteau possible qui a esgorgé ma fille.

Le Mes. Non pas cela du tout, mais peu s'en faut. Mais comment l'as-tu peu sçavoir par autre voye, & si tost?

Tit. Elle vit donc encore?

Le Mes. Elle vit, & est en ses mains de mourir ou de viure.

Tit. Beny sois-tu, tu m'as remis de mort à vie? mais comment n'est elle hors de dâger s'il est en elle de ne mourir point?

Le Mes. Pour ne vouloir pas viure.

Tit. Elle ne veut pas viure, & quelle folie la peut induire à mespriser la vie?

Le Mes. La mort d'un autre: & si tu ne la viens d'esmouuoir, elle y est tellemēt resoluë que tout autre perd son tēps & ses paroles pour l'en destourner.

Tit. Que differons-nous? Allons.

Le Mes. Vous n'avez point encore de haste: les portes du tēple ne sont ouuer-tes, vous n'ignorez pas qu'il n'est permis qu'aux prestres de mettre le pied sur le seuil sacré, iusques à tant que la victime ordonnee sorte pour estre presentee aux autels.

Tit. Et si cependant elle mettoit a effer ceste estrange deliberation?

Le Mess. Elle ne sçauroit ; car elle est gardee.

Tit. Conte moy cepédant comme tout s'est passé, & fay que i'entende la verité sans déguifement.

Le Mess. Arriuee qu'elle est deuant le Prestre: spectacle plein d'horreur? Ta déplorable fille qui eust tiré vne source de larmes non seulement des assistans, mais des colonnes mesme du temple, & des pierres plus dures qu'on eust dit auoir sentiment, fut quasi en vn mesme instant accusée, conuaincuë & condamnée.

Tit. Pauvre fille! pourquoy si soudain?

Le Mess. Pource que les presomptions estoiet beaucoup plus fortes que les defences : & vne certaine Nymphe qu'elle appelloit à tesmoin de son innocéce ne se trouuoit lors, & n'y eust personne qui en peust dire nouuelles. Cepédant les signes horribles & les accidés môstrueux pleins d'espouuentemens & d'horreur qui estoient au temple, ne permettoient plus lōg delay: signes d'autāt plus estrā-^{gers} à nous, qu'ils estoiet plus nouueaux, & iamais veus depuis le iour que l'ire celeste, vengeresse des amours trahis du grand prestre Aminte, fut occa-

sion de nostre misere. La Deesse suë du sang, la terre trëble, la grotte sacree ressonne & retentit de hurlemés extraordinaires, & funestes gemissemens, outre ce qu'il s'en exhalle vn air si infait, que ie ne pense point que de la bouche mesme d'enfer il en sorte vne plus puante. Desia le prestre s'aprestoit en sacré appareil pour conduire ta fille à vne cruelle mort, quand Myrtil la voyant en tel estat (ô que tu oyas vne chose estrange) s'offrir de luy donner la vie aux despens de sa mort, s'escriant à haute voix : Desliez ses mains vous autres. Ah liens indignes ! & au lieu de celle qui deuoit estre victime de Diane, menez moy aux autels oblation d'Amarillis.

Tit. O acte vraiment d'amant fidelle & de cœur genereux !

presta Le Mess. Or oyez merueille. Celle qui auparauant se trouuoit si faisie de l'honneur deuenât lors aux paroles de Myrtil toute chägee d'vn grand courage respödit ainsi. Estimerois tu bien Myrtil, que tu peusses dōner la vie par ta mort à celle qui ne vit que par toy ? Miracle desraisonnable ? Sus sus ministres, qu'attend

Ion plus? Menez moy deormais aux autels. Je ne requiers telle pitié (dit lors Myrtil) Retourne cruelle Amarillis, car ceste tienne pitié impitoyable offense la plus saine partie de moy. C'est à moy de mourir. Ains c'est à moy (respond Amarillis) qui par la loy suis condamnée, & là se debattoit entr'eux, cōme si la mort eust esté vne vie, & la vie vne mort. O ames genereuses! ô coulpe digne d'honneur perpetuel! ô vif, & morts glorieux amans! Si i'auois autant de lāgues & autant de voix qu'il y a d'estoilles aux Cieux & de sable en la mer, toutes empliroient leur son, & leurs paroles pour celebrer à plain vos belles loüiāges. Fille du Ciel, grande Deesse, qui des robes au *me* temps les actions des hommes, pren ceste belle histoire & escri en lettre d'or sur vn dur diamant la pieté haute de ces deux amans.

Tit. Mais quelle fin en eut ençor ce debat de mort?

Le Mess. Myrtil vainquit, guerree smerueillable! où du viuant le mort eut victoire d'autant que le prestre dist à ta fille, Appaise-toy Nymphé: pource que celuy ne peut eschapper pour vn autre qui

s'est offert à la prescription de la loy. Puis il commanda que mort pour vn autre, ainsi de nous la fille fust bien gardee, de peur que la douleur extrefme ne la forçast au defespoir. Voila en quel estat estoient les choses lors que Montan m'enuoya te chercher.

Tit. En somme il est bien certain que

*Plustost sans fleurs on verra le riuage,
Plustost les bois se verront sans fueillages
Quand le Printemps reueft sa nouveauté,
Que sans amours une ieune beauté.*

Mais si nous demeurons tousiours ici, comment sçaurons-nous l'heure qu'il faut aller au temple?

Le Mes. Icy mieux qu'en lieu du monde: car voicy iustement le lieu où se doit amener ce bon berger pour estre offert en sacrifice.

Tit. Et pourquoy non au temple?

Le Mes. Pource qu'on donne la peine où s'est fait la faute.

Tit. Et pourquoy non dans la cauerne, si la faute y fut faite?

Le Mes. Pource qu'à Ciel descouvert il conuient sacrifier.

Tit. Et d'où as-tu sçeu ces mysteres?

Le mes. Du principal ministre qui dit

l'auoir ainsi entendu de l'antique Tire-
nio, lors que le loyal Aminte & la des-
loyale Lucrine furent sacrifiez : mais il
est temps de s'en aller , vois-tu commét
la pompe solemnelle descend dans la
plaine? Il sera bon que pour voir ta fille
nous nous acheminions au temple par
vn autre chemin.

ACTE CINQVIESME.

SCENE III.

CHOEVR des Bergers.

CHOEVR des Prestres.

Montan.

Myrtil.

O Du grand Iupiter la fille!
O de Phœbus la sœur gentille,
Qui au monde au eugle reluis
Le flambeau plus rare des nuicts.

Ch. des Prest. Deesse qui de ta lumiere
Tempères l'ardeur de ton frere,
Et fais que nature produit
Le rare present de son fruit.
Tu remplis l'air, la terre & l'onde
D'une multitude feconde
D'arbres, d'animaux, & aussi

D'humains qui respirent ici.

Comme tu fais l'ardeur extrême,

Esteint le courroux de toy-même.

Efface le dueil & l'ennuy

Que plaint l'Arcadie aujourd'huy.

Mon. Dressez deormais les autels, sacrez ministres: & vous Bergers deuots à Diane, reiterans vos cantiques inuoquez moy son saint nom.

Ch. des B. O du grand Iupiter la fille!

O de Phæbus la sœur gentille,

Qui au monde auengle reluis

Le flambeau plus rare des nuicts.

Mon. Retirez-vous à quartier, Bergers, & vous mes gens n'approchez de ce lieu que ie ne vous appelle moy mesme. Generieux adolescent, qui pour donner la vie à vn autre, abandonnes la tienne, tu dois mourir bien cōsolé. Toy d'un brief souspir qui sembles mort aux ames viles tu te destrôbes, immortel à ta mort. Car quand l'aage enuieuse apres mille & mille ans, aura esteint, comme c'est sa coustume, tant de noms glorieux tu viuras alors, tu viuras, vif exemplaire de loyauté.

ré. Mais puis que la loy le requiert ainsi, que tu meures victime muette, premier que tu ployes les genoux, si tu as quelque chose à dire ici, dy la maintenant puis te rais.

Myr. Mon pere (car ie me console de t'appeller ainsi, bien que i'aye à mourir de ta main) ie laisse mon corps à la terre, & mon ame à celle qui est ma seule vie. Mais las! s'il aduient qu'elle meure (comme elle menace de faire) hélas! quelle partie restera viue de moy? ô que la mort me sera douce si seulemēt meurt de moy ce qu'il y a de mortel en moy: car ce n'est point mon ame qui desire mourir. Mais neantmoins si celuy merite quelque grace qui meurt pour vne pieté extrême: fay en sorte, pere de bon-*corres* naire, qu'elle ne meure point & qu'en cette esperance ie passe d'ici à meilleure vie. Que mon destin se contente de ma mort, & s'estouffe avec mon tourment. *foye* Mais quand ie seray mort, qu'il me permette au moins que ie viue en mon ame separee de ses membres avec elle con- joint, puis qu'en viuant ne m'a esté per- mis de nous vnir.

Mon. A peine puis-je contenir mes larmes.

Dieux! que fragile est l'humaine nature?

Mon fils pren courage, tout ce que tu desites ie le promets, & te le iure par ma teste: & pour gage en voila la main.

Myr. Ores ie meurs bien consolé, & bien consolé encores ie viens vers toy Amarillis? Reçoy tó pauvre Myrtil, reçooy l'ame de ton loyal Berger. Voila que ie ploye les genoux à la mort, voulant finir ma vie & mes paroles par le beau nom que j'ay tant aimé. Et metais.

Mon. Qu'on ne differe plus, sacrez ministres, esleuez la flamme de bitume de bon odeur, & y respandans myrrhe, & encens tirez en vne vapeur qui monte là haut.

*Ch. des B:O du grand Iupiter la fille!
O de Phœbus la sœur gentille,
Qui au monde aveugle reluis
Le flambeau plus rare des nuits.*

ACTE CINQVIEME.

SCENE IIII.

Carino. Montan. Nicandre. Myril.
Cœur des Bergers.

Q Vi vit oncq' habitans si rares où il
y a tant de maisons, mais si ie ne me
trompe en voila l'occasion. Voy les là
tous en vn monceau. Quelle troupe &
combien grande, comme elle est riche!
comme elle est solemnelle! On fait là
sans doute quelque sacrifice.

Mon. Cà Nicandre, ça ce vase d'or, où
est la douce liqueur de Bacchus.

Nic. La voila.

Mon. Ainsi le sang innocent amolisse
ton cœur, ô sainte Deesse comme ceste
liqueur versée amortit la braise ardente
de ces foyers. Remets le vase d'or & me
donne la coupe d'argent.

Mon. Ainsi s'esteigne l'ire qu'alluma
en ton cœur la desloyalle Nymphé cõ-
me ceste eau tombant esteint la flamme

Nic. La voila.

Car. C'est bié certes vn sacrifice, mais ie n'y voy point de victime.

Mon. Voila tout préparé, reste seulement la fin: donne moy ce glaive.

Car. Voy-ie point là, ou si ie m'abuse, vn certain qui par derriere ressemble à vn homme qui a les genouïls flechis en terre? Seroit-il bien luy la victime? O pauvre! ce l'est pour certain, & ià le prestre à la main sur sa teste. Misérable patrie, n'as tu point encore depuis tant d'annees appaisé le courroux du Ciel?

*Cl. des B. O du grand Iupiter la fille!
O de Phœbus la sœur gentille,
Qui au monde auueugle reluis
Le flambeau plus rare des nuicts.*

Mon. Vangeresse Dame qui punis en nous d'vn chastiment public l'offence particuliere (ton plaisir est tel, & peut estre est il estably ainsi dans l'abyssme immuable de la prouidence eternelle.) Puis que le sang coupable de l'infidelle Lucrine n'a sçeu encore esteindre ce feu ardent de la iustice toute alterce de no-

stre sang. Boy ceste innocente victime
volontaire & amant non moins qu'A-
minte loyal qu'à ce sacré autel, l'immoles
en sa vengeance..

*Ch. des B. O du grand Jupiter la fille
O de Phœbus la sœur gentille,
Qui au monde aveugle reluis
Le flambeau plus rare des nuits..*

Mon. Hé! Dieu que ie me sens mainte-
nant attendre le cœur de cômiseration
qui me lie rous les sens d'un estonnement
extraordinaire: il semble que mon cœur
n'ose, & que ma main ne puisse souleuer
ce grand couteau..

Car. le voudrois fort voir au visage ce
pauvre mal-heureux, & puis m'en al-
ler: car ie n'ay pas le cœur de voir telle
cruauté.

Mon. Mais qui sçait s'il est licite de
consacrer vne offrande humaine regar-
dant le Soleil, bien qu'il tire au couchâr?
& que ce soit la cause qui debilité en
moy la force de l'esprit & du corps?
Tourne toy quelque peu, & dresse ta fa-
ce mourante vers la montagne.

L. iiij

Car. O moy miserable ! que voy-ie ? n'est-ce pas là mon fils ? n'est-ce pas là mon cher Myrtil ?

Mon. Je ne puis bien maintenant.

Car. C'est trop luy mesme !

Mon. Et mesure mon coup.

Car. Las ! que fais-tu, sacré ministre ?

Mon. Mais toy homme prophane, pourquoy retiens-tu le cousteau ? & oses mal aduise, mettre icy la main temerairement ?

Car. Myrtil mon plus cher bien, te douy-ie embrasser en si triste estat ?

Nic. Va t'en à la mal-heure vieillard presomptueux & inconsideré.

C. r. Je ne l'eusse iamais creu.

Nic. Retire toy, te di-ie, car il n'est point licite de toucher d'une main polluee une chose vouee aux Dieux.

Car. Je suis aimé des Dieux aussi bien qu'un autre : sous leur conduite ie suis ici arriué.

Mon. Tay toy Nicandre, oyons-le premierement, & puis qu'il s'en voise.

Car. De grace ! courtois ministre ! auant que le coup se desserre sur la teste de cet adolescent, di moy ie te prie pourquoy

c'est qu'il meurt le miserable: ie t'en requiers au nom de celle grand Deesse que tu adores.

Mon. Tu me coniuers par telle deité que ie serois melchant si ie le refusois? Mais que t'importe cela?

Car. Plus que tu ne penses,

Mon. Pource qu'il s'est offert de luy mesme à mourir pour vn autre.

Car. Il meurt doncques pour vn autre? Je pourray donc bien mourir pour luy. Ah! dresse ton coup ie te prie, sur ce chef à caduc qui s'offre volôtiers pour le fié.

Mon. Amy, tu ne sçay que tu dis.

Car. Pourquoi me dénie lon ce qu'on luy a accordé?

Mon. Pource que tu es estranger.

Car. Et si ie ne l'estoy point?

Mon. Encore ne le pourrois-tu faire, car celuy ne sçauroit elchapper pour vn autre, qui pour vn autre s'est offert à la mort. Mais dy moy encor qui tu es, si ainsi est que tu ne sois estranger: car à l'habit tu me sembles Arcade.

Car. Aussi suis-ie Arcade.

Mon. Si ne me souuiens-ie point de t'auoir iamais veu en ces quartiers ici.

Car. Si suis-je pourtant natif de ce pays
& pere de ce pauvre ieune homme.

Mon. Toy pere de Myrtil? tu viens bien
à propos pour toy, & mal à propos pour
nous autres. Sus retire toy viste, car l'af-
fection paternelle rendroit peut estre
inutile & sans fruct nostre sacrifice.

Car. Hal si tu estois pere.

Mon. Je le suis veritablement, & pere
encor d'un fils unique, voire bon pere.
Neanmoins, quand ce chef ici seroit
celuy de mon Siluio, ie ne serois moins
disposé à faire de luy ce qu'il me faut
faire du tien.

*Car du sacré manteau trop indigne ie tien
Cil qui pour le public ne se deuest du sien.*

Car. Que ie le puisse baiser au moins
avant qu'il meure.

Mon. Encores moins cela.

Car. Hé mon enfant! mon sang? es-tu
bien si cruel encores que tu ne respon-
des point à ton triste pere?

Myr. De grace, mon pere, appaise toy
desormais.

Mon. Chetifs que nous sommes, ce sa-

F I D E L L E. 237
crifice est pollué. O Dieux? *contaminat*

Myr. Car ie ne pouuois employer plus dignement la vie que tu m'as donnée.

Mon. le me doutois tousiours bien que aux larmes paternelles cestuy-ci romproit le silence.

Myr. Mal-heureux? quelle faute ay-je faite? Ah! la loy de se taire m'est sortie de l'esprit?

Mon. Mais qu'atten lon plus? Sus sus ministres reconduisez-le au temple, & que derechef en la chambre sacrée se reprenne de luy le vœu volontaire. Puis retournant icy teprenez derechef pour nouveau sacrifice nouvelle eau, nouveau vin, & nouveau brasier. Sus depeschez vous tost, car ià le Soleil se baille.

ACTE CINQVIESME.

SCENE V.

Montan. Carino. Damette.

MAistoy vieillard importunt u dois bien rendre graces à Dieu de ce que tu es pere, car sans cela ie te ferois

Liv

r'en iure par ceste telle ſacree) ſentir au-
iourd'huy combien peut le courroux en
moy: puis que tu as ſçeu ſi mal vſer de la
patience que i'ay eüe de toy? Sçais-tu
point que ie ſuis? Sçais-tu point que ie
gouuerne icy d'vne ſeule baguette les
choſes diuines & humaines?

*Car. Pour demander mercy le Prince ne
s'offence.*

*Mon. I'ay par trop enduré de toy, c'eſt
pourquoy tu es deuenu insolent, & ne
reconoïs pas que* *(cui,*

*D'autant plus que noſtre ire en noſtre ame ſe
Et tant plus elle tarde, & tant plus elle nuit.*

*Car. L'ire ne fut iamais en vn braue courage,
Vn courroux forcenant, vne boüillante rage:*

*Ains vn air genereux qui nos ames eſmeut,
Quand avec la raiſon s'vnir plus elle veut:*

*Luy reſueille ſa force, & la rend plus hardie
Aux belles actions qui honorent la vie.*

fa *Donc ſi ie ne trouue grace deuant toy
oütroie moy au moins que ie trouue iu-
ſtice: ton deuoir t'y oblige, & ne me le
ſçaurois deſnier.*

Celuy n'eſt du tout franc d'obeir à la loy

Qui aux autres la donne, & plus en vois en toy

*De pouuoir sur autruy , plus il faut que tu rende
La iustice à celuy qui de toy la demande.*

Voila que ie te la demande, si tu ne me
la veux faire, fais-là à roy-mesme: car le
faisant mourir tu n'es pas iuste.

Mon. Et comment ne suis ie pas iuste:
fay que ie l'entende vn peu.

Car. N'as-tu pas dit tantost qu'il n'e-
stoit pas loisible de sacrifier vn homme *scito*
estrange?

Mon. Ie l'ay dit voirement, & ay dit co-
que le ciel ordonne.

Car. Si est-ce que celuy que tu veux
sacrifier est estrange.

Mon. Et comment estrange, n'est-il
pas ton fils?

Car. Cela te suffise, ne t'en enquiers
plus auant.

Mon. C'est peut estre d'autant que tu
ne l'as engendré ici.

Car. Cil ne sçait moins souuent qui en veut
trop entendre.

Mon. Lon a en ceci esgard à l'origine,
non pas au lieu.

Car. Pource que ie ne l'ay pas engen-
dré, ie l'appelle estrange.

Mon. Quoy? c'est ton fils & tu ne l'as pas engendré?

Car. Et si ie ne l'ay pas engendré, il ne peut donc point estre mon fils?

Mon. Nem'as-tu pas dit qu'il estoit né de toy?

Car. J'ay dit qu'il estoit mon fils, mais non pas qu'il fust né de moy.

Mon. L'extrême douleur t'a fait perdre le sens.

Car. Je ne sentirois point de douleur, si i'auois perdu le sens.

Mon. Si ne peux-tu eschapper d'estre insensé ou malicieux.

Car. Comment peut loger la malice avec la verité?

Mon. Comment peut estre fils, quelqu'un & ne l'estre pas?

Car. Il peut bien estre fils d'affection, non de nature.

Mon. S'il est ton fils, il n'est donc pas étranger, & s'il ne l'est point aussi, tu n'as que débattre: par ainsi te voila convaincu, soit que tu sois pere, soit que tu ne le sois pas.

Car. Celuy qui est de paroles vaincu,
De verité n'est toujours convaincu,

Mon. Celuy qui est en paroles contraire,
Est conuaincu & ne le croit-on guere.

Car. Tu ne fais point selon raison, ie
te le dis encore vn coup.

Mon. Dessus ma teste & celle de mon
fils tombe cette iniustice.

Car. Tu t'en repentiras toy mesme, si
tu ne m'empeschés mon office. I'ap-
pelle à tesmoin les Dieux & les hom-
mes?

Mon. Tu reclames les Dieux, & tu les
offenses.

Car. Puis donc que tu ne me veux pas
entendre, le Ciel m'entende & la terre:
Que la grande Deesse que i'adore ici
m'entende; que Myrtil est estranger &
n'est point mon fils, & que tu prophane
le saint sacrifice.

Mon. Dieu me vueille tirer de cet im-
portun: Qui est donc son pere s'il n'est
pas ton fils?

Car. Je ne t'en puis que dire, bien sçay
ie que ce n'est pas moy.

Mon. Voy comme tu vacilles: mais est
il de ta lignee?

Car. Ny cela aussi.

Mon. Pourquoi l'appelles-tu donc ton

filz?

Car. Pource que dès le premier iour que ie l'eu iusques au iour d'apresent ie l'ay tousiours tenu comme filz, & comme tel esseué & carressé en ma maison.

Mon. L'as-tu acheté? l'as-tu enleué? d'où l'as-tu?

Car. Ie l'eu en Elide, & de don gratuit que m'en fit vn homme estranger.

Mon. Et d'où l'eut cet estranger?

Car. D'vn dō que ie luy en auois fait.

Mon. Tu apprestes à se fascher & à rire tout en vn instant. Tu as doncques eu en don ce que tu auois donné?

Car. Ce qui estoit sien ie luy donnay, & apres il m'en fit present.

Mon. Et toy (puis que tu m'ameines aujourd'huy à en conter avec toy) d'où est-ce que tu l'auois eu?

Car. Peu auparauant ie l'auois trouué par fortune à l'emboucheure du fleue Alphee en vn buisson de myrrhe, & à cette occasion ie le nommay Myrtil.

Mon. Que tu fains bien des fables, & des agences comme tu veux: Vos buis n'ont-ils point de bestes sauages?

Car. Et quoy doncques?

Mon. Commét ne l'ont-elles point deuoré?

Car. Vn imperueux torrent l'auoit iet-
tée en ce buissô, & le laissa là au sein d'v-
ne petite islette qui le deffendoit de l'eau
qui l'enuironnoit route.

Mon. Tu en files bien là des mensonges
& des contes. Et l'eau luy fut si pitoya-
ble qu'elle ne le submergea point. Les
fleuves en ton pays ont donc la discre-
tion de nourrir les enfans.

Car. Il estoit dedans vn berceau comme *culla*
en vne petite nasselle qui estoit environ-
née de ces matieres que les torrés amas-
sent tousiours, & l'auoit comme par ha- *a ca*
zard porté dans ce buisson.

Mon. Il estoit dans vn berceau?

Car. Dans vn berceau.

Mon. Petit enfant en maillor? *in face*

Car. Et bien ioly certes.

Mon. Et cōbien y a-il que cela arriua?

Car. Il peut bien y auoir dixneuf ans
depuis que le grand deluge aduint : il en
a autant iustement.

Mon. Quel frisson sens-je couler dans *horro*
mes os?

Car. Il ne sçait plus que dire.

Façon superbe, aux grands trop ordinaire;
De ne ceder voyant bien le contraire,
Et de penser devancer de raison
Comme de force & grandeur de maison.

mole Certes il est convaincu, & encores il
s'en fasche, si ie puis bien comprendre
ce qu'il marmotte entre ses dents : car
quelque apparence qu'il y ait de verité,
encore voudroit-il bien couvrir la faute
de son obstination.

raisonne Mon. Mais quel droit auoit en cest en-
fant cest homme d'ot tu me parles? estoit
ce son fils?

Car. le ne t'en puis que dire.

Mon. N'auois-tu point eu parauant au-
tre plus grande cognoissance de luy?

Car. le ne scaurois vous respondre à
tout belles nouuelles!

Mon. Le cognoistrois-tu bien?

linguista Car. Ouy si ie le voyois. C'est vn ber-
ger assez rustaud de façon & d'habit, de
moyenne stature, de poil noir, de barbe
rouffue, & de sourcils espais. *et ose*

Mon. Venez çà tous tant que vous
estes bergers & valets de ma maison.

Da. Nous voicy tous.

Man. Or considere à qui plus de ceux

ci ressemble l'homme dont tu me parles.

Car. Celuy qui parle à toy non seulement luy ressemble, mais c'est vrayement luy-mesme : & ne me semble nullement changé depuis vingt ans : vn seul poil ne luy est blanchi, & moy ie suis deuenu tout blanc.

Mon. Retirez-vous tous à quartier. Toy Damette demeure ici avec moy. Vien ça, cognois-tu bien cettuy-ci?

Da. Il me semble qu'ouy, mais ie ne puis dire d'où, ni comment.

Car. Je le feray bien souuenir de tout.

Mon. Laisse-moy premier parler avec luy, & ne te soit ennuyeux de t'esloigner vn peu.

Car. Je feray volontiers tout ce qu'il te plaira.

Mon. Or respons moy Damette, & garde bien de me mentir.

Car. Que fera-ce ceci? bons Dieux!

Mon. N'y a-il pas vingt ans que retournant de rechercher mon fils, que le torrent emporta avec son berceau, tu me dis que tu auois recherché toutes les contrées où passe le fleuve Alpheé, & que tu n'auois rien gagné?

Da. Pourquoi me le demandes-tu?

Mon. Réponds seulement à cela: Ne me dis-tu pas que tu ne l'auois sçeu trouuer?

Da. Ouy ie le dis.

Mon. Or quel enfant est-ce que tu donnas en Elide à cettuy qui t'a reconnu ici?

Da. Il y a vingt ans, & tu veux qu'un vieillard se ressouuienne de si lōg temps?

Mon. Il est bien aussi vieil que toy, & s'il s'en ressouuient.

Da. Tant plustost il radotte. *nançia*

Mon. Nous le verrons bien tantost, es-tu ho, estranger?

Car. Me voici.

Da. Fuis-tu aussi auant sous terre!

Mon. Dy moy, n'est-ce pas le pasteur qui te fist le present?

Car. C'est luy pour vray.

Da. De quel present parles tu?

Car. Ne te souuient-il point qu'au tēple de Iupiter Olympique apres auoir eu la responce de l'oracle, & toy estant prest de partir, ie vins à toy & te demanday les enseignes de ce que tu recerchois & que tu me les donnas: Au partir de là ie te conduisy en ma maison, où tu trouuas l'ēfant au berceau le quel tu me don-

nas en don?

Da. Que veux tu dire par cela?

Car. Or cest enfant que tu me donnas lors, & que i'entretins pres de moy cōme mon fils: c'est ce pauvre garçon que tu vois à l'autel pour estre sacrifié.

Da. O force du destin!

Mon. Tu te feins encores? Dis-moy seulement si tout ce qu'il t'a dit est vray?

Da. Aussi bien fussay-ie mort, comme ce qu'il dit est vray.

Mon. Cela t'auiedra certes si n'auoües *longe* le reste. Qu'est-ce qui te meut encore de donner à autrui ce qui n'estoit pas à toy?

Da. De grace mon maistre ne t'en enquiers plus auant pour l'honneur de Dieu, & cela te suffise.

Mon. Cela m'en fait auoir plus d'en- *sete* uie: encores tu me fais attendre? Encores *morte* tu ne parles point? C'est fait de toy iet'al seure si iete le demande encores vn coup.

Da. Ce fut que l'oracle m'auoit predit que si l'enfant retournoit chez son pere qu'il courroit fortune d'estre occis de sa main.

Car. Cela est tout certain, car ie m'y

trouuay present.

Mon. Helas le tout n'est que trop manifeste ! le cas ne se void que trop à l'œil & puis avec le songe & le destin , & le fait se rapporte.

Car. Que reste il plus ? veux tu preuua plus grande que ceste ci ?

Mon. Helas i'en suis trop esclarcy , tu m'en as trop dit : i'en ay trop entendu. A la mienne volonté que i'eusse moins recherché , & que tu en eusses moins sçeu. *O Carino, Carino,* côme i'eschange maintenant à toy ton mal & ta fortune, comme tes passions sont deuenues les miennes, Cestuy-ci est mon fils, & fils trop mal-heureux de trop mal-heureux pere, fils dis-ie , plus cruellement sauué des ondes, que r'auy d'icelles : puis que tu deuois tomber deuant les autels par les mains de ton pere, & baigner de tó sang la terre de ton pays.

Car. Toy pere de Myrtil ? O merueille, & en quelle façon l'as-tu perdu ?

Mon. Il me fut emporté de ce deluge horrible dont tu parlois à ceste heure. *O bien aimé gage* , tu fus sauué alors que ie te perds maintenant pource que ie t'ay

trouvé.

Car. O prouidence eternelle, de quel haut conseil as-tu tenu suspens iusques icy tât d'accidens estranges pour les faire apres eschoir en vn moment? Tu as bien conçu des choses grandes, Tu es bien enceinte d'un paremonstreux, Tu enfanteras pour certain, ou grand bien, ou grand mal. adere
grand a
parto

Mon. C'a esté certes ce que vouloit dire mon songe. Songe abuseur, trop veritable au mal, mais au bien trop menteur, Ce fut bien là ceste extraordinaire pitié, ce tremblement soudain qui saisit tous mes membres lors que ie prins le glaive en main : la nature ayant horreur d'un coup si cruel, fait par la main d'un pere abominable. ignorer
horre

Car. Mais quoy? tu veux donc donner fin à si horrible sacrifice?

Mon. Par autre main que la mienne ne doit cheoir deuant ces autels aucune victime humaine.

Car. Comment? le pere donnera donc la mort au fils?

Mon. Nostre loy le commande ainsi. Et quelle sera la charité si grande qui

250 *A* L'E B E R G E R *So*
pardonnera à autrui si le loyal Aminte
ne se pardonna pas?

Car. O destin mal-heureux où m'as-tu
amené?

Mon. A voir la pieté extrême de deux
pauvres peres deuenüe homicide la tié-
ne vers Myrtil, la miéne vers les Dieux.
Tu l'as pensé sauuer à te nier son pere,
& tu l'as perdu : & moy recerchant &
pensant d'occire ton fils , ie retrouve le
mien & l'occi miserable.

Car. Voila l'horrible monstre que en-
fante le destin : ô cruelle aduventure ? O
Myrtil ma vie , Hé ! est-ce que l'oracle
m'auoit predit de toy ? Est-ce ainsi que mō
pays me rēd heureux ? O fils, fils, l'appuy
& l'esperance de ce pauvre vieillard vn
temps fut, maintenāt le dueil & la mort.

Mon. Laisse moy ces larmes Carino, car
c'est à moy de pleurer mon sang. Helas
pourquoy mon sang si ie le dois respan-
dre ? Fils miserable, pourquoy t'ay-ie en-
gēdré ? pourquoy es-tu né au mōde ? L'ô-
de pitoyable te sauua dōc la vie, afin que
ton pere plus cruel cēt fois te l'ostast ? ô
grāds Dieux immortels sans le vouloir
desquels vne seule onde de la mer ne se

meut, vn seul vent dedans l'air, vne seule
 fueille en la terre, quel peché si mortel
 ay ie commis contre vous, pour estre
 digne de tomber avec ma semence sous
 le courroux du Ciel? Mais si i'ay offensé
 qu'a offensé mô fils? que ne luy pardon-
 nes-tu? & me foudroyant d'une seule ha-
 leine de ton ardent courroux ne m'occis
 tu, Iupiter? Mais si les dards me man-
 quent, mon fer ne me mâquera point. Je
 renouelleray d'Aminte le douloureux
 exemple; & verra le fils son pere mort
 premier que le pere tuë de sa main son
 fils. Meurs donc Montan, meurs aujour-
 d'huy. C'est à toy, c'est à toy. O Dieu (di-
 ray ie) du Ciel ou de l'enfer, qui agitez de
 douleurs mon ame desesperee. Voila vo-
 stre fureur ià conçeuë. Puis qu'il vous
 plaist ainsi, ie ne desire autre chose que
 la mort, ie n'ay autre desir que ma fin: vn
 funeste desir occupe tous mes sens, &
 semble me pousser à la mort, à la mort.

Car. O pauvre bon homme! comme la
 plus grande lumiere offusque la moin-
 dre: ainsi la douleur que ie ressens de ton
 mal a presque esteint la mienne: tu es
 certes bien digne de pitié.

ACTE CINQVIESME.

S C E N E V I.

Tirenio. Montan. Carito.

rester **H** Astes toy mon enfant, vas d'un pas ferme, afin que ie te puisse suivre, & que ie ne tressbuche point de mon pauvre pied infirme & auengle parmi ce chemin *incertain* raboteux & rompu. Tu es son *tout* œil comme ie le suis à ton esprit, & quand tu seras arriué deuant le prestre, demeure là.

Mon. Mais celuy que i'aperçoy là n'est ce pas nostre venerable Tirenio, qui bié qu'auengle en ce monde voit tout ce qui est au Ciel? quelque grand cas l'ameine, car il y a fort long temps qu'on ne l'a veu sortir de la sainte cellule.

Car. Plaise à la souueraine bonté des Dieux qu'il arriue à bonne heure pour toy & à ta ioye.

Mon. Quelle nouueauté voy ie ici pere Tirenio? toy hors du temple? ou vas-tu? que portes tu?

Tyr. le viens pour toy seul, i'apporte
chose

chose de nouveau & en recherche aussi.

Mon. D'où vient que tout l'ordre sacré
n'est point avec toy? que tarde t'il? il ne
viét point encor avec la victime expiée
& auct tout le reste qui manque pour le
sacrifice interrompu.

Tir. Que bien souuēt des yeux l'auenglement,
Ombre les yeux de nostre entendement:
Lors que nostre ame en soy toute amassée,
Donne a nos yeux des yeux clairs de Lyncee.
Il ne faut pas estimer de leger,
Que si grands cas soient venus sans iuger,
Que bien souuent la puissance diuine
Parmy les faits des terrestres chemine,
Les puissans Dieux n'habitans point çà bas,
Comme mortels leur langage n'ont pas:
Mais ce qu'on void de merueilleux au monde,
C'est de parler de leur bouche faconde.
Bien que le peup'e estime ignarement
Que du destin tout vienne entierement,
Voilà des Dieux les disertes harangues
Voilà leur voix voilà certes leurs langues
Muettes voire à l'oreille, & de son
Assez distinct à des gens de raison,
O quatre fois, voire si l'homme sage
Qui a ce don d'entendre ce langage.

Le bon Nicandre estoit là prest pour
M

menier l'ordre du sacrifice comme tu l'ay auois ordonné: mais ie l'ay retenu pour vn nouuel accident suruenu au temple, qui est bien tel que quand ie viens à l'accoupler à celuy qui t'est arriué ce iourd'huy presque en vn mesme temps, vn ie ne sçay quoy d'esperance inaccoustumée, & de crainte tout enséble me trouble l'entendement, que ie ne puis toutefois entendre, & quand moins ie l'entés, tant plus y recognois- ie vn plus grand presage ou de bien ou de mal.

Mon. Ce que tu n'entens point ie l'entens trop miserablement, & trop miserablement ie l'espreue aussi. Mais di moy, y a-il quelque chose qui soit cachée à toy qui peux penetrer les plus hauts secrets du destin?

Tir. O mon fils, ô mon fils.

Si l'usage des propheties

Dependoit de nos volontés,

Ces dons ne seroient point contez

Comme des celestes parties.

Ie ressens bien en mon esprit troublé que le destin me cache la verité, & se reserue en son sein quelque grand secret d'importance, c'est la seule occasion qui

m'a amené vers toy pour m'informer plus à plain qui est celuy qui s'est decouvert pere de ce garçon qui est destiné à la mort : si i'ay bien entendu le fait de Nicandre.

Mon. Tu le cognoist trop. O qu'il te fera grief Tirenio quand tu sçauras qu'il t'est si cognu & si cher.

Tir. Je loüe vraiment ta pieté, car c'est chose humaine d'auoir compassion des affligez, neantmoins fay en sorte que ie puisse parler à luy.

Mon. I'apperçoy bien maintenant que le Ciel tient en soy suspenduë la vertu prophetique qui souloit estre en toy. Ce pere que tu demandes, & avec lequel tu desires parler, c'est moy.

Tir. Toy pere de celuy qui est destiné pour victime à nostre grande Deesse?

Mon. Je suis le miserable pere de ce fils miserable.

Tir. De ce berger fidelle qui pour donner à autruy la vie s'est offert à mort?

Mon. De celuy qui mourant fait viure, celle qui luy donne la mort, & mourir celuy qui luy a donné la vie.

Tir. Et cela se passe ainsi?

M ij

Mon. En voila le tesmoin.

Car. Ce qu'il t'a dit est tout vray.

Tir. Et qui es-tu toy qui parles?

Car. Je suis Carino pere reputé iusques à present de ce ieune garçon.

Tir. Pourroit-ce bien estre ce tien enfant que le deluge t'emporta? *il diluvio t'emp*

Mon. Tu l'as dit Tirenio.

Tir. Et c'est pour cela Montan, que tu te dis miserable pere?

*Estrange aveuglement des hommes de ce monde,
En quel broüillais d'herreur, en quelle nuit pro-
Sont nos entendemens, ô Soleil radieux (fonde
Si de tes rayons clairs tu ne perces nos yeux?
Miserables mortels, quelle audace vous meine
De vous ôter le cœur d'une science humaine?
Celle qui de par vous, void cognoist & entend
N'est pas vostre vertu : c'est du Ciel qu'elle pend.
C'est luy seul qui la donne, & sa puissance haute
Quand il luy plaist aussi semblablement nous l'oste.*

*O Mōran plus aveugle encore d'esprit
que ie ne suis de veüe, quel enchatement,
quel demon t'esblouyst tellement que s'il
est ainsi que ce brave garçon soit né de
toy, tu ne te laisses à toy mesme reco-
gnoistre, que tu es aujour d'huy le pere
le plus heureux & le plus chery des
Dieux de tous ceux qui engendrerent ia.*

F I D E L L E. 6. 257
mais des enfans au monde? Voila le haut
secret que me cacheoit le destin: voila le
iour heureux qu'avec tant de pleurs &
effusion de nostre sang, nous auons at-
tendu: voicy la fin de nos miseres. O
Montan où es-tu? repren vn peutes es-
prits, comment à toy seul est sorti de l'es-
prit l'oracletant celebré, l'oracle fortu-
né qui est imprimé aux cœurs de toute
l'Arcadie? comment avec l'esclair qui si
inesperément te montre auioird'huy
ton fils: n'entens-tu les propos de la
voix celeste?

*Plusloft ne finira ce malheur homicide
Que deux races du Ciel iointes n'ayent esté.*

Des larmes de ioye sortent de mon
cœur en si grande abondance que ie ne
puis parler.

*Plusloft ne finira,
Plusloft ne finira ce mal-heur homicide
Que deux races du Ciel, iointes n'ayent esté,
Et que l'antique erreur de la femme perfide
D'vn fidelle berger paye la loyauté.*

Or dy moy Montan, ce berger duquel
il est parlé & qui deuoit mourir, n'est-il
pas de race celeste estant yssu de toy? A-
marillis aussi n'est-il pas d'extraction

diuine ? & qui penses-tu qui les ait as-
 semblez qu'Ainour ? Ce fut des parens &
 par force que fut accordé en mariage
 Siluio avec Amarillis, & ce nœud amou-
 reux qui les deuoit estraindre estoit au-
 tant esloigné que la haine & l'amour
 font esloignez l'un de l'autre ? mais si tu
 examines le reste, tu verras appertement
 que la voix celeste s'entend du seul Myr-
 til. Mais pour Dieu quel exemple de
 loyauté, depuis le fait d'Amince, s'est
 veu iamais qui peust s'esgaller à cestuy
 ci ? Qui a voulu mourir pour sa mai-
 stresse depuis le temps du loyal Amin-
 ce, si ce n'a esté Myrtil ? C'est la pieté
 grande du berger fidelle, digne d'ennul-
 ler l'âtiue erreur de la desloyale & mi-
 serable Lucrine : de cet acte admirable
 & estrange plustost que de sang humain
 s'appaise l'ire du Ciel, & se rend à la iu-
 stice eternelle ce que l'ouurage du sexe
 féminin luy auoit ravy. C'à esté l'occa-
 sion qu'il n'a peu si tost arriuer au tem-
 ple pour renoueller son vœu, pour ce
 que tous les signes espouuentables cess-
 ferent. Maintenant l'eternel simulachre
 ne degoust plus de sueur de sang, la

terre ne tremble plus, la grotte sacree ne bruit plus, & ne s'en exhalle plus d'air puant, mais bien au contraire il en sort vne si douce harmonie, & vne odeur si agreable que le Ciel mesme ne l'auroit d'auantage s'il pouuoit auoir *spirit* voix ou haleine. O prouidence supreme! O Dieux souuerains! Si toutes mes paroles estoient ames, & toutes auourd'huy ie les dediasse à vostre honneur, elles ne seroient point suffisantes pour vous rendre graces d'un si signalé bien fait. Mais le plus humblement que ie puis, ô diuinitez celestes, ie les vous reds les genouils flescHis en terre. O que ie vous suis redeuable de ce que ie vy auourd'huy, i'ay ià passé cent ans de mon age, & n'ay iamais sceu ce que c'estoit de viure: ce iourd'huy seulement la vie m'a esté agreable. Je commence à viure auourd'huy: auourd'huy ie renais. Mais pourquoy pers-ie temps avec toutes ces paroles, qui se doit employer à l'œuure? souleue moy, mon fils, car ie ne sçauois soustenir sans toy ces patures membres caducs.

Mon. le sens Tire nio, vne si grand' ioye
M iij.

en mon cœur iointe à yne si estrange
merueille, que ie suis ioyeux & ne le
suis point, mon ame confuse ne peut
monstrer exterieurement ma ioye rete-
nuë, tant vn grand estoynemēt tient mes
sens enferrez. O miracle celeste, ni ia-
mais veu ci deuant ni jamais entendu, O
faueur sans exemple, O pitié des Dieux
singuliere, O bien-heureuse Arcadie, O
terre bien-heureuse & du Ciel fauorite
par dessus toutes celles que le Soleil voit
& reschauffe. Ton bien m'apporterant
de plaisir que ie ne ressens pas le mien
propre, ne celuy de mō cher enfant, que
i'ay perdu deux fois & deux fois recon-

uert, & ne me puis souuenir de moy
mesme passāt d'vn abyfme d'ennuy à vn
abyfme de ioye, lors que ie pense en toy,
tout mon plaisir s'esuanouyst comme
vne petite goutte insensible qui se fond
dans la mer ample de tes plaisirs. O
songe bien-heureux ! non pas songe,
mais vision celeste. Voila que (comme
tu as dit) mon Arcadie se verra belle
encore.

Tir. Mais qu'attens-tu Montan, le
Ciel ne requiert plus de nous de victime.

humaine. Il n'est plus saison d'ire ni de vengeance, mais de grace & d'amour; nostre Deesse veut qu'aujourd'huy au lieu d'un sacrifice horrible & funeste se fassent des nopces ioyeuses & fortunées. Mais di moy encor combien il nous peut rester de iour.

Mon. Vne heure peu plus.

Tir. Il s'en va donc tard. Retournons au temple & qu'incontinent la fille de Tityre & ton fils se donnent la foy de mariage, & d'Amans deuiennēt espoux. Et l'un conduise bien tost l'autre au logis paternel, ou il faut que auant que le Soleil se leue ces heureux demi Dieux soient conioints ensemble: le Ciel le veut ainsi. Remeine moy, mon fils, ou tu m'as pris. Et toy Montan suy moy.

Mon. Mais considere Tirenio que sans violer la loy sainte, elle ne peut donner à Myrtil ceste foy qu'elle a ià donnée à Siluio.

Car. Et à Siluio en ce faisant aura esté baillee la foy, car Myrtil dès sa naissance a eu tel nom, si la verité me fut dite par ton seruiteur, lequel consentit que ie le nommassé Myrtil, & non pas Siluio.

M. v.

Mon. Il est certain, ie m'en resouuiens l'ayant renouuellé au second ce mesme nom, pour me consoler de la perte du premier.

Tir. Le doute pouuoit estre important. Or suivez moy tousiours.

Mon. Carino, allons nous en au temple, dorefnauât Myrtil aura deux peres. Aujourd'huy Montan a trouué vn fils, & Carino vn frere.

Car. Carino fera tousiours pere à Myrtil d'affection, & à toy frere: de reuerence à l'un & seruiteur à l'autre. Et puis que tu es si courtois enuers moy, ie prédray encor la hardiesse de te prier de vouloir aymer ce mien amy, sans lequel certes ie ne me puis aymer moy mesme.

Mon. Soit tout ainsi qu'il te plaira.

Car. O grands Dieux, eternels combien grand difference,

Se remarque aux sentiers de vostre sapience,
Par où tant de bienfaits se deſpoyent sur nous,
Et ceux que nous suiurons en nos iugemens fous!

ACTE CINQVIESME.

SCENE VII.

Corisque. Linco.

ET ainsi Linco, le cruel Siluio est de-
uenu amoureux, quand il y a moins
pensé: mais qu'est-il aduenu d'elle?

Lin. Nous la portâmes en la maison
de Siluio, où la mere la reçut tout en
larmes: ie ne sçay si c'estoit de ioye ou de
douleur. Ioyeuse vrayement de voir son
fils amoureux & espoux en vn iour: mais
affligée au possible de l'accident suruenu
à la Nymphé, & de se voir si mal pour-
ueüe de bru, qu'il luy conuenoit pleurer *more*
la mort de l'un & la playe de l'autre.

Cor. Amarillis est donc morte?

Lin. Elle deuoit mourir comme lo
bruit estoit: Et à ceste occasion ie me suis
acheminé vers le temple pour consoler
Montan: pource que si auourd'huy il a
perdu vne bru, voila qu'il en recouure *more*
vne autre.

Cor. Dorinde n'est donc pas morte?

Lin. Quand elle eust esté morte, elle fust retournée en vie à la pieté de Siluio.

Car. Et avec quel remede est elle guérie si tost?

Lin. Je te diray d'un bout à l'autre tout le mystere, & orras choses estranges. Tout autour de la Nymphé estoient hommes & femmes tous esmeus, & dispoiez neantmoins de la secourir promptemēt: mais elle ne voulut oncques permettre qu'autre que Siluio la touchast, disant ainsi: La main qui m'a blessée, celle mesme me guarisse. Ainsi nous demeurâmes seuls avec elle, Siluio, sa mere & moy: dont les deux donoient le conseil, l'autre la main. Quand ce hardy garçon eut osté doucement l'habillement sanglant de dessus son nu d'yuoire, il s'essaya de tirer la fleche enfôcée de la profonde playe: mais ie ne sçay comment de mal-heur ceste fleche trompeuse obeissant à la main laissa le fer au plus creux de la playe. Ce fut lors qu'à bon escient ses douleurs s'irriterent, & ne fut possible iamais que par main de maistre, ny avec tenailles, ny avec autre effort quelconque on la peust arracher de

vidiosa

a douero

là. Je croy bié qu'incisant la playe & la faisant plus grande lon eust bien peu d'un fer penetrer iusques à l'autre, & de fait on le deuoit faire: mais la main de Siluio estoit trop pitoyable & trop ayman te pour vn office si cruel. Certes amour ne guerit point les naurez avec instru-^{ferir} mens si cruels. Et combien qu'il semblast à la ieune amoureuse que sa douleur se radoucist entre les mains de Siluio, qui à cause de ce, ne s'elgarant point, dist, Tu sortiras de là fer ma-^{main} lin, & plus aisémét que tu ne penses: celuy qui t'a poussé si auant a bien le moyen de t'en faire sortir. Je repareray par l'vsage de la chasse le dōmage que son vsage m'a apporté. Il me fouuient d'une certaine herbe fort cogneuë de la cheure sauua ge, quand vne fiesche l'a blessee au flanc, elle l'a monstree à nous, & la nature à elle: il y en a fort pres d'icy. Soudain il partit, & en la proche montagne en ayant cueilly vne bōne poignée il reuint vers nous: ^{une} Et ayant tiré le suc meslé avec graine de veruaine & racine de centaure, il en fit vne emplastre qu'il appliqua sur la playe. Vertu merueilleuse! Soudain la douleur s'appaisa & s'estancha le sang, & le fer tost apres sans nulle peine ni douleur luiuant la main sortit doucement. La force premiere retourna à la fille, comme si iamais elle n'eust eu playe: laquelle certes ne fut pas mortelle, pour ce qu'ayāt laissé d'une part le ventre, & l'os de l'autre elle penetra seulemēt dans le flanc plein de muscles.

Car. Tu me contes-là vne vertu d'herbe merueilleuse, & aduenture encore plus merueilleuse.

Lin. Pour le regard de ce qui s'est passé entre eux par après, cela se peut mieux imaginer que dire. Quoy qu'il en soit elle est guarie & se manie à ceste heure si bien de son flanc, que ie croy qu'elle s'en peut bien aider à tout. Outre tout cela ie croy Corisque, aussi estimay-ie que tu le croyes bien, qu'elle a esté desormais atteinte d'une autre playe. Mais tout ainsi que elle est blessée de diuerses armes, aussi les playes en sont diuerses : de l'une la douleur est cruelle, de l'autre douce : l'une se reprenant se guarit, & l'autre quand moins elle se referme. Et ce mauuais garçon pendât qu'il a esté chasseur a esté si adonné à descocher flesches, qu'il n'é peut plus perdre sa coustume : & tout amoureux qu'il est veut encore blesser.

Cor. Linco, ie voy bien que tu es encor cest amoureux Linco que tu as tousiours esté.

Lin. Corisque m'amie ie suis bien Linco de courage, mais non pas de force : & en ce vieil tronc le desir est plus verd qu'il ne fut iamais.

Cor. Or maintenant qu'Amarillis est morte, il faur que ie sçache qu'est deuenu mon cher Myrtil.

ACTE CINQVIEME.

SCENE VIII.

Ergasto. Corisque.

O Jour plein de merueilles ! ô Jour tout plein d'amour, de grace & de plaisirs ! ô terre aventureuse ! ô Ciel benin.

Cor. Mais voila Ergasto. Comme il vient à temps!

Erg. Que maintenant toutes choses se resjouyssent, Le ciel, la terre, l'air, le feu, & le monde: tout rie. Nostre resjouyssance mesme passe iulqu'aux enfers, & qu'il n'y ait point aujour d'huy aucun lieu de peine eternelle.

Cor. Que cestuy-ci resiouy!

Erg. Forests heureuses, si autresfois souspirans d'un triste murmure auez accõpagné nos plaintes: esiouyssiez-vous à nos ioyes, & desliez autant de langues que vous auez de fucilles se iouiâtes au bruit de ces Zephirs rians esmeus de nostre resjouyssance. Chantez les contentemens & les aduétures de deux heureux amans.

Cor. Pour certain qu'il parle de Siluio, & de Dorinde: somme il faut viure.

*La source de nos pleurs tarit soudainement,
Mais le fleuve de ioye abonde incessamment.*

Il ne se parle plus de la mort d'Amarillis, on a souci seulement de s'esiouyr, & c'est bien fait certes, aussi bié la vie humaine est assez pleine de miseres. Où va Ergasto si content? est ce point aux nopces?

Erg. Tu l'as vraiment dit: as tu entendu l'heureuse aduventure de ces deux heureux amans? Corisque as tu entendu cas plus estrange?

Cor. Je l'ay entendu de Linco avec beaucoup de contentement, & en ay adoucy en partie la douleur, que ie ressentois de la mort d'Amarillis.

diuine ? & qui penſes-tu qui les ait af-
 ſemblez qu'Amour ? Ce fut des parens &
 par force que fut accordé en mariage
 Siluio avec Amarillis, & ce nœud amou-
 reux qui les deuoit eſtrandre eſtoit au-
 tant eſloigné que la haine & l'amour
 font eſloignez l'un de l'autre ? mais ſi tu
 examines le reſte, tu verras appertement
 que la voix celeſte s'entend du ſeul Myr-
 til. Mais pour Dieu quel exemple de
 loyauté, depuis le fait d'Amince, s'eſt
 veu iamais qui peult s'eſgaller à ceſtuy
 ci ? Qui a voulu mourir pour ſa mai-
 treſſe depuis le temps du loyal Amin-
 ce, ſi ce n'a eſté Myrtil ? C'eſt la pieté
 grande du berger fidelle, digne d'ennul-
 ler l'ârique erreur de la deſloyale & mi-
 ſerable Lucrine : de cet acte admirable
 & eſtrange pluſtoſt que de ſang humain
 ſ'appaife l'ire du Ciel, & ſe rend à la iu-
 ſtice eternelle ce que l'ouurage du ſexe
 feminin luy auoit rauy. C'à eſté l'occa-
 ſion qu'il n'a peu ſi toſt arriuer au tem-
 ple pour renouer ſon vœu, pour ce
 que tous les ſignes eſpouuentables ceſ-
 ſerent. Maintenant l'eternel ſimulachre
 ne degouſte plus de ſueur de ſang, la

terre ne tremble plus, la grotte-sacrée ne bruit plus, & ne s'en exhalle plus d'air puant, mais bien au contraire il en sort vne si douce harmonie, & vne odeur si agreable que le Ciel mesme ne l'auroit d'auantage s'il pouuoit auoir *voix* ou haleine. O prouidence supref-
me! O Dieux souuerains! Si toutes mes paroles estoient ames, & toutes auourd'huy ie les dediasse à vostre honneur, elles ne seroient point suffisantes pour vous rendre graces d'un si signalé bien fait. Mais le plus humblement que ie puis, ô diuinitez celestes, ie les vous reds les genoüils feschis en terre. O que ie vous suis redeuable de ce que ie vy auourd'huy, i'ay ià passé cent ans de mon aage, & n'ay iamais sçeu ce que c'estoit de viure: ce iourd'huy seulement la vie m'a esté agreable. Je commence à viure auourd'huy: auourd'huy ie renais. Mais pourquoy pers-je temps avec toutes ces paroles, qui se doit employer à l'œuvre: souleue moy, mon fils, car ie ne sçauois soustenir sans toy ces pauvres membres caducs.

Mon. Je sens Tire nio, vne si grand' ioye

M iiii j.

en mon cœur jointe à yne si estrange
merueille, que ie suis ioyeux & ne le
suis point, mon ame confuse ne peut
monstrer exterieurement ma ioye rete-
nuë, tant vn grand estoynement tient mes
sens enserrez. O miracle celeste, ni ia-
mais veu ci deuant ni jamais entendu, O
faueur sans exemple, O pitié des Dieux
singuliere, O bien-heureuse Arcadie, O
terre bien-heureuse & du Ciel fauorite
par dessus toutes celles que le Soleil voit
& reschauffe. Ton bien m'apporte tant
de plaisir que ie ne ressens pas le mien
propre, ne celuy de mô cher enfant, que
i'ay perdu deux fois & deux fois recon-

uert, & ne me puis souuenir de moy
mesme passât d'vn abyfme d'ennuy à vn
abyfme de ioye, lors que ie pense en toy,
tout mon plaisir s'esuanouyst comme
vne petite goutte insensible qui se fond
dans la mer ample de tes plaisirs. O
songe bien-heureux ! non pas songe,
mais vision celeste. Voila que (comme
tu as dit) mon Arcadie se verra belle
encore.

Tim. Mais qu'attens-tu Montan, le
Ciel ne requiert plus de nous de victime

humaine. Il n'est plus saison d'ire ni de vengeance, mais de grace & d'amour: nostre Deesse veut qu'aujourd'huy au lieu d'un sacrifice horrible & funeste se fassent des nopces ioyeuses & fortunées. Mais di moy encor combien il nous peut rester de iour.

Mon. Vne heure peu plus.

Tir. Il s'en va donc tard. Retournons au tēple & qu'incontinent la fille de Tityre & ton fils se donnent la foy de mariage, & d'Amans deuiennēt espoux. Et l'un conduise bien tost l'autre au logis paternel, ou il faut que auant que le Soleil se leue ces heureux demi Dieux soiēt conioints ensemble: le Ciel le veus ainsi. Remeine moy, mon fils, ou tu m'as pris. Et toy Montan fuy moy.

Mon. Mais considere Tirenio que sans violer la loy sainte, elle ne peut donner à Myrtil ceste foy qu'elle a ià donnee à Siluio.

Car. Et à Siluio en ce faisant aura esté baillee la foy, car Myrtil dès sa naissance a eu tel nom, si la verité me fut dite par ton seruiteur, lequel consentir que ie le nommassé Myrtil, & non pas Siluio.

M. v.

Mon. Il est certain, ie m'en resouuiens l'ayant renouuellé au second ce mesme nom, pour me consoler de la perte du premier.

Tir. Le doute pouuoit estre important. Or suivez moy tousiours.

Mon. Carino, allons nous en au temple, dorenavant Myrtil aura deux peres. Aujourd'huy Montan a trouué vn fils, & Carino vn frere.

Car. Carino sera tousiours pere à Myrtil d'affection, & à toy frere: de reuerence à l'un & seruiteur à l'autre. Et puis que tu es si courtois envers moy, ie prendray encor la hardiesse de te prier de vouloir aymer ce mien amy, sans lequel certes ie ne me puis aymer moy mesme.

Mon. Soit tout ainsi qu'il te plaira.

Car. O grands Dieux eternels combien grand difference,

Se remarque aux sentiers de vostre sapience,
Par où tant de bienfaits se deſployent sur nous,
Et ceux que nous suivons en nos iugemens fous!

ACTE CINQVIESME.

SCENE VII.

Corisque. Linco.

ET ainsi Linco, le cruel Siluio est de-
uenu amoureux, quand il y a moins
pensé: mais qu'est-il aduenu d'elle?

Lin. Nous la portâmes en la maison
de Siluio, où la mere la reçut tout en
larmes: ie ne sçay si c'estoit de ioye ou de
douleur. Ioyeuse vrayement de voir son
fils amoureux & espoux en vn iour: mais
affligée au possible de l'accident suruenu
à la Nymphé, & de se voir si mal pour-
ueüe de bru, qu'il luy conuenoit pleurer *more*
la mort de l'un & la playe de l'autre.

Cor. Amarillis est donc morte?

Lin. Elle deuoit mourir comme le
bruit estoit: Et à ceste occasion ie me suis
acheminé vers le temple pour consoler
Montan: pource que si auourd'huy il a
perdu vne bru, voila qu'il en recouure *more*
vne autre.

Cor. Dorinde n'est donc pas morte?

Lin. Quand elle eust esté morte, elle fust retournée en vie à la pieté de Siluio.

Car. Et avec quel remede est elle guérie si tost?

Lin. Je te diray d'un bout à l'autre tout le mystere, & orras choses estranges. Tout autour de la Nymphé estoient hommes & femmes tous esmeus, & dispoiez neantmoins de la secourir promptemēt: mais elle ne voulut oncques permettre qu'autre que Siluio la touchast, disant ainsi: La main qui m'a blessée, celle mesme me guarisse. Ainsi nous demeurâmes seuls avec elle, Siluio, sa mere & moy: dont les deux donoient le conseil, l'autre la main. Quand ce hardy garçon eut osté doucement l'habillement sanglant de dessus son nu d'yuoire, il s'effaya de tirer la fleche enfôcée de la profonde playe: mais ie ne sçay comment de mal-heur ceste fleche trompeuse obeissant à la main laissa le fer au plus creux de la playe. Ce fut lorsqu'à bon escient ses douleurs s'irriterent, & ne fut possible iamais que par main de maistre, ny avec tenailles, ny avec autre effort quelconque on la peust arracher de

là. Je croy bié qu'incisant la playe & la faisant plus grande lon eust bien peu d'un fer penetrer iusques à l'autre, & de fait on le deuoit faire: mais la main de Siluio estoit trop pitoyable & trop ayman te pour vn office si cruel. Certes amour ne guerit point les naurez avec instru-
mens si cruels. Et combien qu'il semblast à la ieune amoureuse que sa douleur se radoucist entre les mains de Siluio, qui à cause de ce, ne s'elgarant point, dist, Tu sortiras de là fer ma-
lin, & plus aisémét que tu ne penses: celuy qui t'a poussé si auant a bien le moyen de t'en faire sortir. Je repareray par l'vsage de la chasse le dōmage que son vsage m'a apporté. Il me fouuient d'une certaine herbe fort cogneuë de la cheure sau-
uage, quand vne fiesche l'a blessee au flanc, elle l'a monstree à nous, & la nature à elle: il y en a fort pres d'icy. Soudain il partit, & en la proche montagne en ayant cueilly vne bōne poignée il reuint vers nous: Et ayant tiré le suc meslé avec graine de ver-
uaine & racine de centaure, il en fit vne em-
plastre qu'il appliqua sur la playe. Vertu mer-
ueilleuse! Soudain la douleur s'appaisa & s'estancha le sang, & le fer tost apres sans nulle
peine ni douleur luiuant la main sortit douce-
ment. La force premiere retourna à la fille, comme si iamais elle n'eust eu playe: laquelle certes ne fut pas mortelle, pour ce qu'ayāt lais-
sé d'une part le ventre & l'os de l'autre elle pe-
netra seulemēt dans le flanc plein de muscles.
Car. Tu me contes-là vne vertu d'herbe mer-
ueilleuse, & aduenture encore plus merueil-
leuse.

Cor. Mais voila Ergasto. Comme il vient à temps!

Erg. Que maintenant toutes choses se resjouyssent, Le ciel, la terre, l'air, le feu, & le monde: tout rie. Nostre resjouyssance mesme passe iusqu'aux enfers, & qu'il n'y ait point auourd'huy aucun lieu de peine eternelle.

Cor. Que cestuy-ci resiouy!

Erg. Forests heureuses, si auresfois souspirans d'un triste murmure auez accõpagné vos plaintes: esiouyssiez-vous à nos ioyes, & desliez autant de langues que vous auez de fucilles se ioiâtes au bruit de ces Zephirs rians esmeus de nostre resjouyssance. Chantez les contentemens & les aduétures de deux heureux amans.

Cor. Pour certain qu'il parle de Siluio, & de Dorinde: somme il faut viure.

*La source de nos pleurs tarit soudainement,
Mais le fleuve de ioye abonde incessamment.*

Il ne se parle plus de la mort d'Amarillis, on a souci seulement de s'esiouyr, & c'est bien fait certes, aussi bié la vie humaine est assez pleine de miseres. Où va Ergasto si content? est ce point aux nopces?

Erg. Tu l'as vraiment dit: as tu entendu l'heureuse aduventure de ces deux heureux amans? Corisque as tu entendu cas plus estrange?

Cor. Ie l'ay entendu de Linco avec beaucoup de contentement, & en ay adoucy en partie la douleur, que ie ressentois de la mort d'Amarillis.

Erg. Amarillis morte? & comment? de quelle aventure parles-tu maintenant? ou de qui penses-tu que ie parle?

Cor. De Dorinde & de Siluio.

Erg. Quoy de Dorinde? quoy de Siluio? tu n'en sçais donc rien encore? Ma ioye naist bien de plus estrange, de plus haute & de plus excellente racine. Ie te parle d'Amarillis, & de Myrtil: couple d'amans le plus content, & le plus heureux qu'autre: qui soient suiets d'amour.

Cor. Amarillis n'est doncques pas morte?

Erg. Comment morte? elle est viuante, elle est gaillarde, elle est gentille, elle est la mariée.

Cor. Eh! tu te moques de moy.

Erg. Ie me moque? tu le verras tantost!

Cor. Elle n'a donc pas esté condamnée à la mort?

Erg. Elle y fut bien condamnée, mais tost après elle fut absoute.

Cor. Me contes-tu des songes, ou si i'escoute en songeant?

Erg. Si tu te tiens ici, tu la verras tantost toy-mesme cōme elle sortira du temple avec son loyal Myrtil, où il y a bien vne heure qu'ils sont, & se sont donné la foy de mariage: & les verras passer allans vers la maison de Montan, pour cueillir le doux fruit de tant & de si longs tranaux amoureux. Si tu voyois Coris- que la grande allegresse, si tu oyois le son des voix d'espoüissance: le tēple est tout plein d'une troupe infinie d'hommes & de femmes. Tu y verrois vieux & ieunes prestres & laiz tous

peste-messe ensemble, & presque tous hois de eux-mesmes, tant la ioye y est grâde. Chacun court par merueille voir ce couple bien-heureux. Chacun l'honore, chacun l'embrasse: qui louë la pieté, qui la cōstance, qui les graces du Ciel, qui la nature: les monts & les valees, la plaine & les collines, tout ne resonne autre chose que le nom glorieux du loyal berger. O belle aduenture d'Amant! deuenir si tost d'un pauvre berger demy-Dieu, passer si tost de mort à vie, & eschâger ses obseques si proches à nopces si lointaines & si desesperées. Mais iacoit Coril que que ce que ie t'ay dit soit beaucoup: toutesfois ce n'est rien au prix de iouyr de celle pour laquelle mourant, il se resiouyssoit: de celle, dis-ie, qui si resoluëment combattoit avec luy, non seulement en amour, mais a vouion mourir: courir, dis-ie, entre les bras de celle, pour laquelle peu auparauant il couroit si volontiers à la mort. C'est vne telle rencontre, c'est vn contentement si grâd, qu'il passe beaucoup ce que lon en pourroit penser, & tu ne te resiouys point? & tu ne ressens point pour Amarillis ceste ioye que ie ressens pour Myrtil?

Cor. Mais au contraire Ergasto, regarde comme ie suis ioyeuse.

Erg. O si tu eusses veu la belle Amarillis, quand elle donna à son Myrtil sa main pour gage de sa foy, & Myrtil à elle vn certain doux, mais incogneu baiser, que ie ne puis dire bonnement s'il donna ou reçeut pour gage de son amour. Tu serois certes morte de ioye. Quel pourpre? quelles roses? toute co

*Et ces heureux Amans, ces deux beaux demy-Dieux,
Estrein-les à iamais d'un lien gracieux.*

Cor. Helas ! il n'est que trop vray, Chetifue !
tu recueilles bien maintenant le fruit de tes
vanitez. O non moins pernicieux desirs que
vains & mensongers ! l'ay donc désiré la mort
d'une pauvre innocente pour accomplir mon
desir effrené : i'ay esté si cruelle : i'ay esté si
aveugle : Qui m'ouvre maintenant les yeux ?
Ah miserable ! que voy-ie ? l'horreur de ma
faute qui n'auoit apparence que de bon
heur.

Ch. des B. V'ien seconder Hymen d'une belle alle-
Estrein-les à iamais d'un lien gracieux, (griffe,
Nos sinceres desirs, & nos chants de liesse,
Et ces heureux amans, ces deux beaux demy-Dieux,
Estrein-les à iamais d'un lien gracieux,
Voy, fidelle berger, voy apres tant de pleurs,
Tant d'ennuis amoureux, tant d'ameres douleurs,
Où tu es arriué : recognois-tu pas celle
Que s'arrachoit le Ciel, & la terre cruelle, *celle*
Son destin enuieux, sa chaste volonte,
Ton estat miserable, & plein de pauvreté,
La promesse d'Hymen, la mort mesme prochaine ?
Et pourtant ô Myril, la voila qui est tienne.
Ce visage chery, ce beau sein, ces beaux yeux,
Ces belles blanches mains, ce beau tout precieux
De toy tant soupiré dont tu repais ta vené,
Sont de ta loyauté la recompence deuë.

Myr. Comment puis-ie parler si ie ne sçay
mesme si ie suis viuant, si ie ne sçay si ie voy

Amarillis, i'ay desiré la mesme chose que tu desirois, mais tu en iouys, pource que tu en estois digne: tu iouys du plus loyal berger qui viue: & toy Myrtil, tu iouys de la plus chaste Nymphé qui soit, ou iamais ait esté au monde, & m'en croyez, car i'ay esté la pierre de touche de loyauté en l'yn & l'honneur à l'autre. Mais toy Nymphé gentille auparauant que ton iuste courroux tombe sur moy, voy le visage de ton cher espoux, & là tu verras, ie m'assure, & la force de mon peché, & celle de ta grace. En faueur de si amoureux gage, pardonne, amoureuse Amarillis, à ma faute amoureuse: & certes c'est bien raison qu'Amour trouue auiourd'huy en toy le pardon de ses fautes, si toy tu fais espreuue de ses flâmes.

Am. Corisque non seulement ie te pardonne, ains ie t'ayme de tout mon cœur, considerant seulement l'effet, non la cause.

Et le fer & le feu quand ils nous ont gueris.

Bien qu'ils ayent fait mal, sont encores chers,

Quelle que tu m'ayes esté ce iourd'huy, aimée ou ennemie, il me suffit que le destin tant employé pour vn heureux instrument de ma ioye. Tromperies aduantageuses, heureuses trahisons! Et s'il te plaist de t'esrouyr avec nous, viens t'en, & participes à nos ioyes.

Car. Je suis assez ioyeuse du pardon que tu m'as donné, & d'auoir l'esprit sain.

Myr. Et moy aussi ie te pardonne tout, fors de ce que tu as attendu trop long temps à en venir là.

Cor. Vivez heureux & contens : Adieu.

*Ch. des B. Vien seconder Hymen d'une belle alle-
Nos sinceres desirs, & nos chants de liesse, (gresse,
Et ces heureux amans, ces deux beaux demy-Dieux,
Estrein-les à jamais d'un lien gracieux.*

A C T E C I N Q V I E S M E.

S C E N E X.

Myril. Amarillis.

LE CHOEUR des Bergers.

S Vis-ic donc si accoustumé à la peine qu'il
me faille toujours languir au milieu de mes
ioyes. Les pas de ceste pompe n'estoiét pas as-
sez lents, si ceste Corisque ne fust venuë encore
ietter à nos pieds ce retardement.

Am. Tu as grand hast: ~~le~~ ^{le} ~~retard~~ ^{loto}

*Myr. Helas mō cher thresor! ie ne sais encor
bien assure: ie suis encore en crainte. Et ne se-
ray jamais assure que tu n'ayes esté faite ma
fēme en la maison de mō pere. Car à dire vray,
tout ceci me semble yn songe: & me semble à
tous coups que mon sōge passe, & que tu t'esua-
noüis de moy. Mon ame, ie desirerois fort que
par vn autre preuue tu m'eusses sentir desor-
mais que mon doux veiller n'est point dormir.*

*Ch. des B. Vien seconder Hymen d'une belle alle-
Nos sinceres desirs, & nos chants de liesse, (gresse,
Et ces heureux Amans, ces deux beaux demy Dieux,
Estrein-les à jamais d'un lien gracieux.*



LE CHOEVR

O Couple bien-heureux!
 Qui semas pleurs & recueilles liesse,
 Combien hélas ! furent pleins de destresse
 Tes desirs amoureux.
 Or aprenez icy,
 Trop aveuglez & trop fragiles hommes,
 Les vrais plaisirs de ce monde ou nous sommes,
 Et les vrais maux aussi.
 Tout plaisir n'est plaisir:
 Ni mal aussi tout ce qui nous ennuye,
 Le vray plaisir qui de vertu à vie
 Vient apres le souffrir.

Rus subit ardens Sol.

F I N.

